

WANTOK

NIUSPEPA BILONG YUMI OL PAPUA NIUGINI STRET! 30 YIA NAU

32 pes

Namba 1,377

Wik i stat long Fonde Novemba 16, 2000

70t

INSAIT

K104m bilong ol bikpela projek

pes 2

Is Nu Briten redi long bai ileksen

pes 3

Ombudsmen sasim Anderson Agiru



pes 7

Ripot long Lo bilong ol Pati na kandidet

pes 11

Gavman i muv long abrusim vot i nogat bilip

YAKAM KELO i raitim

PRAIM Minista Sir Mekere Morauta i laik abrusim vot i nogat bilip bikos em i laikim Gavman i mas stap strong wantaim long lukim ol wok na ol samting em i kamapim i mas kamap gut.

Sir Mekere i tokaut olsem palamen i mas kisim malolo inap long Julai 23 long neks yia long abrusim ol salens we sampela lida na Oposisen i putim wantaim long laik mekim guria long Gavman. Na dispela i no gutpela tru long kantri bikos taim Gavman i sanap strong, ol gutpela wok na senis i ken kamap tru na kamap gut.

Sir Mekere i tok, sampela guria o salens we i bin kamap long sampela wik i go pinis i kamapim sampela hevi long Gavman na i surukim tu taim bilong Gavman i kamapim baset bilong kantri.

Long Mande dispela wik ol Gavman memba i bin go insait long palamen na muvim mosen long surukim palamen kibung i go long Julai 23 long neks yia. Long Jenuari 23 em taim we Gavman bilong Mekere i stap long pawa inap 18 mun olgeta. Na long dispela taim i ken i gat vot i nogat bilip long Praim Minista.

Memba bilong Mendi na lida bilong Pipels Progres Pati (PPP) i

bin muvim wanpela mosen long palamen haus tupela wik i go pinis long palamen i mas ejen na kam bung gen long Jenuari 23 long neks yia. Dispela em taim bilong traim vot i nogat bilip long Praim Minista.

Ol Gavman memba i bung long dispela wik na tokaut olsem taim palamen i kamapim baset bilong kantri pinis, ol bai kisim dispela 8 mun malolo.

Praim Minista Sir Mekere i tok ol bai bihainim stret taim na lo bilong holim ol bung bilong palamen. Lo i tok palamen mas sindaun 63 de long wanpela yia.

Palamen bai pasim baset bilong kantri long neks wik. Tasol i gat bikpela bilip olsem nupela lo bilong Intagrity ov Politikel Pati na Kandidet bai i no inap kamap yet long palamen inap neks yia samt-

ing. Long dispela taim tu Gavman i wok long strongim gen namba bilong em bihain long Gavman i rausim sampela Minista na sampela pati memba long Gavman tupela wik i go pinis.

Gavman i kisim bek Pangu Pati na givim wok minista long lida Chris Haiveta na namba tu bilong em Samson Napo.

Gavman i kisim bek tu Yunaitet Pati na givim Minista long lida Gabia Gagarimabu na Tommy Tomscoll.

Praim Minista i tokaut olsem em i gat bilip olsem ol i gat mak olsem 70 memba long sait bilong Gavman. Tasol ol i mas gat moa long 73 long mekim kamap ol bikpela Lo na ol senis long polisi o Lo bilong kantri.

Insait long Gavman nau em ol pati olsem Edvens PNG lain bilong John Pundari, Nesenei Alaiens lain bilong Sir Michael Somare, Pangu Pati lain bilong Chris Haiveta na Yunaitet Pati lain bilong Gabia Gagarimabu i stap wantaim Praim Minista Sir Mekere Morauta.



• Ol pipel bilong Goroka i amamas na welkamim memba bilong ol Henry Smith long nupela wok bilong em olsem CIS Minista.

Bisop singautim gavman long kamapim strongpela gan lo long hailans

JOE KARUKURU i raitim

SINGAUT i go long Nesenei Gavman long kwiktaitim painim rot long stapim ol wok bilong kisim ol gan i go long hailans rijen.

Yunaitet Sios Bisop bilong hailans rijen Reveren Clarence Kapali i wokim dispela singaut bihainim ol ripot we ol lain long Sauten Hailans i yusim ol strongpela gan insait long ol wan pisin pait i wok long kamap nau long provins.

Bisop Kapali i tok long nau ol wanpisin i yusim ol strongpela gan ol i wokim long fektori long pait namel long ol na dispela i kamapim bikpela hevi long laip na sindaun bilong komuniti na pipel na dai bilong planti.

Em i tok dispela bai go het sapos gavman na ol atoriti i no wokim samting kwiktaitim long stapim pasin bilong hait na brukim lo long karim ol strongpela gan i go insait long provins.

Bisop Kapali i autim ol dispela wari insait long namba 17 Anuel Jenerel Asembli bung bilong Yunaitet Sios long Mosbi long dispela wik.

Long ripot bilong em, Bisop Kapali i tok ol wan pisin pait long hailans i wok long bagarapim wok bilong sios long rijen.

Em bin tokim Asembli olsem pasin bilong wan pisin pait i wok long bagarapim planti laip we i no stap insait long ol pait ya.

Planti skul pikinini i lusim skul na dispela i wanpela bikpela wari long hailans rijen, Bisop Kapali i

tok. Em i tok rot i stap long daunim hevi tasol planti hailans pipel i no lukluk long en na ol i save wokim wan pisin pait tasol. Em i tok rot i stap long toktok wantaim ol lain i save lukautim lo na oda, ol sios lain, ol bikman long ples na viles kot.

Bisop Kapali i tok ol wan pisin pait long dispela yia we i kamap long Magarima, Tari na Mendi distrik i bagarapim planti samting, mekim ol pipel i ranawe lusim ples, bagarapim skul bilong ol pikinini na planti pipel i no kisim gut ol sevis.

Rijinet Sios lida i wari na singaut long ol Sauten Hailans pipel long tingting na lukluk long ol gutpela rot long stretim ol hevi tasol long lusim ol tumbuna pasin bilong wokim pait long stretim ol hevi.

Nestlé MILO IKEN WOKIM GUTPELA SAMTING LONG YU

Tupela man BRA i dai long Gizo insait long Solomon Ailan

VERONICA HATUTASI i raitm

FOAPELA man we tupela i memba bilong Bogenvil Revoluseneri Ami (BRA) wantaim narapela tupela man Solomon Ailan long Gizo i bin dai long las wiken, PAC-NIUS ripot i tok.

Wanpela meri Solomon Ailan i bin kisim bagarap na nau em i stap long Gizo haus sik.

Birua i bin kamap long Gizo Hotel kompaun we tupela daiman Bogenvil na ol arapela poroman bilong ol i wok long pati long en.

Gizo em biktaun bilong Westen Solomons na ol pipel long hap em ol hauslain na famili bilong ol Bogenvil pipel.

Long taim bilong hevi, planti pipel bilong Bogenvil i bin ronawe i go long Westen Solomons na Honiara na Gizo na ol i stap long hap. Tasol taim hevi long Solomons i go bikpela long dispela yia, ol Bogenvil pipel i stap long Solomon Ailan i stat long go bek long ples tasol sampela i

stap yet. Na em sampela long ol nau i go insait long dispela hevi long wiken na tupela bilong ol dai.

Ol ripot i kam long Honiara i tok tupela man Bogenvil em ol i save long nem bilong ol olsem Pari na Ivan na ol i bilong Saut Bogenvil. Na narapela tuepla man Solomon em lan Chapangi bilong Guadalkanal na Brian Zama bilong Westen Solomon.

Ol ripot i tok ol bin kilim tupela BRA insait long wanpela operesen ol i kolim long "Blak Sak" we Sauten BRA Koman i karimaut long stapim sampela lain bilong ol husat i stap long Westen Solomon na kamapim ol bikhet pasin na trabel long hap.

Plis Komanda long Westen Solomon Aloysius Ora i tok operesen ya i bin kamap long rausim ol gan long ol dispela lain BRA i wokim bikhet pasin na kisim ol bek i go long Bogenvil.

Em i tok tupela dai BRA i wok long pati long wanpela rum long Gizo Hotel wantaim tupela man na faipela meri pren taim long samting olsem 12.30 am, 10-

pela BRA lain i go banisim ol na odaim ol long lusim ol gan samting tasol ol i no laik na ol i sutim dai ol. Lida bilong ol husat ol i save long nem bilong em olsem Cornelius i bin ronawe.

Mista Ora i tok bihain em i toktok long ol BRA, em i kisim ripot olsem operesen ya i bilong rausim gan long ol bikhet lain bilong ol husat i wok long mekim trabel long Westen Solomons na kisim ol i go long sentrel Bogenvil long givim mekim save long ol.

Em i tok ol bin salim tok long ol bilong go bek long Bogenvil tupela wik i go pinis tasol ol no harim.

Bihainim hevi namel long ol Malaita na Guadalkanal pipel, planti pipel i ronawe i go long Westen Solomon na nau mak bilong ol pipel long dispela liklik taun i go antap long 8,000 pipel. Pastaimtaun ya i bin gat 4,000 pipel tasol.

Ripot i kam long Honiara i tok gavman i makim Alan Qurusu husat i foma palamen memba long karimaut ol wok painim long dispela samting.

Pot Mosbi:

Plis i holim pasim na sasim wanpela yangpela man bilong SPari viles insait long Sentrel provins bihain long em i bin sutim Nesene Kot jas Jastis Gibbs Salika long dispela wik.

Plis ripot i tok ol bin sasim dispela man Pari long stil na stilim ka.

Bos bilong ol plis long Nesene Kapitel na Sentrel provins Komanda Tom Kulunga i tok ol plis i bin holim pasim yangpela man ya taim em i kamapim bagarap long Jastis Salika na em i wok long ronawe long Hiritan haiwe.

Mista Kulunga i tok saspek ya wantaim tripela arapela man i bin holim Jastis Salika ausait long haus bilong em long Is Boroko na stilim Toyota Hailaks bilong em taim bikman ya i redi long go lotu.

Foapela raskol i bin hensapim em na rausim em long ka na sutim em wantaim naip long baksait bilong em taim em i kam ausait.

Ol neiba i bin kisim jas i go long ahus sik na nau em i wok long kamap' orait.

Plis long NCD i painim bodi bilong wanpela meri i dai namel long Hohola na Tokarara long dispela wik. Bodi i bin bagarap bikos ol man nogut i bin katkatim.

Ol bin painim bodi bilong wanpela yangpela meri husat ol i bilip olsem i bilong hailans long baksait bilong maunten namel long Hohola na Tokarara. Krismas bilong daimeri i namel long 20 na 25 yias. Ol bin painim dai bodi wantaim nogat klos long en na ol bin taitim han bilong em long baksait wantaim plastik rop.

Goroka, Isten Hailans:

Tripela man i dai long Goroka long las Sarere bik moning taim sampela lain i sut long ol, ol plis ripot i tok.

Dispela birua i bin kamap long Seigu stoa taim sampela man i pilai kas i stap long fran bilong stoa long samting olsem 2 kilok bikmoning.

Bos bilong ol plis long Hailans rijen Tony Wagambie i tok tripela man wantaim ol strongpela gan i bin go kamap long wanpela grup i pilai kas i stap na paiarim gan na sutim ol. Tripela man i bin dai kwiktiam na wanpela i kisim bikpela bagarap na nau i stap long Goroka beis haus sik. Ol ganman i bin ronawe taim ol i kilim tripela man pinis.

Kundiawa, Simbu:

Simbu plis i askim strong ol raskol long lusim ol gan samting bilong pait olsem wanlain bilong ol long Barawagi haus kalabus i bin wokim las wiken.

Plis ripot i tok Aghua Kigl, wanpela raskol we ol plis i wok long painim bihain long em i wokim ol trabel i bin lusim ples hait na go kamap long Mingende Katolik Sios we em bin givim bek tripela Kolt Spota raifel long ol plis atoriti.

Plis ripot i tok Kigl i laik lusim raskol pasin na stap gut insait long komyuniti.

Plis i bin wok long painim em bikos em bin brukim Barawagi haus kalabus na strilim ol samting bilong pait long stat bilong dispela yia.



Wina bilong Mis PNG kwest

• Nupela Mis PNG 2000 Epphreddie Jubilee (raithan) i sindaun wantaim olpela Mis PNG 1999 Roberta Ali bihain long ol jads i anaunsim em Mis Charity 2000.

Long baksait em ol narapela meri husat i resis long Mis PNG Kwest bilong yia 2000. Mani ol dispela meri i save kamapim long resis i save go long Red Cross PNG bai ol i ken helpim ol trangu manmeri husat i painim birua na i sot long ol samting insait long kantri.

Foto: IVAN BAYAGAU.

Fiul na wel prais go antap

PABLIK long kantri nau i peim moa mani long piul na ol karasin samting bihainim prais i go antap gen long dispela wik Tunde Novemba 7.

Prais Kontrola na Eksekutiv Dairekta bilong Konsuma Afeas kaunsil Dan Kakaraya i bin tok oraitim prais i go antap long ol petrol prodak we i bin stat long dispela Tunde.

- Pe i go antap em i olsem
- Karasin i go antap long 7.9 toea mak na nupela prais long wanpela lita karasin em 97 toea.
 - Moto spirit i go antap long 8.5 toea na nupela prais em K1.56 long wanpela lita
 - Disel i go antap long 7.1 toea na nupela prais em K1.02 long wanpela toea na
 - Aviesen ges bilong ol balus em bai i stap wankain long K1.16 long wanpela lita.

Mista Kakaraya i tok ol prais i go antap long kantri bikos wankain samting i kamap long prais bilong piul long wol maket.

Long wankain taim, singaut i go long ol meja piul na wel distributa long kantri long kontrolim pe bilong ol piul long level we pablik i ken baim long en na i no apim prais i go antap tumas.

Mista Kakaraya i tok prais i go antap em i bilong karamapim las yia. Em i tok wanpela wokimng komiti we Wel Industri i kamapim bai i glasim, skelim na lukluk long givim long gavman bilong traun sekim na painim rot long daunim hevi we prais go antap bilong piul na wel i kamapim long kantri.

Ol projek bai kisim K104 milien helpim

LYNNE MINIRU i raitim

NESENEL rot na bris mentenens projek bai go het nau bihain long Seketeri bilong Dipatmen ov Nesenele Plening na Monitoring, Mista Camillus Midire na Dairekta Jenerel bilong AusAID, Mista Bruce Davis i sainim wanpela tok orait long Trinde, Novemba 8.

Australia na Papua Niugini Gavman i bin bung wantaim long putim mani long dispela projek we bai kamap long Sandaun, Is Sepik, Madang, Milen Be, Wes Niu Briten na Niu Ailan Provins.

Bipo long em i sainim pepa, Mista Davis i tok dispela agrimen i stap insait long wanpela nupela triti long developmen koporesen namel long Gavman bilong Australia na PNG na i bihainim

stret polisi bilong PNG Gavman long stretim olgeta bikpela rot insait long kantri.

Mista Davis i tok projek bai givim sans long ol lokal kontrakta long stretim rot bikos ol bai kisim tasol ol kontrakta insait long PNG yet.

Mista Midire i tok projek bai luksave tasol long ol rot na bris i stap pinis na ol rot we i mas gat kolta long bringim moa mani i kam insait long kantri.

Projek bai stat bihain long dispela mun yet na bai Dipatmen bilong Woks na Implimentesen bai karimaut na Australia Menesing Kontrekta bai menesim.

Gayman bilong PNG na Australia wantaim bai putim mani long kos bilong Nesenele rot na bris mentenens projek klostu long K104 milien we bai karamapim tripela yia olgeta.

WANTOK

All departments. Phone: 325 2500 • Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and
Group Editor in Chief:
Anna Solomon.
Acting Advertising Manager:
Jocko Oberleuter
Editor of Wantok:
Yakam Kelo

Papers distributed by air
throughout PNG.
Available by air mail
subscription within
Papua New Guinea
and overseas
Email address:
word@global.net.pg

Advertising deadlines: Display bookings: Tuesday midday
Camera ready copy: Wednesday midday
Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Vot long Is Nu Briten bai stat long dispela Sarere

VOT long Is Briten bai ileksen long rijinel na Pomio sia bai stat long dispela Sarere, Novemba 18.

Deputi ilektorel Komisina Andrew Travem i tok ol wok redi i go gut na ol ilektorel opisa na pipel long Is Nu Briten i stap long gutpela oda na taget bilong skruim ileksen.

Bai ileksen bai i go het long tupela wik na pinis long Desemba 2. Long dispela de tu, ol bai statim long kaunim ol vot pepa.

Na long Mande Decemba 4 Is Nu Briten bai i gat nupela gavana na Pomio open memba.

Tripela kendidet i sanap resis long rijinel sia we Ekting Is Nu Briten Gavana Leo Dion i wanpela long ol.

Mista Dion i holim sia bilong ekting bihain long Gavana Francis Koimanrea i bin risain long resis long Pomio sia we leit brata Aloysius Koki i bin lusim taim em i dai long sstat bilong dispela yia.

Nainpela kendidet we Mista Koimanrea i wanpela long ol i resis long Pomio sia.

Long wankain taim tu, Mista Travvern i tok ol pipel long Madang i no inap holim yet bai ileksen long Madang rijinel sia bikos foma MP long dispela sia Jimi Kas we kot i rausim em bihain em i painim em i rong long spak na stapim balus long Madang ples balus long 1998 i putim apil long Suprim Kot long karimauf judisel rivyu o kot long glasim na skelim gen Nesene Kot disisen long rausim Mista Kas.

Wantok i no bin inap long kisim toktok long kothaus bikos ol i tok ol i no lukim yet apil bilong em.

Loya bilong em Greg Sheppard bilong Maladina Loya i no bin stap long opis long Wantok i kisim ol toktok long en long dispela samting.



• Wanpela meri Tolai i singsing long Henganofi taim memba Viviso Seravo i opim projek long las wik. Foto: SAPE METTA.

Malaria i kamapim pret long hailans

BRADLEY NAVI i raitim

MEMBA bilong Hagen Paul Pora i tok olsem malaria em i wanpela bilong ol bikipela sik insait long Papua Nui Guinea. Em i tok, dispela sik nogut i bilong nambis tasol nau i wok long kamap long planti hap bilong hailans. Planti pipel bilong hailans i no inap long pait na daunim dispela sik long wanem bodi bilong ol i nogat strong long pait egensim dispela sik. Planti manmeri na pikinini i wok long indai long dispela sik nogut. Em i tok gavman mas mekim sampela samting long daunim dispela sik.

Long taim bilong namba 2 wol woa, Mista Pora i tok, ol Japan i pret moa yet long sik malaria na li no ol Australia, Amerika, na Britis ami.

Em i askim Helt Minista Ludger Mond, na gavman long traim paitim toktok wantaim gavman bilong Japan long kamapim wanpela grup long mekim wok painim aut na long daunim dispela sik malaria insait long kantri.

Minista bilong Helt, Ludger Mond i bekim tok olsem ol i traim long daunim dispela sik. Medikal Risets Institut i bin mekim wok painim aut long Is Sepik na Madang long sampela yia i go pinis. Ol i painim wanpela vesin o marasin bilong daunim dispela sik. Em i tok, tasol, institut i no redi yet long tokaut, long dispela vesin o marasin bilong daunim sik malaria.

Mista Mond i tok, nau yet i nogat wok bung wantaim wanpela grup bilong Japan long mekim wok painim aut na long daunim dispela sik. Em i tok tasol olsem nau yet Kantri i wok long kisim helpim long Saina

long sait bilong marasin. Sapos gavman i ken paitim toktok wantaim Saina long gimiv helpim long pait wantaim dispela sik, em bai bikipela helpim tru, Mista Mond i tok.

Long narapela hap bilong askem na bekim taim bilong palamen, Gavana bilong Morobe, Luther Wenge i tok tenkyu na amamas long gavman bilong Australia, Minista bilong helt, Mista Mond na Praim Minister Sir Mekere long K100 milien Australia i gimiv olsem helpim long AIDS kempen.

Mista Wenge i tok tu olsem i nogat gutpela helt sevis i go long pipel bilong ol rural o bus eria olsem long Morobe. Planti bilong ol, em i tok i no gat dokta. Kos bilong ol marasin i antap tumas na ol pipel i no inap long baim o kisim gutpela sevis. Em i bin askim gavman long tokaut long plean bilong en long rausim ol APO, plen bilong wokim fektori bilong ol marasin na long apim namba bilong ol helt woka olsem APO, nes na dokta.

Mista Mond i bekim tok olsem 5 o 6-pela kampani i askim long wokim fektori bilong marasin long kantri. Dispela ol kampani i no bin go het long wokim fektori yet. Wanpela kampani tasol i wok long lukluk long dispela yet. Long sait bilong ol helt woka, Mista Mond i tok, namba bilong dokta long ol pipel long Solomon na Fiji i gutpela tru, tasol, long Papua Niugini i daun tumas. Long wan wan yia Papua Nui Guinea save kisim 30 na 35 dokta, tasol long dispela yia kantri i mas gat 100 doka i kam aut long skul go wok long ol klinik na haus sik long provins.

Ol kopra groa i no kisim yet prais sapot long gavman

VERONICA HATUTASI i raitim

KOPRA Maketing Bot (CMB) i no kisim yet K5 milien dinau mani bilong helpim ol kopra groa insait long kantri long dispela taim prais i stap daunbilo.

Ol ripot Wantok niuspepa i kisim i tok gavman i no gimiv yet dispela mani we em bin promisim long gimiv long CMB las mun bilong peim olsem prais sapot i go long ol groa long kantri

Prais bilong kopra i go daun tru long dispela mun na Siaman bilong CMB Jerry Nalau long las wik i tok prais long dispela mun bai i go daun moa bihainim kopra prais long wol maket i pundaun.

Nupela prais bilong dispela mun em K212 long wanpela ton bilong Hot Ea (kopra we ol i kisim long fam), K192 long wanpela ton FMS (drai kopra) na K172 long smok.

Mista Nalau i tok Bot i luksave olsem ol prais ya i go daun tru winim ol kos bilong prodaksen tasol em i tok CMB i no inap long gimiv helpim bikos dispela K5 milien prais sapot mani we gavman i promisim em ol i no gimiv yet long CMB.

Em i tok amamas long Nu Ailan Gavana Paul Tohian we gavman bilong en i wok long peim prais sapot long helpim ol kopra groa long en.

Em i askim ol gavana long ol arapela provins bilong helpim ol kopra groa long ol provins tu.

Ol ripot i tok hevi long CMB sek we em i peim ol kopra groa i bauns i kamap tu long Lae.

Tasol ol ripot i tok ol woklain long hap i wok long toktok strong long hetopis bilong ol long Mosbi na ol i save salim sampela mani i go long akaun na long narapela de ol groa i save kesim sek na kisim mani bilong ol.

Ripot i tok CMB long Lae i gat K20,000 dinau yet long Makam fam we i bikipela kokonas plantesen insait long Lae.


Ripot i tok plantesen ya i wok long holim yet sek stat long las mun na wetim mani i go long CMB akaun long kesim sek long en.

Lae CMB depo i save kisim kopra long Wes Nu Briten, Manus, Sio/Wasu, Madang, Morobe patrol pos, Siassi na Finsafen.

Ripot i tok bikos prais bilong kopra i go daun, planti groa i holim bek ol kopra i stap long ples inap prais i kamap gutpela geni.

PNG i save salim kopra i go long foapela hap long wol. Em long Yurop we i save baim bikipela mak bilong kopra long en. Long las yia, Yurop i bin baim 22,173.601 ton kopra long PNG na peim K17,849,748.81 long en.

Japan em i kamap namba tu bikipela baya wantaim 20,135.669 ton we i bin kisim K16,209,213.55 long en, Australia i bin baim 3,716.071 ton wantaim K22,991,137.16 na Singapo we i bin tro-



• Jerry Nalau.

moim K2,1157,794.45 long en.

Mak long mani we Kopra i bin kisim i kam long kantri long las yia em moa long K39 milien kina.

Ol yunion wetim plis long tok orait long mas

LYNNE MINIRU i raitim

Papua Niugini Tred Yunion Kongres wantaim ol memba bilong en na ol narapela grup olsem Non Gavman Ogenaisesen i wetim tasol ol plis long tok orait bai ol i ken mas i go long Palamen long gimiv askim bilong ol long Gavman.

Ol yunion wantaim ol narapela grup olsem ol NGO na ol manmeri long setelmen na ol sumatin bilong UPNG i bin bung long Mande long soim olsem ol i no laik bai gavman i go het long praive-taisesen o salim ol aset bilong kantri na tu long ol i no ken katim hap moni bilong ol manmeri husat i bin putim long Nesinol Providen Fand.

Bos bilong plis long Nesinol Kapitoll Distrik, metropoliten suprintenden John Maru i tok em bai i no inap larim mas long go het bikos em i wari nogut ol stil man i yusim mas long bagarapim ol samting bilong narapela manmeri.

Wanwok bilong em na deputi komisina bilong operesen Sam Inguba tu i sapotim Mista Maru na askim gavman na ol yunion bos long stretim wari bilong ol hariap.

Jenerel Seketri bilong Tred Yunion Kongres, John Paska i tok ol planti manmeri i sapotim em na em wantaim ol lain bilong en bai go het long straik inap long gavman i stretim wari bilong ol.



NIUGINI AILAN NUIS

Ol kaunsel preseiden kisim salens

WALTER DARIUS i raitim

WANPELA sabmisen pepa i stap nau long wantaim Provinsel Afeas Minista long Waigani we i sut long ileksen bilong ol Lokol Level Gavman (LLG) nsait long Is Nu Briten.

Ol LLGn insait long Is Nu Briten i wok long i gat planti ol vot i nogat bilip long ol kaunsel presiden bilong ol long dispela taim maski i gat 20 mun i stap bipo long jenerel ileksen long yia 2002.

Olsem na ol LLG long Is Nu Briten i tingting planti sapos i gutpela long go het yet na ol wod kaunsel i holim ol ileksen long ol presiden, o ol pipel yet i makim ol.

Tupela wik i go pinis ol bin holim wanpela vot i nogat bilip long en long Presiden bilong Kombiu LLG Daniel Towaai tasol em bin win long wanpela vot tasol taim mak i stap long 7-6. Planti kaunsel na deputi bilong em Elias Wuat i bin egensim em na i laik rausim em long sia.

Mista Wuat na 11-pela kaunsel memba i bin go pas long holim vot i nogat bilip long Mista Towaai.

Ol bin holim dispela vot i nogat

bilip long Mista Towaai taim em i no harim petisen o askim bilong ol kaunseli husat i wok long askim em long risain long wok bikos i gat ol ripot i stap olsem pasin bilong paulin na i no yusim gut mani i kamap, pasin bilong kisim ol wantok na poroman long wok, i no karimaut gut ol wok long lukautim etministresen, i no save long karimaut wok na ol kain pasin olsem.

Mista Towaai i bin putim kot samons long ol dispela kaunseli husat i sponsaim vot i nogat bilip long en na tok wan wan long ol bai peim K10,000 long bagarapim gutpela nem bilong em. Bihainim dispela, em foapela kainsila i go bek long kem bilong em na soim sapot gen long en. Olsem na taim ol i holim vot i nogat bilip long en, Mista Towaai i win bikos em bin pretim ol wantaim K10,000 fi mekim save peimen na tu em i tok bai kisim ol i go long kot long bagarapim gutpela nem bilong en.

Ol kot samon we Mista Towaai i kisim egens long ol kaunsel memba i stap yet tasol em i rausim nem bilong faipela bikos ol i tanim na sapotim em.

Nem bilong ol dispela em man husat i bin sapotim vot i nogat bilip long en em

Bruno Urami bilong Matupit namba 5, Albert Tovue bilong ples Baai, Walter Siale bilong Matupit namba 2, Hare Igen bilong Korere, Tovakol bilong Rabuna na Stella Rubet i makim maus bilong ol meri.

Kaunseli Sherry Warium bilong Nordup i bin sapotim stron Mista Towaai na nau em i kisim wok olsem deputi presiden.

Ol arapela kaunseli husat i bin sapotim vot em Vais Presiden na kaunseli bilong Matupit namba 4 Eliab Wuat, Tovinau Kova bilong Matupit namba 3, Tenaen bilong Matupit namba 2, Ephraim Mathew bilong Matalau, Tokunai Kamit bilong Korere namba 1 na Gabriel Tomadao bilong Talwat.

Provinsel siaman bilong LLG na Pablik sevis James Agi i bin tokim ol kaunseli bihbain long ol i holim vot olsem dispela em demokretik rot long ol pipel i autim tingting na wari bilong ol na i gutpela.

Em bin tok bai i gat long ol dispela kain vot i kamap.

Em i tok maski em i no luk gut tumas long ol LLG long holim ol dispela kain vot tasol em i gutpela na helti mak bikos dispela i soim olsem ol pipel i wok long skelim na glasim gut ol samting na lukluk long rot we ol lida i wok na ronim gavman.

Nu Ailan baset bilong neks yia bai helpim ol kopra groa

TONY SAPAN i raitim

NU AILAN provinsel gavman i wanpela long ol provinsel level long kantri we i wok long sapotim ol kopra groa taim prais i bagarap.

Provinsel baset bilong neks yia 2001 bai katim K500,000 moa long anuel baset mak bilong en long sapotim kopra prais i go long ol groa taim pe bilong kopra i pundaun daunbilo na ol groa i bungim hevi.

Provinsel gavman bilong Paul Tohian bai putim dispela mani long helpim ol kopra groa long provins taim kopra prais i bagarap.

Long las mun, Gavana Tohian i bin tok gavman bilong em bai sapotim ol kopra groa long provins bilong em na givim prais sapot bilong strongim ol groa long kamapim yet kopra long

taim prais i stap daunbilo long dispela taim.

Em i tok planti liklik groa long ples na ol famili bilong ol i nogat narapela rot long kisim mani long en na kopra em wanpela rot tasol na olsem gavman bilong em i strong long givim prais sapot long ol.

Long ol arapela wok kamap we gavman bilong em i mekim long helpim na skruim ol sevis i go long ol pipel, em bin tokim ol pipel olsem provins bai i gat wanpela balus kampani we ol i rejisteim pinis olsem NIP Air.

Em bin tokim ol pipel long bung olsem Nu Ailan Siping i bisnis han bilong Provinsel Gavman i wokim winmani o profit na gavman bilong em i laik yusim dispela long kamapim na strongim ol arapela pablik projek we bai sapotim ol pipel long en.



Gutpela kaikai ya!
• Kuka na ol arapela solwara kaikai em bun bilong ol Manus na ol liklik ailan bilong NGI. Ledi Roselyn Morauta wantaim meri lida Nahau Rooney i kisim kaikai long opening bilong asosiesen bilong ol meri em Manus Pihl Asosiesen.

Politisen i no wok gut wantaim Tohian gavman

I GAT wari olsem wok bilong sampela Nu Ailan politisen i wok long stapim ol wok developmen we provinsel gavman Gavana Paul Tohian i go pas long en i laik kamapim.

Dispela ol wok samting i no stapim developmen tasol ol i kamapim bel nogut namel ol politikel grup na ol sapota bilong ol.

Gavana Paul Tohian i bin autim toktok long dispela samting insait long bung bilong Nu Ailan Fes Asosiesen long Namatanai las wiken.

Em na narapela Nu Ailan palamen memba Ephraim Apelis i bin tokim ol pipel long bung olsem ol i stap long Alaiers Pati wantaim Sir Michael Somare na dispela em long helpim ol pipel na kamapim ol wok developmen long helpim ol.

Mista Tohian na Apelis i bin apil long ol pipel long tingting gut na glasim gut ol lida long taim bilong ileksen na i no ol dispela husat bai yusim ol tasol.

WANTOK
NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

Biabia BIABIA GO INSAT LONG HOTEL WANTAIM TUPELA MERI...

HEY, EM MINISTA BIABIA TASOL, AH?

EM NAU! KAIKAIM OLGETA TAX MONI MAN!

EM MINISTA BILONG HOM AFEAS, AH?

EM NAU!

LUK OLSEM EM MINISTA BILONG OL WOMEN AFEAS EN PROSTITUSEN!!

YEAH!! HA!! HA!!

Lida mas wok wantaim gutpela tingting long stretim Bogenvil hevi

VERONICA HATUTASI i raitim

Pipels Frateniti singaut long ol lida i wok wantaim gutpela tingting na luksave long Bogenvil hevi

SINGAUT i go long ol Bogenvil lida husat i stap insait long ol politikel toktok long bihain taim bilong ailan wantaim Papua Niugini long stap isi wantaim gutpela luksave na tingting.

Dairekta bilong Pipels Frateniti long Jastis na Pis (PFJPI), wanpela Non Gavman Grup long Bogenvil Joseph Noro taim em i mekim dispela singaut i tok grup bilong em i no wanbel long ol kain toktok we ol lida i wokim olsem Bogenvil bai bagarap gen bikos ol wok long painim gutpela sindaun bai bagarap sapos nesenel gavman i no wokim samting hariap long etresim politiks bilong bihain taim bilong ailan.

Mista Noro i tok ol lida i mas skelim gut ol toktok na luksave olsem ol wok long painim gutpela sindaun i bilong ol pipel na i mas stap.



Na em i tok olsem tasol na i no gutpela long wanpela grup o man long yusim dispela bilong apim nem o pilai politiks long en.

"Ol lida i mas strongim sapot long egensim pasin bilong pait na bagarapim man na long wankain taim ol i skruim wok long holim ol politikel toktok na kamap wantaim gutpela samting.

"Ol lida long tupela sait wantaim (nesenel gavman na Bogenvil) i mas luksave long ol pen na hevi we ol pipel long Bogenvil na Papua Niugini i bungim long planti krismas taim hevi i kamap long ailan. Ol i noken mas larim hevi i kamap gen," Mista Noro i tok.

Long wankain taim tu, Mista Noro i tok grup i sapotim salens we ol Bogenvil lida i putim long gavman long pasin em i wokim long i no givim fainensel sapot long Bogenvil Interim Provinsel Gavman (BIPG) na em i ken kisim sevis i go long ol pipel. Na long wankain taim tu, go hetim ol politikel toktok.

SEPIK NIUS



Singaut long ol memba long pinisim Mai Taji rot

Bikpela singaut i kam long Aitape, Lumi, Drekkir na Nuku Progres Asosiesen long ol memba bilong Sandaun Provins long wok bung wantaim long pinisim wok bilong Mai Taji Rot.

Siaman blong Asosiesen, Steven Holland, i tok olsem, Mai Taji rot bai joinim Aitape wantaim Lumi, Drekkir na Nuku. Dispela rot, em i tok, bai helpim tru ol wok bisnis bilong ol pipel na bringim developmen insait long Sandaun Provins.

Nau yet, em i tok, Sandaun Provins i yusim Sepik Haiwe long Is Sepik Provins long bringim planti blong ol Kes krop samting bilong ol long maket. Na i luk olsem, dispela i holim bek Sandaun provins long developmen blong em.

Mista Holland, man husat i gat 25 yia eksperiens long wok politiks na

bisnis long Sandaun Provins i tok olsem long lukluk blong em wok blong dispela rot i stop 5-pela yia i go pinis. Dispela i kamap long wanem i no bin gat gutpela politikal interes na wok bung wantaim namel long ol lain bilong National Planning Board.

Progres Asosiesen blong Aitape, Lumi, Drekkir Nuku em nupela grup ol i kamapim. Insait long dispela grup i gat ol man ol pipel i gat bikpela luk-save. Ol dispela lida i gat bikpela interes long mekim kamap dispela Mai Taji Rot projek. Ol lida i mekim dispeal projek olsem bikpela wok bilong ol. Asosiesen i tok olsem, wok blong pinisim dispela rot bai kos samting olsem K2 milien. Dispela rot bai inap long helpim na apim mani kam insait long provins. Ol 250, 000 pipel i stap insait long dispela eria bai kisim gutpela wok developmen.

Ol Sepik pipel i skelim wok bilong Fletcher Morobe

ELVIS MATHEW i raitim

BIKNEM Morobe kampani, Fletcher Morobe, i wok long go het wantaim wok bilong Wewak Stomwata Projek insait long Wewak taun.

Fletcher Morobe i statim wok bilong Wewak Stomwata Projek sampela mun i go pinis bihain long ol pipel i wet planti yia.

Kamap bilong Wewak Stomwata Projek i givim wok long planti papagraun na tu arapela manmeri. Ol papagraun i kam bung wantaim na fomim wanpela papagraun kampani.

Fletcher Morobe i wok long go het wantaim projek na wok long dikim ol bikpela baret na putim ol waia net na putim ol ston i go insait long waia net. Dispela em long stretim rot bilong wara long ron long taim bilong ren. Long sampela eria, Fletcher i wok long dikim graun na wokim ol aimen baret long mekim isi long wara long ron i go insait long mangro.

Namba wan hap bilong projek i no pinis yet na planti toktok i wok long kamap long we na stail bilong wok Fletcher Morobe mekim.

Planti pipel nau i wok long autim tingting bilong ol olsem ol i no amamas long wok kampani i mekim. Sampela i tok kampani i no save long wokim dispela kain wok we nau kampani i wok long mekim long Wewak Stomwata Projek. Long wanem kampani i nogat save na eksperiens long wokim dispela kain wok. Ol i tok dispela wok we kampani i karim aut nau insait em i namba wan taim bilong kampani long mekim.

Long dispela as tingting na luk-save, planti pipel i ting kampani bai no inap wokim gutpela wok.

Long tingting bilong ol pipel, Wewak Stomwata Projek wok bai rausim ol talswara. Dispela i min olsem ol pipel husat i stap long ol setelmen olsem Saksak Kompaun, Sepik Timia, Sambri Kem, Nuiga na ol arapela eria i mas muv long givim spes.

Maski kampani i statim wok pinis, ol pipel insait long ol setelmen i stap yet long wanwan haus bilong ol. Na dispela i mekim planti pipel i ting olsem wok bilong stomwata bai i no inap tasim ol talswara long ol setelmen i stap.

I gat tokwin olsem i gat sampela senis i kamap long wokplen bilong projek bihain long ol atoriti long

Waigani i sensim Ambesugi na givim wok i go long Fletcher Morobe.

Dispela luksave i stap bikos i gat arapela tokwin tu i stap. Dispela arapela tokwin i olsem kampani husat i bin winim tenda long karim aut wok bilong projek em wanpela biknem kampani long Madang ol i kolim Ambesugi. Tasol wok politiks long Waigani i sensim Ambesugi na givim wok i go long Fletcher Morobe.

Sampela senis i kamap long wok plen bilong projek bikos Fletcher Morobe i nogat ekeperiens long karim aut dispela kain wok nau em i mekim long Wewak Stomwata Projek.

Bihainim dispela planti pipel laik bai ol atoriti insait long provins i mas kam aut na tok klia long ol pipel.

Ol i laikim provinsel gavman, provinsel administresen, provinsel tenda bod na opis bilong Wewak Stomwata Projek i mas tok klia long wanem as tru Fletcher Morobe bai wokim, tok klia long wok plen bilong projek, tok klia sapos kampani i gat save, eksperiens na saveman long wokim dispela wok.

I gat toktok olsem papagraun kampani, Kwambu Entaprais i no amamas long wok Fletcher Morobe i wok long mekim nau. Na tu Kampani i no bihainim sampela agrimen we Hwambu Entaprais i tok i stap namel long em yet na kontrakta kampani long projek wok.

Ol agrimen namel long papagraun kampani (Hwambu Entaprais) na kontrakta kampani i bin kamap long namba wan taim Ambesugi i winim tenda. Na Hwambu Entaprais i kamapim ol agrimen wantaim Ambesugi. Taim Fletcher Morobe i kisim ples bilong Ambesugi, em i no bihainim sampela bilong ol dispela agrimen.

Dispela asua bilong Fletcher i mekim papagraun kampani i no wan bel. Ol pipel bilong Is Sepik i laikim ol atoriti insait long provinsel level i mas tokaut na tok klia long wanem as tru na ol i rausim Ambesugi, na givim wok i go long Fletcher Morobe.

Ol pipel i tok opis bilong stomwata projek i mas tok klia long wanem kain wok tru Fletcher Morobe bai wokim sapos Fletcher Morobe i gat save na tu eksperiens bilong wokim dispela kain wok, sapos i tru olsem sampela senis i kamap long wok plen bilong projek (bihain long Fletcher i kisim wok) long mekim isi long Fletcher Morobe long karim aut wok.

Ileksen bilong Sandaun Gavana i gat asua

OL samting in no ron stret bihainim bilip ol i kamapim long olsem maski wanem samting i kamap, pawa insait long Sandaun Provins, nupela Gavana bai ol i givim i go long olpela Minista bilong CIS na Memba bilong Vanimo Green, Micah Wes.

Bihainim ol nius ripot i kamap long nait bilong Fraide 10 Novemba, ol lain insait long Sandaun, bikpela tru insait long Vanimo, ol i haiarim ol ka na spit raun long painim na kisim ol presiden bilong ol LLG.

Husat long ol i stap pinis long Vanimo long mekim wok bilong pipel bilong ol. Na paitim ol toktok long makim wanpela long ol LLG presiden long resis long sia bilong Gavana insait long Sandaun.

Tasol bihain long ol i kisim tok klia bihainim Ogenik Lo, ol i lusim dispela tingting na resis long tromoi sapat bilong ol long husat nesenel palamen memba long kamap nupela Gavana bilong Sandaun. Dispela i mas kamap bikos Gavana John Tekwie i lusim pinis dispela sia na kisim wok Minista, olsem Minista bilong Tred na Indastri.

Long taim bilong lobi, ol nesenel palamen memba bilong

Sandaun i no holim pas wanbel tingting ol i kamapim long makim bilong nupela Gavana. Nau i gat planti paul tingting i stap nambaut long pipel na tu ol Gavman opisa. Ol i kwesterim sapos ileksen bilong Gavana na memba bilong Telefomin Mista Robert Sakias Ali i stret o nogat. Dispela askim nau i flai raun insait long Vanimo bikos ol i gat narapela ripot tu we i tokaut olsem, Nesenel Eksekutiv Kaunsel o NEC i no tok orait long Minista Sakias i risain olsem Vais Minista bilong Agrikalsa na Laipstok.

Ol ripot i kamap long Vanimo i tokaut olsem bihainim sampela liklik hevi i kamap long floa long taim bilong makim nupela Sandaun Gavana. Ol bikman bilong Koalisi Gavman na ol Pati Lida long nesenel level i singautim ol Sandaun memba i go bek hariap long Pot Mosbi long stretim namel bilong ol.

Ripot i tokaut tu olsem bai i gat senis i kamap gen insait long Gavman bilong Sandaun provins bihain long tupela o tripela wik.

Olpela Minista bilong Korekseneel Sevises na memba bilong Vanimo Green, Micah Wes bipo long em i lusim Vanimo long Sarere 11 Novemba, em i

tokaut long ol LLG presiden bilong Aitape Lumi na Vanimo Green husat long ol i bin givim sapat long em long kamap olsem nupela Sandaun Gavana, olsem bihainim sampela kain "politikel pawa gem" tripela narapela Sandaun memba bilong Nesenel Palamen i bringim i go daun long provins. Em bai i no nap salensim sia bilong Gavanaspil long provins sapos i gat narapela sans long makim Gavana. Em i tok olsem em bai i no nap sanap long dispela resis, tasol bai em i givim na sapatim ol LLG Presiden long resis long sia bilong Gavana insait long Sandaun provins.

Long dispela taim ol arapela LLG presiden i sutim tok long ol nesenel memba long bringim pati politiks i go daun long provins na bagarapim gutpela piksa na wok bung we i bin stap gutpela namel long olgeta LLG presiden bilong provins.

Telefomin MP, Robert Sakias i winim ileksen long 12 vot na i kamap olsem Gavana taim memba bilong Vanimo Green, Micah Wes i kisim 9 vot. Wanpela Asembli memba i no stap long miting long tromoi vot bilong em. Olpela Gavana, John Tekwie tu i no vot.

Pacific Gold Studios

P.O. BOX 4470, BK8
FAX: (675) 3259395
EMAIL: pacgold@iatare.net.pg

proudly presents

BRAND NEW LOCAL RELEASES TO ROCK YOU INTO CHRISTMAS !!!


POM0189 REGGAE BRUKIM BUS	POM0191 PZUIF	POM0192 TOK PILAI TASOL	POM0193 KATIM KORA JOE
POM0194 QUAKES	POM0195 DUSTYS BAND	POM0196 HIGHER VISION	POM0197 VUNAIRIMA VOICES
POM0198 CHRISTIAN ARMY	POM0199 WHITE HOPE XMAS	POM0200 COVENANT PRAISE	POM0201 NEIL JOHN



SAUTEN



RIJON



Amamasim pasin tumbuna

• (lephan) Dispela Mis Securimax Susie Tongia i wokim wanpela kain singsing tumbuna bilong Milne Be provins. (raithan) Mis Royel Papuan Yot Klub Josephine Kuriki i wokim singsing tumbuna bilong Sentral proviins. Ekt long piksa i soim mama pisin i painim pikinini bilong em.

Koiari na Oro kamapim komiti long lukautim Kokoda Trel

OL MAUSMAN i makim ol Lokol Level gavman bilong Koiari long Sentrel provins na ol Oro provins lain i bung wantaim nau long stretim hevi we i kamap long Kokoda Trel.

Ol bin holim namba wan bung bilong ol long Sentrel Provins Asembli Hal las wik.

Deputi Gavana bilong Oro i bin go pas long ol Oro grup taim Presiden bilong Koiari LLG James Vovoi Sele i bin go pas long Koiari grup.

Dispela em namba wan taim

we tupela grup i bung wantaim long stretim Kokoda Trel hevi stat long las yia.

Tupela grup i tok long kamapim wanpeal join komiti bilong lukautim dispela samting na ol i kolim komiti ya long Kokoda Trel Join Komiti.

Ol i lukim ol lain long Provinsel Afeas na Viles Sevis long kisim ol kliapela toktok we i bihainim lo long kliarim ol samting bipo long ol i skruim wok bilong komiti tasol tupela sait i no wanbel tumas yet long sampela samting.

Ol bin givim ol kaunsil wanpela wik long stretim dispela samting na go bek lukim ol Provinsel Afeas lain.

Long wankain taim, Viles Sevis dipatmen i tokaut olsem i gat ol arapela grup moa we i gat intres long Kokoda Trel.

Koiari LLGC Presiden Sele i tok sapos i gat ol arapela grup i gat intres long Kokoda Trel, i moabeta long ol i wet pastaim inap dispela komiti i kirapim wanpela grup long lukautim ol wok long Trel ya.

Nupela Hausing Minista stat wok

DANIEL MONA i raitim

NUPELA Hausing Minista na bosman bilong Pangu Pati Chris Haiveta i statim wok long Tokarara Hausing Komisn Opis las wik taim Praim Minista i makim em olsem nupela Minista.

Long bungim wok na strongim wok bilong em, Minista Haiveta taim em i go long opis long Tokarara olupela wokboi man i go pas long klinim rabis i tok moning long em na mi tok olsem: Yu kam long raun lukluk, na Minista i tok nogat mi kam long wok na statim wok long hia.

Na man i tok planti yia i go pas na i no lukim wanpela Minista i stap wantaim yumi long hia. Minista Haiveta i tokim em olsem bai mi i kam bek gen na wok wantaim ol wokman meri bilong Komisn.

Dispela em toktok Minista Haiveta i givim taim em opim wanpela de wok-sap bilong ol menesa bilong Hausing Komisn long Airways Motel ausait long Mosbi long las wik Fraide.

Em i tok Hausing Kopresen mas i gat plen long 5-pela yia na mas gat tingting long wanem samting em i ken wokim long wanwan yia. Em tok em laik lukim dispela plen mas wok na i no pepa nating we i ken stap na nogat kaikai i kamap.

Em i tok Hausing Komisn mas gat plen na lukluk long bihainim Provinsal rifom long bungim na wokim ol haus bilong ol pablik sevans insait long wanwan distrik long kantri.

Em i tok Hausing Komisn i bin lusim planti mani i go pinis bikos em i nogat gutpela rekot bilong hamas haus em gat na hamas ol samting em i gat long kantri. Mani we i stap yet long buking em olsem K18 milien na K20.

Em tok dispela eviksen (rausim ol manmeri long haus) husat i no baim haus bia i go het na em i tok em i sori tru long ol manmeri tasol wok mas i go het.

Em tok sapos Hausing Komisn i no save hamas mani na haus long kantri i hat tru long kisim dinau long wokim nupela haus gen na wok mentenens.

Olsem na long dispela woksap em i laikim dispela olgeta wari we em ken

kisim i go long Kabinet we nupela mani em i ken kisim long wokim ol nupela haus insait long kantri na ol siti na taun.

Em i tok Gavman i putim K7.5 milien long long neks yia long lukluk long wokim nupela haus insait long kantri na kontrak bai go long pablik tenda. Na tu Hausing Komisn i kisim tok orait long kisim ol haus kapa na ol samting long wokim haus i kam insait long kantri fri na i no inap long baim takis.

Em i tok em i laikim ol pablik sevans mas wok bung wantaim em long bringim sevis i go long ol manmeri insait long kantri.

Em tokaut long ol ritren pablik sevans long Hausing Komisn olsem ol bai kisim mani bilong ol long Krismas na tok em bai lukluk long mekim dispela pei i mas kam aut.

Yumi mas gat ol haus we ol manmeri mas baim long liklik mani long stap insait long ol taun na siti long wanem prais bilong ol haus i go antap tru nau.

Em tok planti wok manmeri i stap long ol setelmen na wok yet long givim sevis long Gavman olsem plis-manmeri, ami man, haus sik wokman na meri, ol tisa, na olgeta man i wok long Gavman na ol bisnis insait long ol taun na siti.

Em tokaut olsem ol Papua Niugini manmeri mas hamamas long stap long haus bilong ol na dispela mas bikpela plen long Hausing Komisn.

Nupela menesa long Hausing Komisn Benedict Mick husat i bin sainim foapela yia kontrak las wik i tok olsem em i tok amamas long nupela Minista na tok em bai wok wantaim Chris Haiveta husat i gat bikpela save long wok ediministreta na wanpela sinia politisen.

Em tok em laik lukim dispela wok praivetaisesen (hausing komisn i kamap kampani bilong gavman olsem Hausing Koperesen). Em tok dispela woksap i bin kamap na astingting em long wokim 5-yia plen long Komisn. Em i tok olsem i nogat wanpela plen stap long Komisn nau. Em tok gutbai long olupela Minista John Kamb na tok ol wokboi bilong Komisn i amamas long wok wantaim nupela Minista.

Krismas FOODWORLD Spesols!


Ilimo Kwikkai 900gr	K3.98	Gravox Asst. 200gr	K2.09
Pork Sausages	K4.95 kg	Hiway Beef Biscuits 130gr	K0.58
Maggi Noodles 85gr	K0.50t	Roots Rice 1kg	K1.43
Rosella Tomato Sauce 300ml	K2.32	Tartan Loose Soap 75gr	K0.30
Globe Corned Beef Taper 340gr	K2.59	Suncrush Cordial 750ml	K1.98
Zenag Eggs per doz 55gr	K2.78	King Cooking Oil 250ml	K0.99

Supa Spesol Prais!

Selebretim Krismas long Boroko Foodworld Supa Krismas Spesol!

EXTENDED TRADING HOURS
 Monday to Wednesday - 8.00am to 7.30pm
 Thursday / Friday - 8.00am to 8.00pm
 Saturday / Sunday - 8.00am to


Planti moa kaikai prais i go daun long en!
 Ph: 325 7566, 325 0863 Fax: 325 7096



HAILANS



NIUS



Opis bilong pablik Prosekyuta redim ol wok long sasim Agiru

OL WOK long putim sas long Gavana bilong Sauten Hailans Anderson Agiru bai redi insait long tupela mun, Pablik Prosekyuta Panuel Mogish i bin tok long dispela wik.

Mista Mogish i tok opis bilong em nau i wok long glasim ol ripot sapos i gat ol evidens o tok tru i sut long Mista Agiru sanapim em long Lidasip Traibunel kot na ansa long ol sas egens long em.

Bikos opis bilong Pablik Prosekyuta i sot long ol wokman olsem ol jas na majistret, sot long mani na ol arapela risos na tu i gat ol arapela keis we ol i lukluk long en, ol wok long dispela samting i no hariap tumas. Mista Mogish i tok.

Ombusmen Komisn i bin putim keis bilong Mista Agiru long han bilong Pablik Prosekyuta long las wik Trinde Novemba 9.

Mista Mogish i tok ol sas we Ombusmen Komisn i holim Mista Agiru em long brukim

Lidasip Lo taim em i holim pablik opis olsem wanpela lida.

Dispela em long i no givim ol anuel ripot i go long Ombusmen Komisn long tokaut long ol wok mani na wok bisnis bilong em na famili stat yet long 1984 taim em i kisim lidasip wok inap long yia 1993.

Narapela sas tu em long gat wanpela strongpela gan we i bin kamp long nius ripot long dispela yia Julai we piksa bilong Mista Agiru i bin kamap taim em i holim AR 15 semi otometik hai pawa gan.

Aninit long Lidasip Lo, olgeta lida na ol man we i holim pablik lidasip posisen i mas givim ripot i go long Ombusmen Komisn long pinis bilong olgeta yia.

Long dispela ripot ol lida i mas tokaut long salari o pei ol i kisim, ol bisnis ektiviti bilong ol na famili n hamas mani ol i kamapim na ol kain samting moa olsem.

Mista Mogish i tok stat yet long 1983 taim Mista Agiru i bin holim

lidasip posisen em i no save givim ripot bilong em long ombusmen Komisn.

Em i tok long dispela taim tu, opis bilong em i wok long lukluk long keis bilong narapela tupela lida.

Em long Imbonngu memba Peter Peipul na Jim Kas husat i bin holim wok olsem Madang Gavana na we Nesenel Kot i bin autim em long dispela wok long mun Septemba long dispela yia.

Mista Mogish i tok opis bilong em bai tokaut long disisen bilong em long sas bilong Mista Peipul long pinis bilong dispela wik o neks wik.

Long mun Ogas bilong dispela yia, Ombusmen Komisn i bin putim keis bilong Mista Peipul i go long han bilong Pablik Prosekyuta bikos em i painim em i rong long i no toksave long Komisn na putim brata bilong em na putim em long holim bikpela wok long Pablik Sevis Komisn.

Jas Hinchliffe i no amamas long hevi bilong Baisu haus kalabus

OL loya na ol woda bilong Baisu haus kalabus i save yusim mani bilong ol yet long baim disel o bensin long ka bilong karim kalabus lain bilong Baisu i go kam long kot bilong ol long Hagen Kot Haus.

Dipatmen bilong CIS i nogat mani tru bilong baim ol bensin na disel long ol bas na ka long karim ol kalabus lain i go kam long kot bilong ol, dispela em toktok bilong Nesenel Kot Jas long Hagen, Jastis Timothy Hinchliffe.

Sapos ol woda i no baim petrol na disel long poket mani bilong ol yet, bai ol ka i stap bek long Baisu banis kalabus. Haus kalabus i bin kisim sampela helpim long dinau wantaim wanpela lokol sevis stesin tasol dinau ya i go antap moa long K1600 olsem na kampani ya i stapim dinau. Nogat man inap sutim tok long sevis stesin ya long mekim dispela. Mi save tu olsem taim ol woda i save baim petrol na disel long poket mani bilong ol yet, Dipatmen i no save bekim mani bilong ol dispela woda, Jas Hinchliffe i tok.

Jas Hinchliffe i tok em i bin raun tu haus kalabus long Sauten Hailans na lukim tu ol woda i no save kisim wanpela helpim tru i kam long Dipatmen na ol yet i wok long yusim mani bilong ol long baim ol samting.

Em i tok ol haus kalabus tu i no gutpela tru long ol man istap long en na

ol kalabus lain i wok long sot long ol samting olsem sop, marasin bilong wasim tit, tawel blanget na ol arapela samting moa.

Em i tok tu olsem planti lain i stap yet long wet kot na ol i no save kam long kot bikos long ol dispela hevi. Tasol ol dispela lain i wetim kot i gat rait long baim beil bikos dispela em lo i luksave long en. Olsem na pasin we ol i no kam long Kot i daunim tru dispela rait bilong ol bihainim lo, Jastis Hinchliffe i tok.

Em i tok i luk olsem olgeta haus kalabus long Papua Niugini i gat wankain hevi long ol dispela samting na i luk olsem Bomana haus kalabus tasol i no gat planti komplem olsem ol arapela. Em i plen long go raun lukluk long haus kalabus long Baisu liklik taim bihain.

Em i askim Dipatmen bilong CIS long mekim sampela samting hariap long dispela hevi bikos i no gutpela tru long ol haus kalabus na ol kalabus lain i kisim dispela kain hat taim we ol i nogat samting we ol i mas kisim na tu ol i mas go long kot long harim kot bilong ol.

Jastis Hinchliffe i tok wanpela gutpela wok i mas kamap hariap o nogut bai ol kain kain tok beksait i kamap long mipela yet insait long PNG na tu long ol ausait kantri long ovasis. Ol lain long Yunaitet Nesen em mi ken tingim, em i tok.

I no nogut...

• Meri lalibu insait long Sauten Hailans provins. Dispela em Julie Waringli. Em i kamap namba tu long sait bilong kisim mani na tu winim meri wantaim gutpela small. Dispela em long fainel resis bilong Mis PNG las wik. Olgeta meri i bin kam wantaim bilas bilong ples long strongim pasin tumbuna insait long kantri. Julie i bin kam insait long resis aninit long nem Mis Sauten Hailans provins. Planti hailans meri i no save stap insait tumas long dispela kain resis. Wanpela meri Is Nu Briten i winim resis bilong Mis PNG long dispela yia. Long win, ol meri i mas kamapim planti mani long helpim Red Cross wantaim turangu wok bilong ol long kantri. *Poto: IVAN BAYAGAU.*



lalibu plis stesin pas yet

JOE KANEKANE i raitim

Raskol pasin i wok long kamap bikpela stret bihain long ol i pasim plis stesin long lalibu insait long Sauten Hailans Provins.

I no long taim i go pinis ol raskol i bin holim pasim wanpela ejen bilong PNGBC beng long lalibu na ronawe wantaim sampela mani.

Sampela wik i go pinis i bin gat ripot olsem ol manmeri long ples Kubume long arere bilong Okuk Haiwe i bin katim wanpela kontena we i gat ol samting bilong go long Mendi antap long trak bilong Wagi Veli Trenspot.

Bikman bilong plis long Hagen, Tony Wagambie i bin tok olsem i gat bilip olsem trak ya i bin karim ol gan long go long Mendi.

Em i tok taia bilong trak i bin slek na draiva lusim trak wantaim ol ples man long hap na go long painim nupela taia na taim em i kam yet long rot, ol man husat i bin was long trak kirap na brukim kontena na kisim ol samting

stap insait.

Mista Wagambie i tok pas bilong plis stesin i bin gat sampela samting i rong na em i bin askim ol helt atoriti long go na sekim.

"Ripot i bin tok olsem sel blok i no bin gutpela inap long man long slip insait na long dispela as na ol i bin pasim stesin, tasol ol sel blok i no hap bilong ol man long stap long pela taim bikos ol i save putim ol man husat i save stap sotpela taim tasol," Mista Wagambie i tok.

Em i tok ol helt atoriti i gat wok bilong ol long wokim olsem tasol i no gat gutpela as long pasim stesin.

"Mi save olsem kain plis stesin i no ken long pas bikos planti man tru i save go long dispela plis stesin, olsem na mi askim ol helt atoriti long lukluk gut long dispela," Mista Wagambie i tok.

Mista Wagambie i tok lalibu plis stesin i save mekim bikpela wok long sevim ol lain long Pangia, Kagua na Erave distrik olsem na ol i mas opim hariap bikos stesin pas longpela taim bai ol raskol i mekim save stret.

always hit the spot!

Arrow Brand Beef Bisket

Arrow



MADANG NIUS



Ol setelmen i kamapim bikpela wari long Madang

MOA setelmen i wok long kamap insait long Madang taun na i givim wari long atori bilong Madang taun.

Moa setelmen i wok long kamap na dispela inap kamapim planti hevi na trabel insait long komyuniti, siaman bilong Madang Skwata Setelmen John Simbai i autim dispela wari.

Mista Simbai i tok planti bilong ol dispela nupela setelmen we i wok long kamap em i bikos ol manmeri i ronawe long ol hevi long Lae, Mosbi na Rabaul na sampela em oi i kam stap tasol

long painim wok.

Em i tok dispela em i klia long luksave bikos ol nupela nupela haus i wok long kamap long ol kona na sait bilong Madang taun.

Mista Simbai i askim Provinsal Lens opis long ol wokman i ken lukim gut na was gut long dispela na stapim ol setelmen nabaut we i wok long kamap long graun bilong gavman na stapim ol.

Em i askim ol papagraun tu long mekim wok bilong ol tu long helpim Provinsal Gavman long

stapim ol setelmen nabaut we inap kamap long asples graun bilong ol. Taim ol asples i ken stapim ol setelmen long i noken kamap bikpela, ol inap helpim na sapatim Provinsal Gavman na ol bisnis komyuniti insait long Madang taun na provins olgeta.

Em i askim ol pipel long lukim dispela olsem bikpela samting na mekim eksen long en bikos sapos ol i no mekim wanpela samting bai dispela hevi bilong setelmen bai pulim planti arapela hevi i kam antap long ol long bihain taim.

Ol pipel i no laikim klinik fi

Nupela Danben klinik long Madang taun i no kamapim gutpela amamas tumas long ol manmeri long hap. Dispela klinik em Oposisen lida Bill Skate i bin go opim tupela wik i go pinis.

Mista Skate wantaim memba bilong Madang Jacob Wama i bin go opim dispela klinik wantaim nupela viles kot haus.

Mausman bilong Danben komyuniti, Aikun Naus i tok tupela haus wantaim i kos samting olsem K40,000 na K60,000.

Em i tok dispela klink i bin kamap bihain long memba bilong Madang Jacob Wama i putim mani i go long mekim i kamap bikos dispela em wanpela war: bilong ol pipel long-hap.

Olsem mausman bilong ol pipel, mi amamas

long dispela projek tasol ol pipel i no amamas long Ambenob Lokol Level Gavman i go pas long lukautim dispela klinik, em i tok.

Mista Naus i tok ol pipel i laikim edministresen bilong ol yet i mas lukautim na ronim dispela klinik na i no narapela kaunsil.

Em i tok ol pipel i pilim olsem lokol kaunsil i laik yusim dispela klinik long mekim mani na profit na i no tingim interes bilong ol pipel.

Pastaim tru long 1960 i kam, ol klen memba yet i bin statim wanpela liklik haus ed pos. Na ol i bin laikim dispela ed pos i mas kamap bikpela bikos nau i gat planti manmeri i kamap na istap, em i tok.

Long dispela taim nau dispela klinik i save sevim ol manmeri long 4-pela wod long Madang taun.

Sauten Hailans i givim K1.2 milien bilong Madang na Sepik haiwe

OL PIPEL bilong Madang na Is Sepik provins bai gat gutpela haiwe rot bilong ol long i go na i kam.

Haiwe rot ya bai joinim Angoram insait long Is Sepik na Bogia long Madang provins. Na em bai karamapim hap eria long Wewak i go long Kaup na kaup i go long Bogia.

Dispela nupela haiwe rot bai i stat long mun Mas neks yia. Kos bilong wokim rot ya em K1.2 milien.

Sauten Hailans Gavana Anderson Agiru na provinsel gavman bilong em i as long dispela rot i kamap bikos ol i givim dispela K1.2 milien long kari-maut ol wok long en.

Is Sepik Gavana Arthur Somare i

tok amamas long Sauten Hailans provins na Gavana Agiru long bikpela helpim we em i givim long Sepik na Madang provins.

Dispela i namba wan taim tu wanpela provins i givim bikpela helpim i go long narapela provins.

Long las wik, Gavana Agiru wantaim Petroleum Dipatmen na Intenel Revenu Komisnin na Gavana Somare i bin sainim wanpela agrimen long rilisimm mani ya na projek i ken stat.

Gavana Somare i tok helpim we Sauten Hailans i givim long dispela projek bai strongim wok pren na wok bung namel long Is Sepik, Madang na Sauten Hailans provins.

Hatwok bilong wanpela tisa long bus i lukim skul kirap gen

PAULUS TALI i raitim

Hat wok bilong wanpela tisa i kirapim gen Aititau Komyuniti skul insait long Wanuma eria bilong Madang Provins bihain long skul i bin pas foapela yia olgeta.

Nem bilong tisa i go kirapim skul gen em Soron Yausub.

Seketeri bilong Luteran Edukesen long Madang, John Kimm i givim bikpela tok amamas long Mista Yausub long stretim dispela bus skul.

Bod siaman bilong Aititau Luteran Ajensi Skul, Irogo Imbe tu i bin tok amamas long Mista Yausub long hatwok bilong en long klinim skul.

Mista Yausub i tok em yet i hetmasta bilong skul na em i kisim 113 skul pikinini na putim ol insait long dabol klasrum na em yet i tisim ol.

Aititau skul i stap long bus na rot i wanpela bikpela problem we ol planti

tisa i no bin amamas long go tis long hap.

Mista Yausub i askim ol tisa long no ken tingting tumas long rot i longwe na mani tasol.

Em i tok mani i no stap long taun tasol. Mani i stap long bus tu olsem na em i salensim ol tisa long kam long bus na tisim ol pikinini.

Em i tok tisim ol pikinini em i bikpela samting na ol tisa mas tingting strong long dispela.

Mista Yausub i tok skul bod i bin postim em i go long Aititau skul long dispela yia na em i bin lukim klasrum, haus tisa na ol toilet stap gut tasol em tok taim ol yangpela long ples i bin lukim olsem skul i no operet, ol kirap na bagarapim ol buks na ol narapela samting insait long klasrum.

Mista Yausub i tok strong long skul inspekta long Madang Provins long stretim wari bilong skul hariap na tu salim ol skul meteriel hariap long helikopta bai skul i ron gut.



PNG TEACHERS SAVINGS AND LOAN SOCIETY LTD.

TOKSAVE I GO LONG OLGETA FAINENSEL MEMBA

Olgeta fainensel memba i mas kisim dispela toksave olsem, long 31 Oktoba, 2000 ol dispela samting bai i kamap.

(i) **Ol bikpela lon aplikesen bai i pas (olgeta wok)**
Olgeta bikpela lon aplikesen i pas long taim bisnis i pas long 31 Oktoba, 2000. Dispela em long oraitim ol arapela lon.


(ii) **Oraitim ol skul fi aplikesen**
Long dispela de tu, ol skul fi aplikesen em i orait. Tasol em i bikpela samting long olgeta skul fi lon aplikesen i **MAS** gat ol pepa bilong sapatim ol skul fi aplikesen. Bai ol i skelim aplikesen bilong famili bilong yu stret pastaim. Skul fi peimen bai i go stret long nem bilong skul.

(iii) **Mak bilong ol arapela lon - K300.00**
Mipela bai go het yet long oraitim ol arapela askim long lon we mak bilong ol bai istap long K300.00. Tasol ol fainensel memba i mas tingim gut long wanem kain lon ol i askim nau inap givim hevi long skul fi lon yu inap askim long Desemba na Januari 2001. Tingim, skul fi lon i mas go pastaim long ol arapela askim bilong yu.

Plis lukim dispela toksave na bihainim gut.

IVAN KEROWA

Siaman - National Loans Committee



• Lukluk bilong klasrum taim ol wokman i stati long wokim dispela dabol klasrum long Aititau Komyuniti skul insait long Wanuma yia. Dispela i kamap bihain long skul i pas inap 4-pela yia.

Madang kot sasim waitman

PLIS long Madang i holim wanpela man Australia na sasim em bikos em i gat sotgan na ol spak brus (kanabis) insait long liklik sip bilong em.

Bikman ya em Kenneth Leslie Francis bilong Newcastle long Australia i bin kamap long Madang Distrik Kot long Novemba 1 na kot i surukim taim gen long harim kot bilong em bihain.

Plis ripot i tok bikman ya i gat 10-pela 303 sotgan na wanpela strongpela sotgan tu wantaim wanpela paket bilong spak brus ya.

Loya bilong em Jacobus Puringi i askim Kot long surukim kot bilong waitman ya i go moa bikos dispela inap givim em inap taim long stretim gut ol ripot na pepa bilong bikman ya long kot. Olsem na kot i surukim taim i go long Novemba 14 long dispela wik.

Kot i bin painim waitman ya i asua long brukim lo long holim ol dispela samting. Olsem na Kot i salim em igo kalabus long Beon haus kalabus.

Francis i bin kam long Papua Niugini long liklik bot bilong em.

Lae Nius

Wau Bulolo pipel laikim Eye In The Sky

YAKAM KELO i raitim

HELIKOPTA bilong plis fos, Eye In The Sky i stap nau long Wau, Morobe provins long karimaut sampela wok i go insait long ol raskol pasin we i kamap long holim wanpela balus long las wik. Dispela tu em namba tu taim long ol man nogut i holim na hensapim balus long dispela yia na stilim ol samting bilong ol pasindia na ol kago bilong ol kampani na bisnis.

Helikopta tu bai karim ol plisman raun long painim ol dispela raskol lain long ol hevi we ol lain nogut i bin kukim distrik opis na pasim Garaina stesin. Dispela em namba wan taim bilong helikopta ya, Eye In The Sky long go insait long wanpela bus ples bilong Morobe provins.

Dispela i opim ai bilong ol manmeri bilong liklik taun long Wau na ol i amamas tru long lukim dispela bikpela helpim bilong helikopta ya.

Wanpela wokmeri long Wau, Dinaga Yawasing i tok em i amamas long dispela helikopta i kam long helpim ol plisman long painim ol dispela kain trabel lain na kalabusim ol.

Misis Yawasing i tok planti taim ol raskol lain i save mekim ol stil pasin na ronawe i go hait gut tru long ol bikbus na i mekim hat tru long ol plisman i ronim ol long lek na holim ol. Na planti taim ol raskol lain i save stap fri bikos i hat long holim ol. Olsem na dispela helpim bilong helikop-

ta bai mekim isi tru long ronim ol raskol maski ol i ronawe i go long bikbus, em i tok.

Dispela tingting bilong susa ya i wankain long planti manmeri tu long Wau na Bulolo eria bikos dispela tupela liklik taun i save bungim planti raskol pasin tru long rot long haiwe na ol bisnis long hap. Olgeta i tok ol i laikim dispela helikopta Eye In The Sky i mas raun sampela taim gen long Krismas na Nu Yia long Wau Bulolo bihain long em i pinisim dispela patrol bilong em long Garaina.

K38 milien bilong Morobe i no tru

ELLEN VAVITAN TIAMU i raitim

MEMBA bilong Bulolo, Samson Napo long Fraide i go pinis i bin i tokaut long Tutumang (Morobe Provinsel Asembli) olsem planti bilong ol kaunsel presiden insait long provins bai i no inap wirim ilek-sen long 2002 long wanem ol i no mekim inap planti ol projek insait long ol distrik bilong ol.

Mista Napo i mekim dispela tok bihain long em i tok olsem baset bilong provins ol i bin makim olsem K38 milien i no tru na mani i kamap olsem K24 milien tasol.

Memba i tok strong olsem nau Gavman bilong Morobe i mas tokaut stret long ol pipel olsem i nogat mani na

namba bilong baset mani ol i bin kolim em i no tru.

"Planti ol presiden hia ol bai lus long ileksen long wanem ol projek ol i laik wokim bai i no inap kamap long wanem i nogat mani. Narapela samting tu em mani bilong ol distrik i mas go stret long ol distrik na i noken stap long Lae".

"Planti bilong ol distrik ol i laki long wanem mipela ol 9-pela memba long nesanel palamen i gat liklik mani na mipela wok long mekim kamap sampela projek na Provinsel Gavman em yet i no mekim kamap wok bilong rifom long ol ples na distrik. Long dispela as tasol ol yangpela long ples i save lusim ples na tingting long i kam stap long taun".

Napo kamap Kalsa na Turis Minista



• Minista Samson Napo i sainim ol pepa webai i mekim em i minista bilong Kalsa na Turis. Foto: IVAN BAYAGAU.

MEMBA bilong Bulolo Samson Napo i kamap nupela Minista bilong Kalsa na Turism long Trinde aste.

Mista Napo i kisim dispela Minista wok bihain long Gavman i bin tilim wok Minista long ol arapela memba bilong palamen long las wik i kam.

Dispela Ministri em memba bilong Makam Andrew Baing i bin holim pastaim. Tasol long las wik Praim Minista i makim ol nupela Minista na surukim Andrew Baing i go kamap Minista bilong Jastis. Nau em i givim dispela wok i go gen long memba bilong Bulolo.

Insait long Gavman Haus aste taim Mista Napo i bin go mekim promis bilong em long Gavana Jenerel, ol arapela lida tu i bin kamap long witnessim dispela.

Praim Minista Sir Mekere Morauta wantaim Deputi Praim Minista Michael Ogio, Pangu lida Chris Haiveta, Vincent Auai, Tommy Tomscoll, Andrew Baing, Sir Pita Lus na ol arapela Minista tu i kamap.

Mista Napo i tokaut bihain long em i mekim promis long nupela wok bilong ol em olsem em bai mekim gut wok bilong long sapotim Gavman na sevim kantri insait long dispela wok Ministri bilong em.

Em i tok amamas long Praim Minista long luksave long em na ol pipel bilong Bulolo long givim em dispela Ministri bilong Kalsa na Turism.

Lida bilong Pangu Chris Haiveta tu i tok amamas long Praim Minista long luksave long Pangu Pati na givim dispela Ministri long namba tu lida bilong Pangu. Na Pangu i amamas long wok klostu wantaim

Gavman na sapotim Gavman long go het yet long lukautim na sevim kantri.

Praim Minista Sir Mekere Morauta i tok em i gat bilip long Mista Napo na Pangu Pati bikos pati i gat ol strongpela na eksperiens man i stap long sapotim na strongim Gavman long go het wantaim wok bilong em.

Morobe provins i bin lusim tupela Ministri bilong em las wik taim Praim Minista i bin rausim memba bilong Tewae Siassi, Mao Zeming na memba bilong Finsafen Alfred Pogo long wok Ministri bilong tupela. Tasol long dispela wik, em i givim bek wanpela Ministri i go bek long Morobe provins. Morobe nau i gat, Andrew Baing, Bart Philemon na Samson Napo olsem Minista na Kabinet memba long Gavman bilong Sir Mekere Morauta.

Masani tok strong long Morobe edministresen

MEMBA bilong Huon Galp, Tukape Masani long Fraide las wik i tokim bung bilong Provinsel Assembli o Tutumang olsem wok bilong provinsel edministresen o Gavman i no kamap long ol lain long ples.

Em i tok i luk olsem long distrik bilong em long Morobe, olgeta ol projek i wok long kamap em ol projek bilong em na ol lain long Provinsel Gavman i no mekim kamap wanpela samting.

Em i tok planti taim Gavman bilong Morobe i giaman na i tok olsem olgeta samting i orait na provins i kamap namba wan long rifom tasol ol samting ino orait.

"Wanem polisi bilong Gavman nau? Ol wokman long edministresen yupela i mas wok bung wantaim Gavman".

"Long taim Samana i bin Primia bilong provins, planti bikpela wok i bin kamap long olgeta hap bilong provins na nau i luk olsem ol Gavman i kam i no mekim wok bilong ol".

Long bekim toktok bilong em, Gavana bilong Morobe, Luther Wenge i tok, i no gutpela long putim wanwan mak long ol Gavman i kam long wanem olgeta Gavman hia i wok long kainkain baset na long narakain taim.

Em i tok long dispela taim nau strong bilong kina i no gutpela na i hat long mekim sampela gutpela wok long provins taim i gat bikpela hevi long mani long kantri nau.

"Yumi mas traim na skelim gut ol hevi we i stap pastaim na noken hariap long sutim tok i go kam", Gavana i tok.

trukai.
RICE



SAPOS NAMBA BILONG YU ISTAP LONG HIA. YU WINIM K200

C00324373	A00244681	B00628944	A00383261
F00403110	C00032073	C00399238	
E00446401	D00256434	E00548393	

LONG KISIM. PRAIS BILONG YU, GO LONG TRUKAI DISTRIBUTION CENTRE.

Yut Kodineta bilong Kabak Lutheran Sios seket i dai

PAULUS TALI i raitim

EVANJELIKEL Kabak Lutheran Sios seket long Madang i bin lusim wanpela wokman bilong en husat i save karimaut strong sios wok.

Man ya em Ludwig Ambuk.

Leit Mista Ambuk husat i gat 45 krismas na long taim em i dai em bin holim wok olsem yut kodineta long Bunabun Kongriksen long Kabak Lutheran seket.

Mista Ambuk i bin kisim sik stat long dispela yia yet na em bin dai long Modilon haus sik long Oktoba 12,2000. Pastaim long en, em bin stap long Yagaum Lutheran helt senta.

Mista Ambuk i gat sikspela pikinini we em i lusim ol bihain.

Planti lain long sios seket na ol sios skul we leit Mista A,mbuk i wok long en i bin soim sori long em na ol i givim ol donesen na kontribusen helpim long taim em i dai.

Ol sumatin long Bunabun Komyuniti skul i bin givim bikpela luksave long bikpela hatwok we leit Mista Ambuk i bin mekim long skul bilong ol bilong karim wok bilong sios.

Ol Kristen manmeri long Bunabun i tok leit Mista Ambuk i save givim taim tru long karimaut wok bilong sios long helpim ol pipel long sanap strong. Na i no long spiritual sait tasol long sait bilong

wok gavman na tu long wok gaden na lukautim famili gut long en.

Mama i bin karim Leit Mista Ambuk long yia 1955 long liklik ples Dade we i hap bilong Bunabun Kongriksen long Madang.

Em bin skul long Kabak, Narer na Baitabg komyuniti skul inap long Gret 6 na em bin wokim hai skul bilong en long Bumayong Lutheran Hai skul long 1969 inap long 1972.

Em bin marit long 1972.

Long 1972 inap long 1982 em bin wok wantaim Pos na Telikomyunikesen na bihain long en, em i lusim wok na go long asples Bunabun.

Pop John Paul II i makim tupela nupela Oksileri bisop

HETMAN bilong Katolik Sios long wol, Pop John Paul 2 i makim tupela nupela Oksileri o helpim Bisop insait long Papua Niugini bilong helpim skruim wok bilong sios.

Tupela em long Reveren Pater Cherubim Dambui husat bai wok olsem Oksileri Bisop long helpim Asbisop Brian Barnes long Pot Mosbi Daiosis.

I kam inap nau Pater Cherubim i bin wok olsem Vika Jenerel long Wewak Daiosis na tu Spiritual Dairekta long Sen John Semineri long Kairiru Ailan.

Narapela em long Reveren Pater John Ribat husat i bin wok olsem Dairekta bilong Novises bilong Kongregesen bilong Misineris bilong Sekret Hat long ples Wainadoi long Suva insait long kantri Fiji.

Reveren John Ribat i bin bon long ples Rakival long Watom Ailan insait long Is Nu Briten Provins long de 9 bilong mun Febueri long yia 1957. Em i bin go long praimer skul long Naveo na Volavolo na wokim sekonderi skul bilong en long Malabunga Gavaman Hai Skul long Rabaul yet. Bihain long em i pinisim haia stadis bilong en long Sen Peter Chanel long Ulapia, em i go insait long Sosaiti bilong ol Misineris bilong Sekret Hat na mekim nambawan promis bilong en long Vunapau long Febueri 2, 1979. Long 1979 i go inap long 1985, em i stadim pilosopi na tioloji long Holi Spirit Semineri, (nau ol i Kolim Katolik Tiolojikol Institut) long Bomana. Long Oktoba 1, 1985, ol i odenim em olsem pris long Ketidrel bilong Rabaul. Bihain long em i kamap pris, em i go stap sikspela yia long Daiosis bilong Bereina na wok olsem asisten paris pris long Veifa'a na bihain olsem paris pris long Inauaia. Long 1991 em i bin stap long wanpela spiritualiti kos long SAIDI Senta insait long Manila long Filipins bipo long em i kisim wok bilong en olsem M.S.C. Novis Masta na Superia long Vunapau (1992-1996). Long 1997 Pater Ribat i bin wok olsem paris pris long Vunamarita we em i wok olsem i go inap long

1998 taim ol i makim em olsem Dairekta bilong Novises bilong Kongregesen bilong Misineris bilong Sekret Hat long Suva long Fiji.

Reveren Cherubim Dambui i bin bon long namba 23 de bilong mun Febueri long 1948 long Timbunke insait long Is Sepik Provins. Em i go long praimer skul long Angoram na Timbunke na sekonderi skul long Kerevat long Is Nu Briten Provins we em i bin greduet wantaim onas. Behain em i go insait long Sen John's Maina Semineri long ailan bilong Kairiru bipo long em i muv i go insait long Semineri long Bomana we em i bin pinisim trening bilong en long kamap pater. Long Disemba 5, 1974, Bisop Arkfeld husat i bin dai las yia i bin odenim em olsem pris bilong Daiosis bilong Wewak. Bihain long odnesen bilong en em i wok olsem asisten paris pris insait long paris bilong Tinbunke na olsem paris pris long Turingi na Wewak. Long 1976 i go inap long 1983, em i bin sevim provins bilong en olsem Primia na bihain lusim politikis olgeta na i bin go stadi long Univesiti bilong Teknoloji long Lae na bihain em i go bek long Marienberg olsem paris pris bilong ol. Long 1989 i go inap long 1991, Pater Dambui i bin wok olsem Rekta long Holi Spirit Semineri (nau ol i kolim Katolik Tiolojikol Institut) na long sem taim tu em i wok long Daiosien Kolis (nau ol i kolim Holi Spirit Semineri) long Bomana. Bihain em i go bek long Wewak daiosis olsem paris pris bilong Boiken we dispela Nu Imij bilong Paris (NIP) model i bin kamap gut tru. Long dispela taim yet em i bin bihainim wanpela kos bilong bai-bol stadis long Philippines. Long 1995 em i bin kamap olsem Pastoral Vika na bihain Vika Jenerel long Daiosis bilong Wewak. Long dispela wok bilong en, em i menesim gut Daiosis taim Is Ekselensi Bisop Raymond Kalisz, S.V.D. i bin sik longpela taim tru na planti lain i bin tok amamas long em. Long dispela yia ol i makim em olsem Dairekta bilong Spiritual Rinuel Program bilong ol daiosien seminerien na dispela wok bilong en em i holim yet nau.

Tupela meri makim ol Katolik leiti long Rom bung

NOELLA WAVU i raitim

TUPELA meri bai makim Katolik Sios long wanpela bung we bai kamap long Rom neks wik.

Wanpela em Anastasia Sai husat i tisa long Divain Wod Univesiti long Madang na narapela em Virginia Mullock husat i wok wantaim Katolik Bisops Konprens long Mosbi.

Bung em bilong ol sios wokmanmeri na ol i kolim long Leiti Jubili Forum na ol bai holim long Rom, stat long

Novemba 24 na pinis long Novemba 30.

Tupela meri bai lusim kantri long go long Rom long Trinde neks wik, Novemba 22.

Mis Sai i tok pasin we sios i mekim long salim tupela meri i go long dispela bikpela bung long Rom i soim olsem sios i luksave long wok we ol man nating na sios woka i mekim insait long sios na komyuniti.

Em i tok em i amamas long ol i makim em long go long stap insait long dispela bung na makim maus bilong ol lei wokmanmeri long PNG.

"Em i taim nau long sios i luksave long wok bilong ol leiti na sapotim ol long ol wok olsem.

"Ol lei pipel em ol lain husat i save mekim planti wok tasol long planti taim, ol i no kisim luksave," Mis Sai i tok.

Em i tok ol meri i save mekim planti wok bilong sios tasol sios i no givim gutpela luksave long ol na givim sapot long ol.

Em bin luksave long planti meri PNG long ol bikpela wok ol i mekim long taun na ol rurel eria.

"Mi wok wantaim planti meri long ples na mi luksave long hatwok

ol i putim long wok bilong sios," em i tok.

Em i stongim moa yangpela pipel long go insait long ol wok bilong sios na dispela rot, sindaun bilong ol bai kamap gutpela.

Ol bai holim bung long Sen Peter's Skwea long Vatiken long Rom.

Mis Sai i tok taim ol i stap long dispela bung, ol bai witesim tu seremoni bilong pasim "Holi Dua" long Sen Peter's Katolik Sios Basilika.

Ol lain i go pas long dispela bung i bin askim long wan wan kantri i salim tupela pipel i makim ol long bung.

Boubou taim long Goroka

SAPE METTA i raitim

YUNAITET Sios kongriksen long Goroka i kukim stret singsing na danis long taim bilong Boubou las wiken.

Boubou em seremoni we ol Yunaitet Sios i save holim long givim mani samting we ol i bungim insait long yia i go long sios bilong skruim ol wok na progrem bilong en.

Sios graun bilong Yunaitet Sios long Seigu insait long Goroka, biktaun bilong Isten Hailans i bin paia stret taim ol kongriksen na ol mamba bilong Yunaitet Sios i bin kamapim ol kain kain ektiviti taim ol i bung wantaim long tenksgiving o Boubou seremoni bilong ol long wiken i go pinis.

Dispela pasin bilong Boubou i save kamap long olgeta yia we Yunaitet Sios seket o kongriksen i save givim ol mani ol i bungim long sios

• **Jenny Reuben (antap) i kukim stret singsing na danis i go pas long ol kombain Sentrel grup (aninit) long taim ol bin kisim ofa bilong ol na givim long ol sios lida. Ol piksa: SAPE METTA.**



Rausim vot i nogat bilip na kamapim 4 yla Gavman

YAKAM KELO I raitim

MEMBA bilong Hagen Paul Pora i tokaut olsem em i no winim ileksen bikos long nem bilong Nesenel Pati. Em i winim ileksen bikos long nem bilong em Paul Pora. Mista Pora i mekim dispela toktok long bung bilong Konstitusensel Developmen Komisnin (CDC) long las wik Fraide long kisim tingting bilong ol manmeri long wanem samting ol i laikim insait long pepa bilong Intagriti bilong Politikel Pati na ol Kendidet. Dispela pepa bai palamen i pasim na mekim i kamap Lo na em bai go insait long namba tu rit bilong em long dispela mun palamen kibung.

Mista Pora i askim strong long wanem as tingting tru dispela nupela Lo i laik kamapim. Em i askim ol wokman bilong CDC na ol Komisina bilong en, sapos dispela Lo i laik kamap long rausim ol Vot i Nogat Bilip o i laik strongim Praim Minista long stap long pawa inap 5-pela krismas olgeta.

Mista Pora i tok sapos dispela Lo bilong Intagriti

bilong ol Politikel Pati na Kendidet i kamap, bai mekim wanpela pati i kamap bikpela na strongpela. Na em i ken kamap strong tumas wantaim ol memba we em inap long winim ol vot i nogat bilip we i laik kamap long bihain taim egensim Praim Minista na Gavman bilong em na tu i ken mekim wanpela pati i strong tumas na stap long pawa.

Em i tok em i klia olsem dispela pepa i samting bilong palamen nau long toktok long en bikos dispela pepa i go pinis long namba wan rit na i redi nau long namba tu rit. Olsem na em i no inap toktok i go insait moa long ol seksen bilong dispela pepa we em i ting i no klia o i no stret na i mas senis.

Tasol em i tok planti taim ol memba bilong palamen i save nogat taim bilong ritim ol Lo buk o ol bikpela pepa bilong mekim kamap Lo. Na planti taim ol memba i save kamapim ol Lo we ol yet i no ritim gut na klia long en. Olsem na dispela em i wok bilong ol saveman bilong Lo long mekim klia gut long ol long wanem ol samting istap insait long ol Lo buk bai ol i ken save na votim

long mekim i kamap Lo bilong kantri, em i tok.

Mista Pora i tok em i no laikim dispela Lo bai putim ol memba long votim sampela we ol i no laikim o i no stret long ol na pipel bilong ol. Kain olsem sapos ol memba i lukim olsem nesenel baset i nogat mani bilong ol pipel bilong ol long ilektoret, ol i gat rait long egensim bikos bikos baset i no sevim gut ol pipel bilong lida long ilektoret. Em i laikim dispela rait bilong ol lida i mas stap bai ol i ken yes o nogat long samting we i stret o i no stret long ol pipel bilong ol.

Em i tokaut olsem taim Sir Rabbie Namaliu i bin Praim Minista, Gavman long dispela taim i bin kamapim Lo bilong palamen i ken holim vot i nogat bilip bihain long olgeta 18 mun taim Gavman i kamap na stap long opis. Nau Gavman i laik kamapim Lo bilong ol politikel pati na ol kendidet, mi ting i gutpela long kamapim Lo bilong rausim vot i nogat bilip long Gavman na daunim taim bilong Palamen i kam daun long 4-pela krismas, Mista Pora i tok.

Mista Pora em lida bilong Nesenel Alaiens pati.

Nupela Lo bai stapim ol memba long kalap kalap

LO bilong Intagriti ov Politikel Pati na Kendidet bai mekim ol memba i stap long wanpela pati tasol na tu sapotim Gavman olgeta taim.

Loya i go pas long kamapim dispela Lo, Profesa John Nonggor i tokaut olsem sapos wanpela pati i bin stap wantaim wanpela grup we ol i makim Praim Minista na Gavman, dispela pati na ol memba bilong em i no inap senis o salensim Praim Minista bihain. Wok bilong ol em long sapotim Praim Minista na Gavman i go inap vot i nogat bilip o taim bilong nupela ileksen i kamap 5-pela krismas bihain.

Profesa Nonggor i tok taim Gavman i laik kamapim wanpela Lo o i laik pasim baset bilong bilong kantri, olgeta memba long Gavman wantaim pati bilong ol i mas sapotim.

Profesa Nonggor i tok Gavman i laikim dispela Lo i mas kamap pastaim long nesenel ileksen long yia 2002 i kamap bai olgeta kendidet na pati i ken bihainim nupela Lo. Em i tok dispela Lo em nogat ausait lain i mekim. Em ol wokman bilong CDC yet i kamapim na ol memba bilong palamen yet i pulapim ol mit long en. Ausait lain husat i bin helpim tasol em ol saveman bilong palamen haus long

Australia i soim sampela rot na CDC wantaim ol komisi-na i putim sampela tingting ya i go insait long traim kamapim dispela Lo.

Profesa Nonggor i tok dispela pepa nau i stap long palamen na em i stap long namba rit pinis. Na sapos ol lida i no laikim orait ol i ken rausim dispela Bil na statim olgeta wok gen long narapela 5-pela krismas. Sapos ol i laikim Lo ya long kamap, orait ol i ken mekim ol amenmen o ol tingting bilong ol i go long Spika bilong palamen we em bai givim long Palamen Korfitti husat bai skelim na givim long Nesenel Eksekutyutiv Kaunsil (NEC) long ol i ken putim ol dispela senis i go insait na go namba tu rit na namba tri rit long mekim kamap Lo.

Ol memba bilong palamen i bin tokaut pinis olsem dispela Lo i hariap tumas na ol i ting planti samting i no stret long en. Lida bilong Pipels Progres Pati (PPP) Michael Nali wantaim Oposisen Lida Bill Skate i bin egensim dispela pepa.

Tripela wik i go pinis Mista Nali i bin kamapim wanpela mosen long stapim palamen bung i go inap Januari 23 long neks yia. Dispela i bin wanpela kirap nogut muv na i stapim sans bilong vot long dispela pepa bilong mekim dispela Lo i kamap.

Ol memba i mas stap long wanpela pati tasol, Doi i tok

STRONGPELA Lo i mas kamap long wok bilong ol politikel pati na kendidet insait long Papua Niugini long mekimsave long ol pati na ol memba i brukim lo, olpela memba bilong Palamen Akoka Doi i tok.

Mista Doi i tok em i bin go pas long wanpela pati ol i kolim Pipels Eksen Pati (PAP) long bipo. Na em i bin gat ol biknem lida olsem Moi Avei memba bilong Kairiku Hiri, Dokta John Waiko memba bilong Sohe na John Tekwie Gavana bilong Sandaun provins. Tasol ol dispela lain i no moa stap olsem memba bilong PAP, Mista Doi i tok.

Olsem na em i tok sapos lo bilong politikel pati na kendidet i kamap em i ken stapim ol memba long noken kalap kalap long wanpela pati i go long narapela pati.

Mista Doi i mekim dispela toktok long bung bilong Konstitusensel Developmen Komisnin (CDC) long las wik Fraide. Dispela pablik bung i bin kamap long kisim tingting na ol toktok ol bikman na ol saveman i ken mekim long pablik bung we i ken helpim ol memba bilong palamen taim ol i laik mekim namba tu rit bilong dispela pepa long palamen long dispela mun. Taim dispela pepa i go long namba tu rit bai i go gen long namba tri rit na i ken kamap olsem wanpela nupela Lo insait long kantri.

Mista Doi i givim tok piksa olsem, taim mama i karim yumi na yumi go baptais long Katolik, yumi stap kristen memba bilong Katolik i go inap yumi lapun na dai. Olsem na i wankain tu long ol kendidet husat i joinim wanpela pati na winim ileksen, ol i mas stap kristen na baptais long dispela pati inap ol i dai wantaim dispela pati.

OLGETA PMV ONA

BUNG WANTAIM ELA MOTORS PMV KLAB NAU


Hey wantok... Sapos yu onim Toyota PMV yu inap long joinim dispela niupela Toyota PMV Klap, em i fri tasol! Kam tasol long Ela Motors Brens kloustu long hap bilong yu na pulumapim aplikesen fom. Em i isi tru. Ela Motors bai i lukim ol aplikesen fom bilong yu na bai yu kisim PMV Membasip Kard na Klab Kit wantaim T-Shirt, Kap na ol samtin long bilasim PMV bilong yu. Olgeta em i fri tasol! Narapela samtin mo, bai yu kisim fri Klab Kit long wan wan Toyota PMV yu onim! Sapos yu Klab Memba nau bai yu inap long kisim ol spesol diskaunt long ol Sevis na Pats long Ela Motors. Em nau! Kam na lukim mipela long Ela Motors nau.

PMV KLAB MEMBASIP I GAT :-

- 15% DISKAUNT LONG PATS
- 15% DISKAUNT LONG SEVIS
- LEIBA LONG FIX RATES
- HARIAP LONG KISIM SEVIS
- FRI PIK AP NA DROP OF TAIM PMV STAP LONG SEVIS

PORT MORESBY PH 3229400
LAE PH 4722322
KOKOPO PH 9829100
MADANG PH 8522188
GOROKA PH 7321844
MT HAGEN PH 5421888
WEWAK PH 8562255
KAVIENG PH 9842788
KIMBE PH 9835155
TABUBIL PH 5489060
VANIMO PH 8571254
PORGERA PH 5479367
BUKA PH 9739017
LINIR PH 9864099
ALOTAU PH 6410100

VISIT OUR WEBSITE
<http://www.elamotors.com.pg>



Ela Motors
TOYOTA
PMV
CLUB

Ela Motors
PARTS & SERVICE

PATIS NA SEVIS YU INAP LONG BILIP

Resis i hot long top pos long Amerika

Washington, Amerika: RESIS long kisim top pos long lida bilong Amerika i go het taim ol ileksen opisel i karimaut rikaun long Florida Stet.


Rikaun i kamap bikos mak bilong tupela man husat i wok long go pas long winim sia bilong presiden i stap klostu.

Tupela man em long George Bush husat i memba bilong Ripabliken Pati na Vais Presiden Al Gore husat i Ripabliken memba.

Ol ripot i tok George Bush i wok long go pas tasol Al Gore tu i wok kamap wantaim ol vot we mak i klostu tru long en.

Planti sapota i no amamas na ol i wokim ol demonstresen long pasin we ol i kandim ol vot long Florida. Ol i tok paul pasin i kamap long dispela ileksen, moa yet long Florida homstet bilong Mista Bush.

I no long taim wol bai save long nupela presiden bilong Amerika long dispela wik tasol em bai wanpela long Mista Bush o Mista Gore.



Em i ron yet!

• Al Gore wanpela long tupela hot kendidet long kamap presiden i ron wantaim tupela pikinini meri bilong em na tambu bilong em. *Piksa i kam long Weekend Australian niuspepa.*



No wanbel long ileksen

• Ol manmeri i holim demonstresen long Florida long soim no amamas bilong ol. *Piksa i kam long Weekend Australian niuspepa.*

Moa nius long Midel Is hevi

Israel na Palestain:

Ol wok long traim stapim hevi namel long Israel na Palestain pipel i go het.

Presiden bilong Amerika Bill Clinton i plen long holim wanpela bung gen wantaim lida bilong Palestain Yasser Arafat na Israel. Insait long sevenpela yia taim Mista Clinton i stap lida bilong Amerika, em i holim ol pis bung namel long ol lida bilong Midel is long traim kamapim gutpela sindaun long rijen.

Hevi, pait na dai i kamap yet long Wes Beng na Gaza Strit.

Tasol long dispela wik, ol lain Israel i yusim ol helikopta long paiarim ol ples we ol hatko Palestain grup i save stap long en. Mekim na ol i

sutim dai strongpela lida bilong ol Tanzim paitman Hussein Abayat. Tupela meri husat i bin stap long eria taim trabel i kamap em ol i dai tu. Dispela i kisim mak bilong ol pipel i dai insait long siksipela wik pait long 180.



• Manki Palestain i yusim katapel long sut long bulet pruf wol long Carni, not long Gaza siti. *Piksa i kam long Weekend Australian niuspepa.*

Wara em bikpela samting, em i laip!

OL PIPEL husat i stap long rot bilong biknem Wara sistem long Australia ol i kolim long Snowy Riva na ol narapela wara sistem olsem Murray Wara we i save hap long dispela Snowy Riva Sistem i ken amamas nau olsem ol atoriti.

Ol lain konsevesen grup i kamapim agri-men bilong sevim sistem we i bin wok long stap long hevi long sampela kris-mas. Snowy Riva sistem em longpela na bikpela wara sistem

long Australia we i save ron long tripela Stet em long Nu Saut Wels, Viktoria na Saut Australia. Na i givim bikpela helpim long ol tausen fama na ol arapela pipel long ol dispela tripela stet.

Bikos ol bin pasim Snowy Riva sistem long sampela hap, ol fama long sampela eria i bin wok long bungim hevi tasol nau ol atoriti i tok wara bai ron olsem long bipo na dispela i gutpela nius long ol fama na pipel long ol




• Snowy Riva Wara sistem na rot em i ron long en. *Piksa i kam long Weekend Australian niuspepa.*

ples we wara sistem i save ron long en. mun i bin givim \$300 milien long ol wok


Gavman bilong Australia long las bilong sevim Snowy Riva sistem.

TRUKAI ITOK HAMAMAS IGO LONG OL DISPELA MAN HUSAIT IWIN LONG TRUKAI LAKI PACK PROMOSEN!

Mr. Vitus
Barambi
Port Moresby



Mr. Jimmy
Bagere
Port Moresby



trukai.
RICE



Long Kisim Prais moni bilong yu go long ol Trukai Rice Depo na soim namba bilong yu. **Planti mo Prais moni long winim istap yet!**



Enjoy
Coca-Cola®

I TOK HAMAMAS



4
Laki
Winas

Coca-Cola Amatil (PNG) Ltd
i hamamas long tokaut long fopela
Famili Haus promosen winas.

• **Sauten Rijen**

John Sarufa Copy-Tek PO Box 5391
Boroko, National Capital District.

• **Hailens Rijen**

Thomas Ba Kora PO Box 2
Kundiawa, Simbu Province.

• **Morobe Provins**

Victor Romoke Lotongia Bumayong
Settlement, Lae, Morobe Province.

• **Madang/Sepik Provins**

Mr. Maison Oranoli PO Box 536
Rupik/Maprik, East Sepik Province.

Coca-Cola Amatil (PNG) Ltd i laik tok hamamas
long olgeta manmeri husat i bin tek pat long dispela resis

KANAGE



pela long kuk hariap. Na meri singaut long Kanage yu hariapim mi long wanem. Mi wanem, meri bilong yu o gelpren bilong yu. Kanage lus tingting long hariapim em na tekov.

Joe Olgam Baiyer

Kanage bilong Kainantu. Long yia 1966 em i go long wok Kontrak long nambis. Ol sampela poro bilong Kanage ol flai i go olsem long Mosbi, Rabaul na Kavieng. Tasol boi nogut Kanage flai i go daun long Madang na kisim long kokonas na Koko plentesin long Karkar Ailan. Kanage tingting long kam bek long kolples na lukim luv wans bilong em. Em i go lukim bos na risain long wok. Orait bos stretim pe bilong Kanage. Na em tekov long balus. Taim Kanage flai akros long Raikos bus, wanpela tingting kisim Kanage na Kanage bikmaus long pailot na singaut Hey! Hey! White hos can I stop the engine: I left my kolos aut at plentesin. Bikos I went to my kol ples. Taim pailot harim em smail tasol na tekov. Taim pailot laik akros long Ramu Suga na Gusap Downs. Kanage lukluk i go antap long sait bilong em i yet. Taim Kanage lukim bus na traipela karanas ston long sait bilong Bilimoia mine. Kanage waitos I came to my home town orait. Can you drop me of et det Karanas stone. Taim pailot harim, sem taim wanpela lalibu beksait long Kanage harim tu. isi tasol Kanage tanim na tok isi long lalibu olsem. Mipela ol Kainantuans. Taim mipela i go long wok kontrak long nambis. Balus i save kam dropim mipela long dispela waitpela Karanas ston. Sem taim em opim dua bilong balus na kalap i go daun.

Aki Akura Kainantu

Kanage bilong Nondgul insait long Westen hailans provins. Kanage i marit nupela na stap long ples inap wanpela mun long ples wantaim meri na papamama. Bihain long dispela mun, em laik i go raun long Lae. Em i go raun wanpela wik long Lae. BestBuy Kampani i kisim em long wok. Taim paps i wok long wanpela wik na em i laik lusim wok na laik kam long ples long wanem em i marit nupela. Tasol ol lain bilong meri i sasim em long meri bilong em long 10 pela pik 2-pela muruk olsem na em i strong na wok long stap inap wanpela yia i go pinis na em i kam krismas holido long ples. Man olgeta famili i amamas na ol i stap. Long nait ol i slip. Tasol paps i hat tu long slip wantaim meri bilong em. Long wanem olgeta famili i slip wantaim. Paps mekim meri i tok ol man i slip na nogat. Long moning taim tru em paitim meri nogut tru.

Kombuk Wine Bamuna

Kanage bilong Nondgul long Westen Hailans provins. Kanage taim mama karim long em i stap klostu lapun. Wanpela taim ol lain bilong Kanage i makim, wanpela meri bilong em long maritim. Nau paps i maritim em na tupela stap i go tasol paps i no save slip wantaim em long wanem Kanage i no save long we bilong slip wantaim meri bilong Kanage i no save wanbel long Kanage. Wanpela taim tupela i go long gaden. Bihain long dispela tupela laik kam bek long haus na Kanage i tokim meri long go antap long kumu mosang. Paps

stap daunbilo na stretim ples long bungim ol kumu mosang. Long dispela taim mama i nogat liklik trausis bilong em. Paps i wok long bungim kumu. I no long taim paps i laik traime lukluk antap long kumu mosang. Kanage i krai nogut tru long meri bilong em na tok. Kam daun hariap. Aste tasol ol lain painim yu na givim mi na husat i katim yu long tamiok. Hariap yu mas kam daun na mi tupela bai go long haus sik. Orait tupela kamap long haus na Kanage tok long gd long haus sik na meri bilong em i tokim em olsem bihain bai tupela go long nait taim mun i givim inap lait. Mama stat skulim Kanage. Tupela stap long haus inap wanpela wik olgeta. Kanage tok nogat long go raun autsait.

Kombuk Wine Simbu

Kanage em bilong Lumi long Sandaun provins. Wanpela taim em lukim ol man i werim aj glas na em tu tingting long werim wanpela ai glas olsem na wanpela taim em i go raun long Lumi stesin na em i go raun insait long stua bilong Steven Maili na em lukim ol salim ai glas bilong daiv long wara na em ting ol salim narapela kain ai glas olsem na бага ya baim pinis na karim i kam ausait na em werim na em raun long Lumi stesin, olgeta hap kona bilong Lumi stesin бага ya pinisim. Em raun i kam na bungim wanpela poro bilong em na poro bilong paps Kanage. Lukim em olsem na tokim poro bilong em Kanage olsem wanem yu werim dispela samting ya. Em glas ol i save yusim long daiv long wara ya. Kanage i no tok, em kirap isi tasol na tok em nupela stail bilong PNG ya na tekov.

Bata Jasco Kiamz Lumi

Kanage save dai na waia lus long wanpela meri yelo top. Wanpela taim Kanage was na lukim meri yelo top i go sindaun long liklik bus arere long rot na kirap i go. Kanage i ting em i stap yet tasol, nogat, em i go lukim tasol ples we em sindaun long em na kirap i go, gras i wet. Kanage i brukim wanpela wet gras na askim olsem, plis tokim mi yu kam daun long wanem hap tru?

Giong Wongi Lae

Kanage em wanpela Masol Hat studen. Taim bilong bikpela olimpiem long ovasis na em i go traime Masol bilong em. Man saina i go traime Masol bilong em. Em soim strong bilong em long ol manmeri. Na ol manmeri singaut long Kanage na mekim krangi na em pundaun. Na em kirap na lukim ol manmeri lukluk ol em na sem pipia na tekov.

Giong Wongi Lae

Kanage em bilong Yanguri viles insait long Erave distrik. Wanpela nait Mista Kanage i opim radio bilong em long radio, Sauten Hailans Mendi na harim ol toksave i stap. Na sam hau Mista Kanage i harim toksave bilong em i kam long Mendi olsem Thomas Kupiano bai i kam long ples long MAF balus tumora so yu go weit i stap long ples balus. Trangu Mista Kanage harim toksave na em i tokim Misis bilong em long kukim kaukau bilong em long eli tumora moning. Na tupela i slip na moning tru Misis em i kirap kukim kaukau

bilong Mista Kanage na em i kaikai na wokabaut i go long ples balus na wetim poro bilong em Thomas Kupiano i kam long Mendi. Trangu Mista Kanage i weit 4-pela auas olgeta na san i kukim kela bilong em nogut tru tasol em i strongim em yet na i stap. Klostu em laik go bek ken long haus na i stap. Em harim balus i kam na em i weit i stap liklik. Em nau balus i kam pundaun pinis. Balus enjin bilong em i stap, poro bilong em Thomas Kupiano i kam aut long balus na Kanage i surik, surik i go olsem kindam na kalap, kalap olsem pis i go klostu long poro bilong em na tupela i holim pas. Bihain Mista Kanage kirap soim ol ples na em i lukluk i go hapsait long ples bilong em na em i lukim smok i kirap long maunten bilong em na em i tokim poro bilong em olsem. Long kap ya spun kamap ya em long plait bilong mi ya. Tupela i dai long lap na i go bek long haus bilong tupela.

Willie Kapel Mt Hagen

Kanage em bilong Hagen na i stap long Mosbi na laik go long Hagen. Nau em i laik go long Kanage so em wokabaut i go long balus na i laik kalap long balus, taim em laik kalap antap long steps, em ting olsem haus bilong em so em lusim slipas i go long balus. Taim balus pundaun long Hagen, em go daun long steps na taim em tasim graun, em stat painim slipas bilong em i go i go nogat tru so em wokabaut i go kisim beg bilong em na go long haus.

Kenneth Jaiks Lumi

Kanage bilong Nondgul insait long Westen Hailans. Em i save wok long Hagen. Wanpela wiken em i laik i go long ples na em i go kisim bas na go kamap long Kalip. Draiva bilong bas i go stap long bas stop long dropim sampela kastoma bilong em. Dispela taim. Wanpela resa bilong Kudjip i sanap long bas stop long kisim bas na i go long Minj. Dispela taim Kanage i smok na askim laik tasol long dispela resa. Tasol resa bilong Kudjip i tok yu painim wok a? Dispela taim Kanage painim rot na tok i orait. Bekim bilong Kanage i mekim na olgeta manmeri i tokim Kanage yu winim mipela long kain toktok bilong yu. Yu save klinim yu long tok bilong yu long kain resa i hat long bekim long wanem em i save olsem yumi olgeta manmeri bilong graun tasol. Na Kanage sem na das long Nondgul.

Kombuk Wine Mt Hagen

Kanage bilong Lumi insait long Sandaun provins. Em marit long Mafoka viles long Aitape, Wes Kos na em stap olgeta long Mafoka. Wanpela Fraide em go raun long Vanimo. Em kisim ka na kam daun long Jerra Bes Kem na kisim bot na go raun olsem lokel turis long Vanimo taun. Wan de tasol na em kam bek gen ong apinun taim ol kam long sho ol manmeri long nambis i pulim bot i go antap. Sem taim bikpela guria i kamap na ol manmeri pret na tok em pes taim bilong bikpela guria i kamap na tok nogat ya, em i no guria em

bikpela welpaul ya, bikpela welpaul i kam nau bihain ol kisim ol samting bilong ol na go long haus. Namba tu guria i kamap long nait na ol meri pikinini long ol haus wok long pret nogut na tok aleluya prais the lord na Kanage harim na tok bipo yet yupela mas praisim. Nau yupela i laik pinis o nogat taim nau em bikpela welpaul i kam nau welpaul i kam pinis nogat taim long bai yupela praisim lord na ol i belhat long em tasol ol i leit pinis. Kanage kisim ka na tekov i go pinis long Mafoka. Sem taim disasta tsunami kamap long Aitape, Fraide Julai 17, 1998.

Benneth Moroni Aitape

Kanage bilong Takubar, Kokopo long Is Niu Briten provins. Na nau em i wok long Tokua plentesin. Em nau long wanpela taim long fotnait Fraide wik bilong Tokua plentesin, em i taim bilong ol sista na ol nes long i kam klinik long Tokua. Orait, meri bilong Kanage i go long klinik, nem bilong meri bilong em Kuri. Orait taim em i pinis long klinik em i kam bek long haus, em i sindaun malolo liklik taim tasol na em i singautim masta bilong Kanage long i kam harim em. Em nau meri bilong em Kuri i tokim Kanage ol lo bilong famili plening. Orait Kanage i harim pinis long meri bilong em na bihain em i askim meri bilong em olsem, hey! Mama, wanem samting em famili plening? Orait meri bilong em i tokim em olsem yu tokim yu yet, yu wanpela bikhet man. Kanage harim na sem pipia na tekov.

Andrew J. Kasinga Kokopo

Kanage bilong Kubalio insait long Wewak, Is Sepik provins. Em i go stap long Rabaul na em save draiv long Woks Dipatmen. Wanpela taim ol plis long Rabaul ol putim rot blok na stopim em long em i spit tumas. Orait ol plis i askim em olsem, hamas mail yu spit long ka? Na Kanage i bekim, "yes, ya mi bilong Sepik ya," olsem na plis askim gen. Hamas mail yu spitim long en? Mi no askim yu long ples bilong yu. Kanage bekim gen. Hey, ya mi bilong Sepik ya. Plis i belhat stret long Kanage na i kirap askim: "Hamas mail i kam long ples bilong yu. Na Kanage i bekim "Ples bilong mi em siksti mail olsem na mi givim siksti wana piriwa long ka i kam." Ol plis kirap na tokim Kanage mipela harim yu pinis. Kisim ka bilong yu na pis op. Kanage kalap long ka na amamas lap wantaim em givim siksti wana piriwa i go pinis.

Plus Rocky Kavieng

Misis Kanage i karim nupela bebi na stap long haus. Orait paps Kanage i pasim tok wantaim wanpela meri, bai tupela i bung long gaden. Orait long san Kanage i tekov isi tasol long softkat long bus rot. Em i no tanim lukluk bek bai i ken lukim Junia Kanage i wok long Krib isi isi long beksait. Bikos paps Kanage i bisi tru long kisim ol liklik ston bilong toromoi long meri bai meri i ken save olsem Kanage i stap pinis. Na taim Junia i lukim paps i kisim ston em tu kisim ston. Tupela kamap long gaden paps Kanage poromanim wanpela as bilong banana. Orait paps Kanage stat toromoi ston long meri. Meri ya i bisi tru long wok na i no harim ol ston i pundaun. Olsem na paps Kanage i tromoi ston i go, i go na

i go moa long pes 23

Giong Wongi Lae

Guttaim bipo Kanage wok long wanpela masta. Em i no save long rais, masta kukim rais pinis na ske-lim long em yet. Na Kanage kaikai rais na rais pas long nek bilong em na em askim masta meri pas rais. Masta tok pinisim drai, tasol long-long Kanage strong yet long wara bilong rais.

Giong Wongi Lae

Kanage bilong Kerowagi distrik long Simbu provins. Wanpela taim Kanage wantaim poro bilong em, tupela i putim skin tru na wokabaut i kam long Kerowagi maket long wanpela Sarere. Long dispela taim yet Kanage ya wantaim poro bilong em, tupela i go na sindaun long wanpela hap kona na stat long kaunim ol yangpela meri, na sem taim tu grisim ol na toktok wantaim ol. Na i no long taim Kanage ya wantaim poro bilong em tupela i grisim sampela yangpela pinis na toktok long ol karim lek. Ol yangpela meri tok orait long Kanage wantaim poro bilong em tupela i go bihain long ol yangpela meri. Long dispela taim Kanage ya, em putim bilum go daun. Na em putim wanpela taget long pretim ol meri. Taim ol meri kamap ol pret na singaut nating nating. Kanage sem pipia na tekov.

Joe Yuang Kundjip

Kanage bilong Westen Hailans provins. Em i bin maritim wanpela meri Papua. Meri i gat pes pikinini long wan na hap yia. Kanage em i no man bilong wok em man bilong raun tasol. Wanpela taim long haus nogat kaikai man trangu Kanage kros na klostu kilim em yet. Em i no toktok em i no kisim manki bilong em. Em wok long tingim i stap. Kanage tok long meri olsem inap yu tupela painim kaikai na kukim nau. Mama tok em okay laik bilong yu bai mipela painim kaikai na kuk. Man nogut ya go klostu long meri i no kilim wan sait na narapela sait. Kanage tokim 2-

KANAGE



paps i go na tokim em. "Lukim em traipela papa na ekting paia rais."

Pius Rocky Kavieng

Kanage em bilong Westen Hailans provins. Wanpela taim Kanage wantaim meri bilong em. Tupela i go raun long Kalakai maket long painim buai. Tupela raun na pinisim kona bilong Kalakai taun. Kanage i tok taim i pinis na mi tupela i go bek long ples. Tupela i go antap long bas stop. Wanpela 25 sita bas i kam na tupela kalap. Bas i pulap long ol manmeri stret na draiva i tekov. Em i no isi. em i kukim stret na lokim 5 gia. Meri bilong Kanage kirap na tok bikmaus wantaim. Tokim draiva olsem yu wokim na kukim stret yet. Mi save raun long planti bas tasol ol draiva i no save draiv olsem. Nau yu kukim na lewa bilong mi pam pam na mi amamas liklik. Kanage i harim dispela tok-tok long meri ya na i wokim bel bilong Kanage em kaskas stret. Kanage i no mekim wanpela tok-tok, em i sanap tasol na paitim meri ya insait long bas. Nau Kanage i tok ating yu mas laikim spit bilong draiva. Kanage i lusim meri na ron i go long fran na paitim draiva na draiva i paul na em i stopim bas na tupela pait insait long bas. Olgeta lain insait long bas i kalap nabaut na wokabaut i go long ples bilong ol na draiva i rong bek long PX 5 kantri sait. Kanage wantaim meri tupela i wokabaut i go long ples.

Leo Neil
Mt Hagen

Kanage bilong Sokacneng kantri long Finsafen. Em i stap i go na em laik maket. Orait em sanap long maus rot bilong Pindiu. Na apinun wanpela ka nem bilong Warec 19 Expres i kam. Kanage i kalap long Warec na tekov long Pindiv. Ka lusim em na em slip long wanpela klab. Na long Sarere moning em kam long maket na bungim wanpela meri i salim saksak i stap na bik bro Kanage i go sindaun klostu long em. Na em i askim meri, mi laik baim saksak bilong yu yet na meri ya i kisim tingting na tokim paps Kanage, mi save dai long dispela samting na i stap. Na Kanage kisim em na tupela tekov long Sokacneng. Nau tupela i stap i no long taim meri i gat bel na Kanage i kisim em i go long Braun Helt Senta long Butaweng na em i go lusim em. Na Kanage i go ausait na meri i karim pikinini boi na pas Kanage i harim olsem meri bilong em i karim pikinini na em i ron i go kamap long dua. Pikinini i lukim olsem paps i kam na hariap em i singautim: "Papa mi laikim wanpela lus botol wantaim kat jin," na em i kam long em. Na Kanage i karim pikinini na tupela i go. Na Kanage i karim pikinini na tupela i go spak long Sokacneng klab long Ziwowonen.

Zicks Sangale Gagidu Finsafen

Wanpela taim Paps Kanage na mams i pasim tok long go raun long bus bilong Ramo. Em nait nau paps Kanage kisim bunara, wantaim supia na tos. Mams Kanage i karim Limbum tasol na tupela raun

i go. Paps Kanage i tingting, nau bai mi kisim sans bilong mi, long haus maus i save les orait paps Kanage singaut i go long mams Kanage olsem. Meri, meri, kapul, kapul, na sem taim Misis Kanage i save pinis paps Kanage i trikim em long narapela samting olsem na em bekim triki, triki, putim buk oh, man. Paps Kanage tuhat i go lus nating long biknait, nogat wanpela abus long han.

Mel Moroka Aitape

Kanage bilong ples Masawen long Finsafen. Em wanpela sotpela man stret na em save tingting nogut long meri bilong em long ol man taim em save raun i go long gaden i kam bek. Em save taitim selpis na hensapim meri bilong em na em save tok yu tok mi go long gaden husat man i kam toktok wantaim yu na meri bilong save tok honos i stap long hap. Kanage hariap tru em save selektim raba bilong selpis.

Ajax Sago Finsafen

Kanage bilong ples Lakona Finsafen em wanpela lapun man tru. Wanpela taim em go long Lae long pikinini bilong em na kalap long PMV Giyam Sao go long Lae. Na pikinini em tokim paps yu boilim ti taim Kanage boilim ti na ti boil em putim wanpela ful tilip tupela peket suga 10 pela bisket olgeta dispela samting i go na wara long pot i pinis nating taim pikinini Kanage i tok papa kisim tipot i kam taim Kanage i kisim tipot na pleit na sindaun taim pikinini bilong Kanage hatim papa bilong em

Kanage na yu kolim bisket long em ti bisket ya.


Ajax Sago Finsafen

Papas Kanage em bilong ples Ningalim insait long Maprik. Em maritim tupela meri bilong Niu Ailan na em i wok wantaim CDC kampani. Taim bilong fotnait, Kanage i no save tingtim tupela meri. Em i save givim siksti i go long bia haus na pinisim olgeta mani. Olgeta taim em save mekim olsem tasol i go na wanpela taim em kisim pe pinis na go spak long taun. Em kisim faivpela OP miks na em spak nogut tru. Em kalap spak wantaim long bas na givim i go long haus. Kanage i no save olsem tupela meri i pasim tok long mekim save long em. Kanage em aut na em i no tingtim trausis i raus. Em givim siksti as nating i go insait long haus na singaut long upela meri. "I one kiss na tu seks, tu ledis." Papas Kanage tok olsem na em pundaun long bet na slip i stap. Em nau, taim bilong tupela meri. Tupela kisimrop string na pasim tupela buai bilong Kanage na wanpela daka bilong em. Tupela i mekim olsem pinis, i go sanap ausait long haus na pulim hat wan stret long string. Man spak bilong Kanage i pinis, ai bilong em i raun na em ting wanem jkain OP miks em dring tasol em kirap nogu long lukim string i poasim liklik brata pinis. Em les long tok stret na kirap singaut, "Hei, tambaran bilong Sepik i pen ya. Lusim ya."

Wilson Job
Nonzae, Maprik



Lapun mama kaikaim man



BIPO bipo long tumbuna taim, wanpela lapun meri i stap. Nem bilong em Futege. Em i stap long wanpela maunten ol i kolim Bavegata long Fusa viles, Lufa Distrik.

Man bilong em i dai pinis na em wanpela tasol i stap. Na dispela taim tu em taim bilong kaikaim man tu ya. Haus bilong dispela lapun meri em i stap longwe liklik long ol hauslain. Na tu dispela meri en wanpela sempion o kumten meri long stilim bodi bilong dai man na katim na skelim long ol arapela meri. Na tu long dispela taim meri bai slip long haus meri na man bai slip long hausman na tambu long man i ken raun long haus meri na meri i ken raun long hausman, bikpela tambu tru.

Taim ol man i go pait wantaim ol birua na ol i sutim o kilim wanpela bilong ol man bai kam na

planim pinis na kam long haus ol meri bai kisim mitin na go rausim long nait na katim na skelim long ol na kam kuk na kaikai. Long dispela taim ol istap long dispela kain pasin.

Wanpela taim dispela lapun meri i lukim na ol planim wanpela dai bodi na long nait em wanpela tasol i go na rausim na katim igo liklik na kisim i kam long haus. Em digim hul long gaden istap klostu long haus na planim sampela istap bilong tumora na hap tumora na sampela em

kukim long mambu.

Em kuk pinis na em rausim long mambu na ino kaikai yet olgeta pik na dog long hauslain i simelim pinis na raunim haus na wok long singaut. Strong nau. Nau na olgeta man long hausman raunim dispela haus pinis long sekim nau. Ol askim em long opim dua tasol turangu meri i painim hat long haitim bikos sapos ol painim em ol bai kilim em dai tasol dispela meri tu em wanpela smatpela meri tu long mekim trik. Em i kirap

na sindaun antap long dispela kaikai i stap na olgeta man i go insait na painim tasol ol i no painim wanpela samting. Tasol meri nogut i kisim taim long hot tasol em presim strong na sindaun i stap. Bihain ol i go pinis na em painim aut olsem liklik susa em nuses i nogut olgeta na em i stap sampela mun na em pinis na orait gen. Mi wanpela gru long dispela tumbuna i tanim na kamapim.

J. Avex Bega
Goroka, EHP



Nem: Leinus Warovere
Krismas: 20 (man)
Adres: Aitape Vocational Training Institute, PO Box 34, Aitape, WSP
Save laikim: Pilai spot, go lotu, ridim buk, harim musik na raitim pas i go kam.

Nem: Gideon Apairi
Krismas: 19 (man)
Adres: Aitape Vocational Training Institute, PO Box 34, Aitape, WSP
Save laikim: Pilai basketball, rait long pren, harim musik na raun long bus.

Nem: Mel Moroka
Krismas: 20 (man)
Adres: Aitape Vocational Training Institute, PO Box 34, Aitape, WSP
Save laikim: Go long skul, harim musik, senisim poto na raitim pas i go kam.

Nem: Oliver Nuven
Krismas: 20 (man)
Adres: Aitape Vocational Training Institute, PO Box 34, Aitape, WSP
Save laikim: Spot, raun long bus, harim musik na raitim pas i go kam.

Nem: Seth Asomaning
Krismas: 30 man
P.O. Box: MK 279, Mankessim, Central Region, Ghana.
Save laikim: Raitim pas, rid.

Nem: Eunice Parker
Krismas: 22 meri
P.O. Box: MK 279, Mankessim Central Region, Ghana.
Save laikim: Danis

Nem: Millicent Sunu
Krismas: 26 meri
Adres: P.O. Box MK 279, Mankessim, Central Region, Ghana.
Save laikim: Danis

Nem: Elias Manuai
Krismas: 17 (man)
Adres: Aitape Vocational Training Institute, PO Box 34, Aitape, WSP
Save laikim: Pilai spot, pilai gita, waswas long solwara na raitim pas i go kam long ol pen pren.

Nem: Wilson Jim Normeng
Krismas: 16 (man)
Adres: Wangbin Community School, PO Box 636, Tabubil, Western Province
Save laikim: Pilai soka, basketball, volleyball, raitim pas i go kam, go lotu, harim gospel musik na tokpilai.

Nem: James Hako
Krismas: 23 (man)
Adres: Dagi SDA Mission, PO, Kimbe, WNP
Save laikim: Go lotu, harim gospel musik, yut kemp, wok gaden, kukim kaikai, stori wantaim ol brata na susa long Jisas na raitim pas i go kam long ol prens.

Nem: John Siwi K
Krismas: 25 (man)
Adres: Haella Plantation Division One (1), PO Box 438, Kimbe, WNP
Save laikim: Wokim pren, salim poto i go kam na go raun long narapela provins.

Nem: Lee Phelimon

Krismas: 20 (man)
Adres: Mosa Construction, C/ NBpol PO Box Kimbe, WNP
Save laikim: Go lotu, Pilai gospel musik, pilai soka, volibal, basketball, wok mani, wok gaden, kukim kaikai, tok pilai wantaim ol mama, bratasusa, na laikim pren wantaim narapela manmeri long narapela province na tu ovasis.

Nem: Peter Charles
Krismas: 18 (man)
Adres: Moramora Technical School, PO Box 23, Hoskins, WNP
Save laikim: Pilai musik, pilai volleyball, soka, ragbi, raun wantaim poroman, serim samting, go long skul, lukim TV, harim reggae musik na kamapim singsing.

Name: Starlet Y Pana
Krismas: 15 (man)
Adres: Markham Valley High School, PO Box 879, Lae, MP
Save laikim: Playing rugby touch, go to church on Sunday and watching music television.

Name: Joshua David
Krismas: 13 (man)
Adres: Wangbin Community School, PO Box 636, Tabubil, Western Province
Save laikim: Watching EMTV, sports, making jokes, writing letters to penpals in schools other provinces.

Nem: Victoria Intiwaa
Krismas: 25 (meri)
Adres: Box 448 (top street) Agona-Swedru, Ghana, WA
Save laikim: Music, enjoy sex, exchange photos, dancing, swimming and exchange of lovely words.

Nem: Benjamin Ami
Krismas: 34 (man)
Adres: PO Box 1011, Lae, Morobe Province, PNG
Save laikim: harim ol kainkain musik, ritim buk, pilai spots na painim wanpela meri long marit.

Nem: John Kevin Bruce
Krismas: 20 (man)
Adres: P O Box 30, Minj, WHP.
Save laikim: Tok pilai, raun wantok ol wantok na mekim pren wantaim ol narapela manmeri.

Nem: Puiye Peter Imbiye
Krismas: 19 (man)
Adres: Box 22, Ialibu, SHP.
Save laikim: Raitim pas long ol pren na lukim narapela ples.

Nem: Josephine Kuru Pilimbo
Krismas: 18 (meri)
Adres: P O Box 22, Komakul, Ialibu, SHP
Save laikim: raitim pas, lukim narapela ples na bai bekim olgeta pas mi kisim.

Toktok gut wantaim olgeta manmeri



LAS wik mipela i bin karim hap bilong wanpela pas i kam long JOB SEARCH husat i gat sampela hevi bihain long em i pinis long skul. LAIPLAIN i bin toktok long hau em inap kisim wok na stap gut sapos'em i stap long taun.

Tasol JOB SEARCH i bin toktok tu long hevi em i painim taim em i stap long ples. Em i bin tok: "Mi bin stap 9-pela mun olgeta long ples tasol mi painim hat long stap wantaim ol. EM i hat long tok save long ol manmeri olsem mi wankain olsem ol. Ol i ting olsem mi save long rit na rait na dispela i mekim mi isi long kisim mani na narapela ol samting bilong waitman. Ol i laikim mi statim wanpela bisnis olsem planim ol kaikai bilong gaden na salim tasol ol i no save olsem i mas i gat sampela mani bilong mekim ol dispela samting. Ol i tok ol manmeri husat save rit na rait bai painim isi long kisim mani na ol laikim mi long kisim sampela mani na bai ol i helpim mi long sampela na mipela statim bisnis.

Ol i laik bai mi baim wanpela trakta na mipela bai statim wanpela komyuniti fam.

Mi bin go askim ol lain long beng.

tasol ol i tok mi nogat wanpela samting long stat wantaim na ol bai no inap helpim mi." Dispela em ol toktok bilong JOB SEARCH.

Dia JOB SEARCH,

Yu tok yu painim hat long fit bek long viles laip. Yu painim wanem samting i hat long yu mekim na stap gut wantaim ol pipel long ples? Wanpela gutpela samting em long yu noken sop long dispela save yu kisim long skul. Sapos yu traim soim ol manmeri olsem yu save long olgeta samting, ol bai les long yu na bai yu pilim i no gutpela long yu stap insait long dispela kain komyuniti.

Taim yu harim ol lapun long ples i oktok, bai yu no inap wanbel bikos yu bin lainim narapela samting long skul. I gutpela long yu stretim ol dispela tingting bilong ol lapun tasol i gutpela sapos yu mekim long wanpela wei we ol lapun bai iu amamas na i no mekim ol sem long ai bilong ol narapela pipel.

Wanpela gutpela piksa bilong dispela em hevi yu yet i toktok long em. Ol manmeri long ples i ting yu bai helpim ol bikos yu bin go long skul na yu inap ronim fam bisnis. Yu ken tokim ol wanme samting i rong na helpim ol bai long tingting olsem yu tasol yu mas noken paulim ol na mekim ol belhat. Toksave long ol olsem mani i hat long kisim, bisnis i mas gat save man bilong bisnis na olgeta i mas wok bung wantaim long kamapim ol senis.

Inap yu traim painim aut sapos wanpela man long viles i gat sampela man meri husat inap save long hevi na wari yu gat? Ating i gat sampela olpela manmeri husat iu go long skul o wanpela long komyuniti husat ol mas save rispektim. Wanpela pasto o tisa i stap husat bai tokim ol pipel.

olsem wanem hevi yu gat i tru.

Sapos nogat wanpela longples, traim sekim sapos wanpela long ples bilong yu i wok long taun long tok save. Nogat traim askim sampela gavman dipatmen o benk opisa long toksave long hevi bilong yu long ol pipel.

Bai gutupoela sapos yu oktok wantaim ol beng, gavamn o wantok saveman long helpim. Traim tokim ol na askim ol ting wanem long dispela tingting bilong yu. Ol piepl ting yu kisim mani long benk pastaim na ol laik givim hap, okim ol olsem ol i mas kisim mani pastaim na bihain bai benk i helpim ol.

Mipela i no ting wanpela benk i man bai givim mani long yu baim trakto long kamapim bisnis bilong groim ol kaikai bilong gaden. I moa gutpela sapos yu toktok wantaim wanpela opisa bilong rurel developmen opisa 0 didiman. Ol mas save na ol i ting wanem long dispela tingting bilong yu. Sapos ol i ting em bai wok, dispela i moa gutpela. Yu toktok wantaim em pastaim na bihain askim ol manmeri long ples long helpim yu na sapatim wanem tingting yu gat.

Liklik skul yu kisim i no inap long mekim yu kamap bisnisan na ronim bisnis. Yu mas askim ol man long gavman olsem bisnis developmen opisa long helpim yu na givim sampela trening o sampela hapo b=tingting long yu pastaim long yu ken ronim dispela bisnis bilong yu.

Ating i mas gat sampela manmeri long ples wantaim wankain tingting olsem yu. Inap yu traim bungim olgeta na toktok long wanem samting yupela olgeta inap wokim wantaim. Yu bungim tingting wantaim na traim wok wantaim.

LAPILAIN.



Ol sapota long Goroka paul

PNG Kumuls lus long kwata fainels

RAGBI LIG RIPOT

I GAT bikpela paul i kamap nau bihain long Goroka Ragbi Lig i no holim jenerel miting bilong em las wik. Edministreta bilong Goroka Ragbi Lig Lawrence Acanufa i bin singautim wanpela miting las wik long holim miting long Fonde. Tasol long taim bilong miting, Acanufa na komiti bilong Nathan Mote i no bin kamap.

Planti ol presiden na klab opisel i no amamas na lusim ples bilong miting long 6 kilok long apinun. Aninit long mama lo bilong Papua Niugini Ragbi Futbol Lig (PNGRFL), olgeta mamba asosiesen husat i holim jenerel miting bilong ol i mas salim ripot bilong ol i go long nesanel ragbi lig bodi, PNGRFL. Goroka em wanpela bilong ol 4-pela bikpela senta PNGRFL i saspandim las yia bikos ol i no mekim

gutpela wok edministresen. Arapela senta em Rabaul, Pot Mosbi na Lae. Taim ol i sapsensim Goroka, Acanufa i kamap olsem edministreta. Nau yet i gat bikpela wok kempen i kamap long husat tru bai holim wok presiden bilong Goroka ragbi lig. Wanpela klab i ting olsem wanpela man long nambis eria olsem Momase, Niugini Ailan o Sentral i mas lukautim we ol i ken skelim wok bilong mani i ran gut o nogat.

WOL KAP LIG RIPOT

WALES i kamapim wanpela strongpela tru insait long kwata fainel bilong Wol Kap ragbi lig na autim PNG Gas Kumuls 22-8. Win bilong Wales nau i helpim ol long bungim Australian Kangaroos long semi fainels bilong dispela kompetisen. PNG Kumuls i aut na bai kambek gen long bikmoming long Fraide long dispela wik. Inglan bai bungim Nu Silan long arapela semi fainel. Wina bilong tupela semi fainel bai bung long gren fainel long wik antap. Tripela trai long namba wan hap wantaim wanpela konvesen na penalti i setim rot bilong Wales long winim dispela gem. Jason Critchley, Lee Briers na Wes Davies i skorim ol trai, Iestyn Harris i kikim konvesen na penalti. Harris i kikim wanpela penalti gen long stat bilong namba tu hap bilong pilai. Orait bihain long em, John Wilshere i kikim wanpela penalti na tu skorim trai na konvesen long bringim skoa i go long 8. Wales i kisim sampela bagarap long dispela gem na bai bungim Australian Kangaroos long dispela wik Sarere. Ol i win nau, ol Wales i mas tingting gut long kamapim gutpela gem long traim abrusim ol lain Australia. Kosa bilong Wales Clive Griffiths i tok "Mipela i amamas tru long salensim sempion bilong wol, Australian Kangaroo. Mipela i nogat presa, na i givim mipela gutpela sans tru long winim dispela gem. Griffiths i tok Kangaroo i

gat ol biknem pilaia, na mipela (Wales) i save olsem mipela i gat bikpela wok tru long pilai egensim ol. Wales i singautim tupela biknem ragbi union pilaia olsem John Devereux na Paul Moriarty husat i kam helpim tim bikos ol i gat ol bagarap. PNG i gat strong tasol ol lain Wales i gat stail pilai we ol i winim dispela gem isi tru. Insait long 39 minit, David i skorim namba tri trai bihain long em i kisim wanpela gutpela pas i kam long Critchley. Insait long seken hap, PNG i kamapim sampela strongpela pilai tasol taim i sot long ol. Wilshere i skorim wanpela trai na bihain kikim penalti long mekim skoa bilong Papua Niugini Kumuls i luk gut. I gat bikpela wari long Wales bikos ol i save pilai ragbi union tasol. Kosa Griffiths i no wari tumas nau bikos em i tingting nau long traim makim wanpela strongpela tim long bungim Australian Kangaroos. "Wales i stap long map nau olsem wanpela top foa kantri insait long wol," kosa bilong Wales i tok. Nu Silan husat i kamap namba tu feveret long Wol Kap i putim sampela nupela pilaia na wilwilim stret France. Samting olsem ol 6-pela biknem pilaia i no stap long dispela tim ya. Nu Silan i no mekim stail tumas tasol ol i skorim 30-0 long hap taim. Na long namba tu hap, ol i pasim get na ol Francis i lakim long putim wanpela trai tasol long rausim sem bilong ol.



• B gret tim bilong Gaselle i wok long kukim Pot Mosbi men's sofbal resis.

Pilai i gutpela rot bilong stapim trabel

Op-sisen lig i paia stret long Goroka

SAPE METTA i raitim

SISEN bilong ol taun na siti ragbi lig resis bilong yia 2000 i pinis, tasol op-sisen na viles ragbi lig kompetisen i wok long go het strong tru insait long ol bikpela senta insait long kantri. Goroka - biktaun bilong lsten Hailans em i wanpela bilong ol dispela senta we i wok long kirapim das na kamapim sampela strongpela op-sisen na viles ragbi lig resis. Long ol yia i go pinis Gahuku op-sisen lig (GOL) i save kisim ol klab na tim long ol viles arere long Goroka na tu ol klab na tim long setelmen insait long taun long stap insait long resis bilong ol long Independens Pak. Tasol long dispela sisen, GOL i mekim sampela sents we em i kamapim samting

OP-SISEN LIG RIPOT

olsem wanpisin o wantok sistem we em i tingting tasol long kisim wanpisin viles klab, tim na pilaia long sait bilong Gahuku yet long resis. Na em i stapim ol arapela lain husat i stap ausait long Gahuku long i no ken patispet. Mekim olsem na ol yangpela man hsuat i kam long ol arapela provins na i stap long ol setelmen insait na arere long Goroka taun i kisim taim long wanem ol i nogat sans long patispet na pilai insait long GOL. Tasol dispela disisen bilong GOL i no stapim ol manki long setelmen long pilai ragbi lig. Ol i bung na kamapim wanpela tingting we ol i wanbel na kirapim narapela op-sisen lig em ol i kolim Goroka Eben Setlas Op-sisen Lig 9GUSOL). Na dispela lig i kamapim bikpela interes na pulim

bikpela namba bilong ol pilaia we i kamapim dispela tim ('A', B na c gret) insait long 18-pela setelmen klab na ol i muv wantaim ol sapotas bilong ol i go daun long bak-sait bilong bikpela Goroka ples balus long Faniufa na i wok long kirapim das long hap long olgeta wiken. Dispela ol 18-pela klab ya em, Degiis Raiders, Cowboys, Pirates, Lopi Roots, Roosters, Raiders, Brothers, Elspidos, Crushers, Warriors, Angus na Keras. Man husat i go pas olsem presiden bilong GUSOL em John Markham husat i wanpela olpela biknem ragbi lig ripresentativ pilaia bilong Noten Zon, Goroka Lahanis na PNG Kumul. Presiden Markham i tokim Wantok olsem dispela lig em namba wan taim ol i statim o kirapim na risal bilong em. I gat wanpela tim bilong meri na tripela tim bilong ragbi tas i bin givim pinis mani

PEKU.PILIMBO i raitim

PILAI em i wanpela gutpela samting bilong helpim ol yangpela manmeri long raskol na pasin bilong kamapim trabel. Dispela toktok i kam long man husat i go pas long Erima Mauntein Soka na Ragbi Tas Kompetisen, Max Mambu i tok. Mista Mambu i tok kompetisen i bin statim presisen gem fopela wik i go pinis na sisen tru i bin kik op long las wiken. Em i tok i gat moa long 30 tim i givim nem pinis na i bin wok long pilai insait long ol dispela presisen gem i stap. Long dispela 30, sikspela tim bilong ol meri bai pilaim soka na 24 tim bilong man bai pilaim ragbi tas. Mista Mambu i tok wanwan tim i mas givim K70 olsem registresen mani long ragbi tas na ol soka meri bai givim K50. Em i tok i gat tupela moa wok i stap long ol manmeri husat long pilai i peim fi bilong ol pastaim. I gat wanpela tim bilong meri na tripela tim bilong ragbi tas i bin givim pinis mani

ERIMA SPOT RIPOT

bilong ol. Em i tok dispela kompitisen bai ron long sampela mun na pinis long mun Februari neks yia. Mista Mambu i tok bai i gat fopela tim husat bai winim fainel long ragbi tas na soka tu na ol dispela tim bai kisim prais mani wantaim sil na tropi. Em i tok i nogat wanpela sponsa bilong dispela kompitisen tasol bihain long kompitisen i on yet i stap, ol opisal bai traim na painim sampela sponsa. Em i tok tu olsem wanwan tim mas traim painim sponsa na traim kisim unifom bilong pilai. Mista Mambu i tok: "I gat more long 5,000 i go inap long 6,000 manmeri i stap long ol ples olsem Golf Club, Wild Life and the Erima Community. "I gat planti yangpela i stap insait long dispela eria na mipela komyuniti i kamap wantaim dispela tingting bai ol yangpela i ken mekim sampela samting na lusim trabel pasin. Wanpela miting i kamap aste namel long ol opisal

and wanwan tim opisal. Ol bai traim kamapim wnpela kalenda we olgeta tim i ken klig na bihain insait long dispela kompitisen. Ol tim insait long ragbi tas em long KTN Shadows, Home Guys, Teve Saints, Mambu Ants, Golf Eagles, Siame Kobonis, Mate Dogs, Sinasua United, Kedewa, Centre Rats, Metere Sharks, Cowboys, Aga Raştas, MRP Boys, Jungle Boys, Broadway Saints, Simba Brothers, 21 Eagles, Wild Cats, YP Combination, Drop Backers, Two Chankooks, Hungry Dogs. Long sait bilong soka tims em Hebour United, Cowboys, Mancheshester Gauls, Sinasua United, Kingstone na Hedge-Two. Ol man bai pilaim ragbi tas na ol meri bai pilaim ragbi tas. Mista Mambu i tok husat manmeri i laik helpim, em bai gutpela bikos nau yet em i hat long ronim gem. Em i askim ol tim long kam eli long taim bilong pilai bikos i gat planti tim na nogut taim i sot na sampela tim i no kisim sans long pilai.





• Kalibobo kepten husat i lus long fainel long West Yunaited i kisim tropi.



• Kepten bilong West United i kisim tropi long bikman bilong Goroka taun, Micheal Gotaha. West win 1-0.




• Namel raithan: Soka sisen navel long Kalibobo na West United long Goroka soka gren fainel las wiken.

• Navel lephan: Kepten bilong Telikom meri i kisim tropi long Goroka taun meya Micheal Gotaha long taim bilong presentesen. Telikom i wilwilim ol Murat 3-1 long soka fainel.

• Lephan: Asi Vele Tola bilong Pom Gaigais i redi long kikim bal insait long ragbi resis wantaim Boromas. Pom Gaigais i win 8-5.

• Raithan: Edward Kassman wantaim wampela studen bilong em i soim kain stall bilong karate.




**POM WIMENS SOFBAL
RIPOT**

Mechtil go pas long win bilong Norths

KEPTEN Mechtil Raymond i go pas long tim bilong em Norths long autim biknem Wantok 3-2 long Pot Mosbi wimens sofbal. Dispela em bikpela gem i kamap long Sarere long Bisini.

Oi meri Norths i tingting long holim top posisen long poin lata na oi i no marimari liklik long oi Wantok, oi i mekim save long oi na blokim oi geta rot bilong oi long skorim poin.

Tupela beta Pala Manet na Roberta Kaul tasol i paitim gutpela bal long bringim Raymond i kam hom tupela taim. Na arapela skoa bilong Norths i kam yet long Vero Ulavai.

Na wanpela gutpela gem long wiken em namel long All Stars na Gazelle. Oi meri All Stars i bagarapim tru sindaun bilong Gazelle 8-2.

Oi meri All Stars em oi sampela sinia pilaia bilong netbal husat i soim kain stail bilong oi long sofbal. Oi kain pilaia olsem Mona-Lisa Leka, Nancy Pala, Lydia Veali na Winnie Mavara husat i save mekim oi kaitain muv long netbal kot.

Pitsa Pala husat i kamapim gutpela pitsing tru na blokim tru oi big hita bilong Gazelle long i no skorim poin. Dispela lus em i namba tri bilong oi Gazelle na sapos oi i laik win, oi i mas stat long dispela wiken.

Leka husat i save soim kain stail long liklik sket bilong netbal tu i gat moa save long paitim bal long lain. Tupela taim em i paitim tu-bes hit na bringim oi pilaia olsem Pala na Florence Mero long kam hom. Oi arapela pilaia i skorim ran bilong All Stars em Mary Worsley, Winnie Mavara, Leka na Claire Wut (2).

Mazda i wok long winim oi geta gem taim em i autim Admiralty 4-0. Oi skoa i kam long Shirley ToMangana, Emma Kalas na Alice Kals husat i kam hom tupela taim long helpim tim i win. AB Bears i wilwilim stret Chebu 10-1.

Na long B gret: Chebu foffitim Tarangau, All Stars foffitim Wantoks na Bears autim Norths 12-10.

Oi gem long C gret i gutpela stret. SP i strong tru na winim Dolphins 9-6, Mazda na Manalos i dro 5-5, Gazelle i winim gem long teknikel graun taim SP i putim arapela pilaia husat i bin pilai long namba wan gem.

SOKA RIPOT


South Coast bringim sem long Kimbe

HENRY MORABANG i raitim

KIMBE em i kamap wanpela gutpela spot senta tru insait long kantri. Tasol kain pasin long pait na stapim pilai long soka grenfainel i no kamapim gut nem bilong Wes Nu Briten.

Soka grenfainel i no bin pinis gut bihain long sampela sapota bilong South Coast i go stapim grenfainel na rausim bal namel long fil na kros wantaim oi opisel bilong Kimbe Soka Asosiesen.

Na long Sarere, oi sapota bilong sem klab, South Coast, i bin paitim presiden bilong Kimbe Soka Asosiesen George Skell na sampela helpman bilong em. Dispela oi

sapota ya i spak na mekim dispela trabel.

Mista Skell i go long haus sik long Kimbe tasol bihain em i pinis na go long haus bilong em.

Dispela hevi bilong pait i kamap long wanpela birua i kamap bipo taim wanpela sinia pilaia bilong South Coast Paul Pepa i takolim wanpela pilaia bilong Rapatona. Mist Skell i lukautim dispela gem olsem referi.

Bihain long dispela birua, Kimbe Soka Asosiesen i rausim South Coast long wanpela yia oi geta long noken pilai soka.

Na bihain gen long Sande apinun, oi sapota i kam stapim gen na rausim bal.

Oi plisman husat i kamap long lukim dispela gem i no mekim wanpela samting. Oi i stap nating olsem oi sapota nating.

Oi eksekutiv bilong Kimbe bai bung samting olsem long neks wik long paitim toktok long oi dispela trabel.

Wanpela sinia man long Kimbe taun husat i no laik givim nem i tok olsem trabel bilong las wik Sande i mekim oi geta man i pret ya. Oi geta hatwok bilong Mista Skell na komiti bilong em long developim soka i lus nating nau.

Em tu i toktok strong olsem kain pasin bilong oi plisman i no gutpela tumas na bagarapim tru gutnem bilong Kimbe.

Nupela soka resis bai kukim Pot Mosbi

NUPELA soka resis bilong Papua Niugini Futbol Asosiesen (PNGFA), Orogen tonamen ov Ekselens ino bin stat las wiken bikos planti oi tim i no save long husat tru bai stap insait long dispela kompetisen.

Dispela tonamen em PNGFA i go pas long en wantaim sapot i kam long Pot Mosbi Soka Asosiesen (PMSA) na Pot Mosbi Skul Soka Asosiesen (POMSSA). PMSA i go pas long ranim dispela tonamen long traime kamapim na strongim standad bilong soka long taim bilong op-sisen.

Dispela soka resis ya em bilong oi top tim insait long Pot Mosbi. Oi tim bai stap insait long dispela resis em (primia divisen) IBS United, Rapatona, Univesity, LBC Defence, SP Brewery, Yut Tim 1 na Yut Tim 2. Na long divisen bilong oi meri em: Telikom, Cosmos, LBC Defence, WMI, Guria, Yut Tim 1 na Yut Tim 2.

Oi ogenaia i tok oi geta gem bai ran inap 40 minit long wanpela we. Wanwan tim i ken kisim 5-pela aut-sait pilaia long sapotim oi.

Oi ogenaia tu i askim oi PMSA referi na tu oi voluntia long kam na lukautim oi soka gem ya.

As tingting bilong dispela kompetisen em long givim sans long oi top pilaia i salensim oi yet. Na tu oi yut

tim i ken traime skelim save na strong bilong oi wantaim oi sinia pilaia long taun kompetisen.

PNGFA i kamapim dispela kompetisen long helpim yut tim na tu oi top pilai long stap long fom na sapos wanem ovasis tonamen i kamap long op-sisen, em bai i no inap painim hevi.

Wanpela gutpela piksa em Melanesian Kap i save kamap long op-sisen we planti oi pilaia bilong PNG i no save fit long pilai. Skoa bilong oi las gem long Vanuatu i soim stret olsem oi pilaia long PNG i nogat mets fitnes.

Long Sarere, gutpela gem tru bai kamap namel long IBS United na Defence long belo bek (12.30pm). Na long apinun, Yut Tim 2 bai salensim SP Brewery.

Na long gem bilong oi meri, Defence bai bungim WMI na long bikpela gem bilong meri em Telikom bai salensim Yut Tim 1. Yut tim 1 bai bungim Telikom husat i sempion tim bilong kantri na Pot Mosbi.

Na long Sande, Yut 1 bai salensim ANZ Yunivesiti, na Rapatona bai bungim Cosmos. Na long gem bilong oi meri, Cosmos bai bungim Guria, na ANZ Yuni bai skelim strong bilong oi yangpela meri ya, Yut Tim 2.

LAHI RIPOT

Sobou i holim taitel yet

SOBOU i holim yet taitel olsem sempion soka tim bilong Lahi Soka Asosiesen bihain long em i winim Unitech 1-0 long Sir Ignatius Kilage stadium las wiken.

Na long resis bilong oi meri, Elcom i winim namba wan soka taitel bilong oi taim oi i autim Guria 3-1 long penalti sut-aut.

Gem ya i strong na tupela tim i dro long fut-taim na tu ekstra taim. Olsem na taim oi i kikim penalti, oi meri i putim moa pawa long win. Gol bilong oi Elcom i kam long Nancy Wesley, Anne Tukana na Michael Andra na oi Guria i kam long Joyce Guma.

Dispela gem namel long Sobou na Unitech klostu bai go insait long ekstra taim ya. Tasol oi Sobou i yusim eksperiens bilong oi representativ pilaia bilong oi long winim dispela grenfainel.

Dispela fainel sapos long kamap long Fraide tasol planti oi pilaia bilong Unitech em oi studen na oi i surikim i go long Sarere.

Sobou i gat oi eksperiens pilaia bilong PNG na Unitech i gat oi pilaia bilong oi geta hap bilong PNG na Solomon Ailans wantaim.

Tim bilong Sobou i go pas na wet long fainel taim oi i autim Unitech 1-0. Na dispela em i salens long Unitech i bekim dinau tasol nau nogat ya.

Unitech i mas bungim Bugandi pastaim. Orait taim tupela i bung, oi studen long Unitech i bagarapim tru sindaun bilong oi 5-1, na surik i go gen long grenfainel long bungim oi Sobou.

Richard Daniels husat i lusim posisen bilong olsem straike na pilai long midfil. Em i sapotim gut straike bilong em Ludwick Vuri husat i skorim wanpela gol bilong oi Sobou tasol.

Long golmak, intanesenel golkipa David Aua i stap na blokim oi geta straik bilong Unitech. Han bilong Aua i olsem bilong urita na oi geta bal i wok long kam pas na go aut long umben.

Unitech na Sobou tu i kisim wanwan penalti. Tasol oi lain i kikim penalti olsem Daniels (Sobou) na Nicholas Puy (Unitech) i no brasim gut su na taim oi i kikim bal, em i go outsait ya.

Oi lain pilaia i taitim bun tru bilong Sobou em Daniels, Aua, Harron Kamake, John Laskam, Runa Geasa na Vuri na long sait bilong Unitech em Pul, Aaron Japu, Humphrey Tura, Joel Konojika na Chris Mullul.

Oi sapota long Goroka paul

I GAT bikpela paul i kamap nau bihain long Goroka Ragbi Lig i no holim jenerel miting bilong em las wik.

Edministrata bilong Goroka Ragbi Lig Lawrence Acanufa i bin singautim wanpela miting las wik long holim miting long Fonde. Tasol long taim bilong miting, Acanufa na komiti bilong Nathan Mote i no bin kamap.

Planti oi presiden na klab opisel i no amama's na lusim ples


bilong miting long 6 kilok long apinun.

Aninit long mama lo bilong Papua Niugini Ragbi Futbol Lig (PNGRFL), oi geta memba asosiesen husat i holim jenerel miting bilong oi i mas salim ripot bilong oi i go long nesenel ragbi lig bodi, PNGRFL.

Goroka em wanpela bilong oi 4-pela bikpela senta PNGRFL i saspandim las yia bikos oi i no mekim gutpela wok edministr-

sen. Arapela senta em Rabaul, Pot Mosbi na Lae. Taim oi i sapensim Goroka, Acanufa i kamap olsem edministrata.

Nau yet i gat bikpela wok kempen i kamap long husat tru bai holim wok presiden bilong Goroka ragbi lig. Wanpela klab i ting olsem wanpela man long nambis eria olsem Momase, Niugini Ailan o Sentral i mas lukautim we oi i ken skelim wok bilong mani i ran gut o nogat.


IKEN WOKIM GUTPELA SAMTING LONG YU

PORT MORESBY SOCCER ASSOCIATION

Presents the Orogen Tournament
Excellence (Soccer) Draw
Saturday, November 11, 2000.

Bisini Two

11.00	W	Defence v WM1
12.30	M	IBS PC United v LBC Defence
02.00	W	Telikom v Youth 1
03.30	M	Youth 2 v SP Brewery

Sunday, November 12, 2000.

Bisini Two

11.00	W	Cosmos v Guria
12.30	M	Rapatona v Cosmos
02.00	W	ANZ Uni v Youth 2
03.30	M	Youth 1 v ANZ Uni

Note: All games are played 40 mins each way.

- Gates K1.00.
- Prizes and Trophies will be announced soon by PNGFA.
- Only five guest players are allowed.
- The public are welcome.
- PMSA referees and any volunteers are asked to turn up.

PORT MORESBY WOMENS SOFTBALL INC.

2000/2001 SEASON
Saturday, November 18, 2000.
Week 6

Diamond 3

09.00-10.15	B	All Bears vs Dolphins
10.30-11.45	A	Wantoks vs Gazelle
12.00-13.15	A	Norths vs Mazda
13.30-14.45	A	Chebu vs Admiralty
15.00-16.15	A	AB Bears vs All Bears

Diamond 2

09.00-10.15	B	SP vs All Stars
10.30-11.45	B	Tarangau vs Admiralty
12.00-13.15	C	Dolphins vs Manolos
13.30-14.45	C	NGI vs Gazelle
15.00-16.15	C	SP vs Tarangau

Diamond 1

09.00-10.15	B	Norths vs Chebu
Bye: Wantoks	B	
Mazda	C	

LAE SOFTBALL WOMENS/MENS

Week 4
Saturday, November 18, 2000
Diamond 1 - A Grade

10.00-11.15	Eagles vs Hawks
11.15-12.30	Post PNG YMCA vs Malangan
12.30-13.45	Sharks vs Telikom

13.45-15.00
15.00-16.15
16.15-17.30

Karanas vs Manolos
Raiders vs Marlins
Aviat vs NGI
Sunday, November 19, 2000.

Diamond 2 - B Grade

10.00-11.15	Karanas vs Manolos
11.15-12.30	Raiders vs Marlins
12.30-13.45	Eagles vs Hawks
13.45-15.00	Aviat vs NGI
15.00-16.15	Post PNG YMCA vs Malangan
16.15-17.30	Sharks v Telikom

PORT MORESBY MEN'S SOFTBALL

1999 - 2000 SEASON
Sunday, November 19, 2000.
Game: 5 - Round 1

08.30-10.15	A	Tigers vs Elcom
10.15-12.00	A	NGI vs Hawks
12.00-13.45	A	MSC vs T/Jets
13.45-15.30	A	Gazelle vs Manolos
15.30-17.15	A	Bears vs B/Eagles
08.30-10.15	B	Norths vs B/Eagles
10.15-12.00	B	Kopex vs Gazelle
12.00-13.45	B	Elcom vs Bears
13.45-15.30	B	Dolphins vs MSC
15.30-17.15	B	Hwks vs Malangan
08.30-10.15	C	T/Jets vs Samurai
10.15-12.00	C	Manolos vs Sharks
12.00-13.45	C	Norths vs Kopex
13.45-15.30	C	Aigobians vs NGI
15.30-17.15	C	Dolphins vs Tigers

Bye: Manolos

Game: 2

10.30-11.15	A	MSC vs NGI
		Sunday, November 12, 2000.
		Game: 3 - Round 1

Diamond 1

08.15-10.00	A	Tigers v MSC
10.00-11.45	A	Gazelle v Elcom
11.45-13.30	A	Bears v T/Jets
13.30-15.15	A	Hawks v B/Eagles
15.15-17.00	A	NGI v Manolos


Diamond 2

08.15-10.00	B	Manolos v Bears
10.00-11.45	B	Kikopex v B/Eagles
11.45-13.30	B	Dolphins v Malangan
13.30-15.15	B	Elcom v MSC
15.15-17.00	B	Gazelle v Norths

Diamond 3

08.15-10.00	C	Dolphins v Norths
10.00-11.45	C	Manolos v Samurai
11.45-13.30	C	NGI v Tigers
13.30-15.15	C	Kikopex v T/Jets
15.15-17.00	C	Samurai v Tigers





Word Publishing has vacancies in the following positions:

EDITOR, PNG BUSINESS

Qualification: A Degree or Diploma in Journalism with five years experience in business reporting.
Housing not provided.

EDITOR, SUPPLEMENTS

Qualification: Degree or Diploma in Journalism with five years experience as a journalist.
Housing not provided.

JOURNALIST, Lae Office

Qualification: Degree or Diploma in Journalism. Five years experience as a journalist.
Housing not provided.

JOURNALIST, Wantok Niuspepa

Qualification: Degree or Diploma in Journalism. Five years experience as a journalist.

SALES REP, Lae Office

Qualification: Diploma or Degree in Marketing. Five years in newspaper advertising sales.
Housing not provided.

LAYOUT & DESIGN - 2 positions.

Qualification: Degree or Diploma in Arts/Design would be ideal. Three years experience in layout and design using Quark XPress and Adobe Photoshop.
Housing not provided.

Applications must be addressed to:

The General Manager,
Word Publishing,
P.O.Box 1982,
BOROKO, NCD.

Applications close on
Friday November 17, 2000.


CONDOLENCE MESSAGE

to John and Helen Rei and the Rei family of Gerehu Stage 6 and Gabagaba.

We mourn with you on the passing of your beloved father, grandfather the late

Mr. REI SENIOR.

From the Kane Kane Family of Rainbow Joe (Snr), Joe (Jnr), Solomon, Cleopethrah, Rose and Monica.



Word Publishing Company Ltd.

CONDOLENCE MESSAGE


Friends and colleagues of Helen Rei at Word Publishing, wish to convey their deepest sympathy to her and her family on the passing of her Father-in-Law...

REI SENIOR



DIPATMENT BILONG LENS NA FISIKO PLENING

SINGAUT LONG PEIMENT




MINISTA BILONG LENS NA FISIKOL PLENING I LAIK SALIM TOKTOK GEN I GO LONG OL STET LIS HOLDAS OLSEM OLGETA AUTSTENDING LEN RENTELS WANTAIM OL ARAPELA BILONG DISPELA YIA, 2000 I OVADIU PINIS. SAPOS YU NO BIN KISIM WANPELA RENT DIU NOTIS O TOKSAVE YU GAT KOMITMEN YET LONG BAIM RENTELS BILONG YU ANINIT LONG TEMS NA CONDISEN BILONG OL STET LIS. DIPATMENT BAI FOFITIM OL STET LIS SAPOS OL STET LIS HOLDA I NO BAIM OL RENTELS BILONG OL.

DISPATMEN BILONG LENDS NA FISIKOL PLENING I KEN GIVIM RENT DIU NOTIS O TOKSAVE I GO LONG OL STET LIS HOLDA WANTAIM RAIT POSTEL EDRES. I GAT SAMPELA STET HOLDAS HUSAT I NO BIN TOKSAVE LONG DIPATMEN LONG POSTEL EDRES BILONG OL. DISPELA TASOL NA SAMPELA RENT DIU NOTIS O TOKSAVE I BIN KAM BEK KEN LONG DIPATMEN BIKOS NAGAT MAN I BIN KLEIMIM OL. OLGETA STET HOLDAS NA OL ARAPELA LAIN I MAS TOKIM DIPATMEN BILONG LENS NA FISIKOL PLENING SAPOS OL I SENISM POSTEL EDRES BILONG OL.

DISPELA WOK LONG KISIM BEK OL STET LIS LONG OL MAN HUSAT I NO BAIM RENT BILONG OL I WOK LONG GO HET. DIPATMEN BAI KISIM BEK PLANTI PROPATI BIHAIN LONG OL WIK I GO HET SAPOS OL STET HOLDAS I NO BAIM RENTELS BILONG OL HARIAP. OL DISPELA STET Lises HUSAT I NO BAIM YET BAI DIPATMENT I EDVETAISIM OL TOKSAVE LONG OL LONG BAIM HARIAP, TASOL DISPELA I NO MIN OLSEM DIPATMENT BAI PABLISIM OL NEM BIILONG OL STET HOLDAS BEIFO EM I FOFITIM OL PROPATI BILONG OL.

LONG PAINIM AUT MO LONG OL AUT STENDING RENTEL BILONG LIS BILONG YU, PLIS RINGIM KASTOMA SEVIS LONG TELEFON NAMBA 301 32 85 O 301 3277.



GUAO K. ZURENUOC, OBE
 SECRETARY FOR LANDS AND PHYSICAL PLANNING



PABLIK TOKSAVE



Peoples Progress Party Leader Hon. Michael Nali i tokaut long eksen bilong em long Palamen long Tunde 31 Oktoba, 2000 long vot bilong ol Intagriti ov Politikel Pati na Kendidet Bil.



Long las wik Tunde 31 Oktoba 2000 mi bin muvim wanpela moten makim pati bilong mi Peoples Progress Party na ol arapela pati olsem Pangu Pati, Yunited Party, National Party, Peoples Action Party, United Resource Party, Peoples National Congress na planti ol lain memba insait long Gavman wantaim tu ol Gavana long surukim Palamen bung i go long 23 Jenuari 2001.

As bilong surukim bung bilong Palamen em long givim moa taim long ol memba na pati long putim sampela moa tingting i go insait long dispela Bil. Planti bilong ol amendmen o toktok insait long dispela Bil i bin go long Praim Minista na Siaman bilong Constitutional Development Commission. Long dispela taim i kam i bin nogat bung bilong putim ol tingting na toktok i go insait long dispela Bil.

Dispela eksen mi bin kamapim i bilong surukim bung bilong Palamen long givim inap taim long ol memba i ken pilim gutpela na vot long dispela Bil.

Long 22 Ogas, 2000 mi bin rait i go long Praim Minista Sir Mekere Morauta na soim klia ol toktok na tingting bilong Pati bilong mi long i mas go insait long dispela Bil. Ol dispela toktok na tingting em:

" Mi rait long tok klia long ol tingting na toktok na sanap bilong PPP long dispela Bil bilong Intergrity of Political Parties. Mi mekim olsem bihainim ol wok Pati i bungim wantaim insait long Palamen na tu long ol ausait helpim.

Namba wan samting em, Pati i sapot tru long kamapim dispela senis (lejislesen). Dispela em bikos long ol samting Constitutional Reform Commission i bin painim long 1995 long i mas gat rot bilong kamapim bikpela kontrol na sanap strong bilong sistem bilong

Gavman, we i sut long wok na sanap bilong ol politikel pati na ol patna bilong ol. Dispela senis 25 krismas i kam inap nau i stret long go insait long Konstitusenel demokrasi na gavman aninit long Wes Minista Sistem na em i gutpela taim nau long kamapim o pulapim ol senis insait long Lo bilong kantri we i no wok stret tude.

1. Section 4 - Executive officers of Political Parties (Eksekutiv opisa bilong ol Politikel Pati)

Pati i sanap strong olsem i mas gat rum bilong kamapim Vais Presidensi bilong ol Politikel Pati husat i gat bikpela namba long makim Vais Presiden bilong Pati. Mipela i klia tu olsem Lida bilong Peoples Actions Party, Hon Ted Diro i toktok strong tu long dispela.

2. Section 67 - Procedures following Resignation from a Political Party (Ol rot bilong bihainim taim wanpela memba i risain long politikel pati).

Mipela i no bilip skelim wanpela memba i ken mekim wok i paul long opis, we Ombudsman Commission bai i kam insait. Mipela i mas painim narapela rot bilong stretim ol memba long brukim dispela bilip ol i gat wantaim ol pipel. I no stret long larim dispela Lo i pusim ol lida long tokaut long risain o go long Kot

(Lidasip Traibunel) we em i gat rait aninit long Mama Lo.

3. Section 71 - Invitation to form Government (Askim long kamapim Gavman)

PPP i laik lukim tru klia na stret namba bilong ol memba long Pati bilong bihainim na fomim Gavman bihain long nesanel ileksen. Mipela i tokaut long "namba bilong ol kendidet husat i winim ileksen" i mas 37 na ol dispela lain bai kamapim bung long floa bilong Palamen. Sapos nogat wanpela Pati i kamap wantaim dispela namba, orait narapela rot em long bihainim rot we mipela i save bihainim i kam tude.

4. Sections 72-74 - Defection from or voting against a Registered Political Party (lusim o vot egensim Pati yu rejista wantaim)

Dispela eria em bikpela samting tru na i sut long kamapim gutpela sanap bilong politikis we dispela Bil i laik kamapim.

Taim wanbel na bilip namel long ol memba bilong wanpela Politikel Pati i klia, mipela i ting pasin bilong panisim ol i noken samting bilong Ombudsman Commission. Eeksen bilong ol memba aninit long dispela seksen i noken olsem ol i rong bikos ol i rong long soim dispela fridom o laik bilong ol long mekim eksen bihainim demokretik rait

bilong em aninit long Mama Lo.
5. Section 78 - 80. Voting Rights (Rait bilong Vot)

Dispela seksen i tok long raits bilong ol manmeri we ol Lida i makim long Palamen.

Mipela i pilim olsem olgeta memba maski em i Independen o i stap long Pati i mas kamapim laik bilong em makim ilektoret bilong em.

Em i ken vot o noken vot.

I noken gat sas long dispela.

Bikpela hevi tru em long mekim wanpela memba bilong Pati long kamapim laik bilong em long vot egens we i no laik bilong em long vot egensim sanap bilong pati.

6. Independent Candidates (Ol Independen Kendidet)

Dispela em long lukim olsem ol kendidet husat i winim ileksen olsem independen memba i gat rait long stap insait long olgeta ileksen long Palamen olsem ileksen bilong makim Praim Minista na tu laik bilong em long stap insait long Gavman. Independen memba bilong Palamen i mas,

i) joinim wanpela Politikel Pati insait long 7-pela de taim em i kamap memba bilong Palamen, o

ii) tokaut olsem em bai i stap olsem Independen memba long taim em i stap long opis bilong memba.

Ol dispela toktok long antap i mas kamap bihainim bai ileksen.

Ol hevi we kantri i bungim tude long ol senis bilong Lo long Provinsal na Lokol Level Gavman na VAT i mekim mipela ol lida i tingting planti na i laik mekim samting gut.

Long pinisim tok dispela samting (Bil) i mas gat sapot bilong olgeta Bek Bensa bilong Gavman na tu ol Oposisen long mekim i kamap Lo.

Wantaim tingting bilong mipela ol PPP we mipela i tokaut pinis long antap, mipela bai wok klostu long mekim dispela Bil i kamap Lo.

Mi bilip yu inap painim ol toktok bilong mipela i gutpela na fainel draf (fainel ripot) i bungim ol toktok na tingting bilong mipela tu wantaim.

Yours sincerely

Michael Nali
Minister for Trade and Industry
& Parliamentary Leader of Peoples Progress Party.

Yumi ken lukim, Pati bilong mi wantaim ol lain i sapotim eksen bilong mi i bilip olsem dispela Bil we i nogat amenmen bai kamapim Ditekiasip (lida o pati wantaim moa pawa) long sait bilong ekonomi (bisnis) na politiks insait long Papua Niugini.

Namba tu em bai i hat long ol wanwan memba bilong Palamen long autim tingting na laik bilong ol long makim ol pipel bilong ol long makim Praim Minista, vot long Baset na ol arapela bikpela Lo.

Bikpela hevi long bagurapim dispela rait bilong wanwan lida em, bai Ombudsman Commission i stat sekim ol lida long sas bilong brukim lidasip kod (Lo i banisim ol Lida) taim ol lida i laik soim laik bilong em long makim tingting an laik bilong ol pipel bilong em long ol toktok o vot long Palamen.

Kantri bai kamap wantaim Lo we i ken kamapim ol stil na hat pasin na givim moa pawa i go long han bilong wanpela Pati tasol long stap long Palamen i go long narapela.

Sapos Gavana Jenerel i askim long bikpela Pati wantaim namba olsem 55 bihain long ileksen we i stap aninit long dispela Bil, orait dispela i klia olsem dispela Pati i nogat pawa wantaim moa memba long go pas long Gavman. Olsem na mipela i bin askim long wanpela pati we em i gat wanpela mak namba bilong kamapim kibung long Palamen long go pas long fomim Gavman.

Long pinisim tok, mi tok gen olsem eksen mi bin mekim makim Pati bilong mi na ol arapela Pati i sut long gutpela bilong Palamen long bihain na wanwan demokresi na ol pipel long longpela taim i kam. Mipela i bilip yet olsem wanem kain senis long Lo we i sut stret o sut long ol arapela rot i kam long mipela long hatim na daunim fridom na rait bilong mipela long mekim disisen i noken kamap.

Mipela bai sapotim Bil na ol samting em i sanap long en sapos ol toktok na tingting Peoples Progress Party i kamapim wantaim tu ol tingting bilong ol lain we i wankain long Pati na ol memba bilong Palamen na ol pipel i stap insait long fainel ripot bilong Bil.

Michael Nali
Membu bilong Mendi
na Palamen Lida bilong Peoples Progress Party

Prais i go antap na ol grasrut kisim taim

Dia Edita,

Mi wanpela mangi grasrut boi stret nau mi komplem tru long prais biong ol kaikai nau ol samting long Kimbe taun em i go antap olgeta.

Mi wok long plentesen na long fot-nait bilong mi, mi kisim tasok K60 na mi laik baim wanpela trausis prais bilong em K39 na hap mi laik baim sop em sot nau i go daun na mi tingting-planti.

Ating long Wes Niu Briten ating nogat prais kontrola i stap long Kimbe o nogat. Na tu ol lida bilong komyniti na gavman i no luk save long gras-

rut manmeri. Dispela em tingim tasol ol opis manmeri. Na turangu long mipela ol plentesen wokman olsem wanem bai mipela sevim mani bilong i go bek.

Wok bilong plentesen wok tasol bikpela na pe bilong em gut olgeta.

Em tasol husat i laik sapotim o egensim rait tasol i go long Wantok niuspepa na bai mi lukim.

Tenkyu long givim spes long mi long autim wari.

**Willie Banabas
Kimbe, WNPB**

Noken yusim nem bilong bikpela long wok politik

Dia Edita,

Mi wanpela pikinini Buang stret, na mi laik autim wari bilong mi long Wantok niuspepa, bikos mi harim liklik olsem, wanpela Reveren bilong Luteran sios i laik ron long dispela nesenel ileksen long yia 2002.

Brata, mi laik tokim yu stret olsem, yu bin kisim blesing bilong bikpela long wok olsem Reveren, na i no bilong yu kalap lusim, na wok gen long narapela masta. Mi laik tokim yu stret olsem, sapos yu laik pilai ap long olupela masta na wok long nupela masta, bai yu lus stret long dispela nesenel ileksen long yia 2002.

Mipela ol pikinini Buang i no longlong long tro-moi vot nating, nating. Em tasol na yu husat i gat bel hevi rait tasol long Wantok niuspepa na mi bai amamas tasol long ritim.

**Gunem Gelinde Nim
Lae**

Planti sumatin bai bagarap bikos nogat pawa bilong stadi

Dia Edita,

Mi wanpela sumatin bilong Kagua Hai skul insait long Sauten Hailans provins.

Plis givim mi wanpela spes long Wantok niuspepa bikos mi laik autim ol wari na tingting bilong mi na ol pipel bilong distrik bilong mi i go long pablik na tu long ai bilong gavman bilong yumi.

Dispela em i namba wan taim bilong mi long rait i go long Wantok niuspepa. Hia long skul bilong mipela i nogat lait sevis we nait stadi i ken stap. Dispela em i bin stat long stat bilong dispela yia. Dispela hevi em i stap yet na dispela em bai bagarapim ol sumatin bilong yumi husat i laik i go insait tru long edukesen bilong developim naispela kantri bilong yumi.

Ol pipel wantaim planti plisman bilong distrik Kagua i komplem olsem mipela i save votim memba long ol i ken lukluk i go long dispela hevi. Ol pipel bilong Kagua distrik i komplem na i tok olsem mipela i painim memba bilong dispela ilek-toret bikos ol i no kisim wanpela liklik sevis stat long 1997.

Wanpela bikpela hevi em i olsem ol sumatin i save westim planti mani long baim kerosin na ol kendol bilong stadi. Ol pikinini i wok logn kisim sik bikos long polusen. Planti tru i stap long haus sik na planti tru i bin lusim skul pinis.

Long dispela as tasol mi i rait i kam long yu bikos mipela i lida bilong neks senseri husat i laik senisim lida bilong nau. Mipela i no laikim dispela hevi i stap yet. Ol memba bilong distrik na provins i mas harim na lukluk long dispela komplem.

Tenkyu tru.

**Opson Yambi
Kagua district, Mendi**

Kagua i bagarap tru bikos i nogat pawa saplai

Dia Edita,

Mi wanpela sumatin bilong Kagua Hai Skul insait long Mendi, Sauten Hailans provins. Plis givim mi liklik spes long Wantok niuspepa bikos mi laik autim ol wari na tingting bilong mi na ol pipel bilong distrik bilong mi i go long ai bilong pablik na tu long gavman bilong yumi.

Dispela i nambawan taim bilong mi long rait i kam long Wantok niuspepa.

Hia long Kagua hia skul i nogat lait sevis long hia stat long Januari long dispela yia.

Dispela hevi em i stap yet na ol pipel long distrik ol i painim hat laip. Dispela em i afectim pipel na ol skul sumatin long skul wantaim.

Ol pipel long dispela ilek-toret, ol i stat komplem long memba bilong ol long stretim dispela hevi hariap. Ol opis wok manmeri na ol plis long dispela distrik ol i sapotim dispela aidia o komplem insiat long dispela distrik long Kagua. Tasol memba na bik-man bilong ol i no luksve long dispela hevi hariap na ol i wet tasol wantaim hevi na wari.

Ol sumatin tu ol i no pas gut wantaim stadi bilong ol long nait bikos nogat lait long klas-rum o domatri bilong ol.

Insiat long Helt Senta (haus sik) long dispela distrik planti sik man na meri i pulap long haus sik tasol ol dokta na nes ol i hat long sekim ol long nait bikos nogat lait. Sampela bilong ol i dai nambaut na ol dokta na nes ol i hat long stretim sik bilong ol hariap.

Long dispela as tasol mi i raitim i kam long ol memba bilong yumi na gavman i mas luksave long dispela hevi

mipela i gat long en. Mipela i no laikim dispela hevi mas stap i go na bagarapim ol pikinini bilong mipela. Ol i mas go bikpela wantaim gutpela tingting na gutpela pasin bihain na kamap gutpela lida long developim kantri bilong yumi. Mi sori tru long ol sumatin bikos bihain i no asusa bilong ol na ol sapa.

Tenkyu long harim bilong yupela.

**Stephen Raita Alaru
Kagua, SHPI**

Tok orait long mariwana long pablik

Dia Edita,

Mi wanpela mangi Simbu tasol nau mi stap long Mt Hagen. Mi save lukim-planti ol man i save simuk marawana na tu planti man i save kisim na salim long ol narapela kantri.

Na gavman i mas luksave na putim aut long pablik. Planti man i save kisim na salim long ol narapela kantri na kisim bikpela mani long em na tu kisim gun na ol narapela samting.

Na tu marawana i go aut long olgeta hap long kantri na i hat long stapim. Ol plisman tu traim long stapim bai hat bikos em gutpela rot bilong kisim mani na taim nogut olsem na bai plis i nidim mani long stap laip tu.

Mi ting plis bai stapim tasol dispela i hat nau. Gavman i mas mekim ol

lo na larim ol pipel groim marawana na salim olsem kaikai bilong gaden.

Dispela em wanpela gutpela we bilong mekim mani. Yumi save groim kopi, kakao, kopra na salim. Wanem samting rong long marawana. Gutpela rot bilong mekim mani ya.

Tasol i no gutpela long ol yangpela i pilai raun wantaim mariwana, nogut ol i painim hat na kamap longlong manmeri. Gavman tok orait na yu smok na pilai raun wanatim samting long laik bilong yumi

Em tasol. Husat brata i laik sapotim o egensim dispela pas em yu welkam tasol. Tenkyu.

**John Dua Bakal
Gembolk, Simbu Provins.**

Rausim Tokarara buai maket

Dia Edita,

Mi wanpela mang Enga nau mi save wok wantaim long Rembo Sikyuriti long Tokarara buai maket. Na mi lukim ia bilong mi stret em mi tokaut logn Wantok niuspepa.

Wanpela bikpela samting em ol manmeri salim buai i stap na ol nogat pablik toilet na toilet nating nating long liklik bus we insait long hausing komisina haus. Wanpela taim mi snap i stap klostu ka pak kostoma bilong hausing komisina na tupela wait manmeri kam. Tupela kam nau na semtaim tupela manmeri bilong salim buai i stap wokabaut i go insait.

Katim bek rotk baksait long hausing komisina na semtaim tupela wait manmeri lukim na lap wantaim i go. Plis mi sem nogut tru long dispela. Mi ting olsem long tupela em mi ting tupela i go toilet tasol na tupela wait manmeri lap wantaim toktok na i go insait long haus.

Em sem nogut tru olsem na mi sikyuriti bilong buai maket em tok. Plis i no gutpela long salim buai insait long Papua Niugini nesenel kapitol distrik Pot Mosbi siti em ol kainkain wait bilak manmeri kam.

Plis tupela lap na mi sem. Plis mi sikyuri mi tokim gavman bilong NCDC, plis gutpela man

inap yu rausim Koki buai maket, Tokarara na Gerehu, tripela buai maket putim i go long Laloki o Brown River samting nogat ausait 8 mile o Morata.

Noken salim buai long mein rot, mipela sem long ai bilong wait manmeri na putim insait long siti.

Plis gavman yu rausim tripela buai maket insait long Pot Mosbi siti. Em tasol wari bilong mi na husat brata o susa laik egensim o sapotim em laik tasol mi bai lukim Wantok niuspepa.

**Joe Pamburi
Tokarara**

Katolik sios i noken kolim nem holi nating

Dia Edita,

Mi wanpela mangi bilong Bak ples insait long Oksapmin sab-distrik long Sandaun provins.

Mi no amamas tru long dispela biknem Katolik i kolim nating nating nem bilong holi spirit na holines, dispela tupela samting yu no inap long tok nogut na tok bilas long en. Dispela tupela samting i bilong olgeta bilip manmeri na i bilong heven.

Yu dispela Katolik sios mi tokim yu, yu tasol yu no soim rot gut long olgeta manmeri bilong God gut, olsem na planti manmeri i paul. Ogas 3, 2000 yu Katolik amamasim 45 krismas bilong holi nem hai skul long Milne Bay provins.

Inap yu ken senisim narapela nem o nogat? Mi lukim ol dispela nem olsem holi spirit hai skul na holi nem hai skul yu kolim ya i nogat sin pasin na stilim ol samting bilong ol arapela na tok nogut na olgeta kristen manmeri tasol i go long dispela skul.

Sapos nogat na yu bilasim dispela nem nating bihain long las de bel hat bilong God bai yu inap long kisim. Yu bai yu go we? Mi i gat gutpela tingting na mi raitim dispela pas i go long yu.

Sapos yu wanpela bilong Katolik sios o yu wanpela misineri yu pilim nogut liklik long tingting bilong mi. Em yu kam long Wantok niuspepa na bai mi ken bungim yu. Mi wetim yu na mi i stap.

**Wire Mokoliri Kiri
Sandaun province**

Wanem taim bai timba kampani i kam long hetwara Makham?

Dia Edita,

Mi wanpela mangi Ufim stap long hetwara Makham long Kaiapit distrik, mi rait i kam long Wantok niuspepa, long putim wari na bel hevi bilong mi long toktok bilong Malaysian Timba kampani we bin tok long kam long ples na katim diwai.

Toktok bilong kampani kam katim diwai i bin kamap long 1994 i kam inap nau 6-pela yia tasol nogat wanpela gutpela toktok bilong kampani i kam na wok long ples i stap klia.

Planti taim tru ol manmeri i wok long putim bikpela mani olsem sea (share) bilong ol tasol ol man i go pas long wok olsem ol dairekta bilong lan ona kampani (Zuwaya) i no mekim: gutpela wok long bringim kampani i kam insait long ples i stap ples klia.

Staf long las mun ol dairekta i bin toksave long ol manmeri olsem developa kampani (Ghabaphi Holdings) i kam na stap pinis long Pot Mosbi.

Nau mi laik askim ol dairekta olse, watpo na developa kampani i mekim wanem wok tru na kam stap long Mosbi?

Watpo na ol dairekta i no laik singautim wanpela mausman bilong

developa kampani long kam bungim ol manmeri long ples na tok klia long ol, long wanem as tru na ol i no statim wok hariap?

Nau mi lukim olsem ol dairekta i go na hait olgeta na ol i no moa kamap long ples klia.

Ol manmeri i lukluk i go na ai bilong ol i pen pinis. Na nogut bilong em i olsem ol arapela manmeri na ol lapun i bin putim mani i no lukim kaikai bilong hat wok bilong ol na planti lusim mani bilong ol na ol i dai pinis.

Mi laik tok strong long ol manmeri olsem moabeta ol i noken putim mani gen taim ol dairekta i singaut long mani. I luk olsem ol dairekta i wok long paulim yumi na kaikai olgeta sea moani bilong yumi.

Em tasol long bikpela wari na bel hevi bilong mi.

Sapos yu husat wantok i laik sapot o go egensim mi, plis rait i go long gutpela Wantok niuspepa bilong yumi na mi bai hamamas tasol long lukim bekim bilong yu.

Tenkyu.

**Wondo Tapang
Lae, Morobe province**

Helpim ol ples bisnis

Dia Edita,

Mi laik askim nesenel na provinsel gavman long helpim ol liklik bisnis manmeri bilong ples. Givim helpim long sait bilong kisim wok.

Sapos wanpela man bilong ples i kamapim bisnis na em i kisim faivpela wokman na ol dispela man i stap long pe. Gavman i mas helpim dispela kain man na givim faivpela wokman moa i go antap na peim ol dispela faivpela. Faivpela i stap long pe rol bilong bisnismen long ples na narapela faivpela stap long perol bilong gavman. Dispela em long tok English ol i save tok labour incentive.

Sapos dispela samting i kamap, planti yangpela manmeri husat i wok long go pulap long ol taun na siti bai nogat. Ol bai gat wokman long ples. Ol i no inap nidim wanpela samting.

Dispela kain bai stapim planti trabel pasin i kamap long ol taun. Raskal na pasin bilong kilim man bai i no inap stap moa. Olgeta manmeri bai amamas bikos mani ino stap long ol taun na siti tasol. Ol manmeri bilong ples bai i gat mani tu na nogat man bai painim wok i kam kamap long ol siti na taun.

Gavman i no mekim gutpela [asin taim em traim long kamapim ol taun na siti tasol. Planti mani i stap long ol dispela eriam na pipel i bihainim dispela mani olsem ol bataflai i save bihainim lait. Skelim mani, givim planti i go long ples na holim wanwan i stap long siti na taun.

Nogut yumi bihainim mani tasol raun na painim hat long stapim ol trabel long siti na taun. Traim tingim na salim sampela manmeri long ples wantaim dispea kain helpim.


Kero Kansol, Pot Mosbi.



WANTOK SPOT



Kumul bai kisim bikpela welkam



• OI PNG Gas Kumul tim bipo long ol i go long pilai long dispela 2000 Wol Kap Ragbi Lig tonamen.

GAVMAN i givim tok orait long ol pipel go amamasim ol PNG Kumuls pilaia taim ol i kam bek long pilai raun bilong ol 2000 Wol Kap Ragbi Lig tonamen long Yurop.

Peter Barter husat em siaman bilong Nesenel Evens Kaunsil (NEC) o grup i bin plenim 25 yia Independens bilong kantri long Septemba 16 tok oslem yumi mas luksave long hat wok bilong ol pilaia long karim nem bilong PNG long dispela bikpela tonamen na soim bikpela amamas bilong yumi long ol long go pilai insait long

kwata fainel.

OI Kumul i bin winim olgeta gem bilong ol long pul bilong ol long stap insait long kwata fainel we ol i lus long Wels 22-8.

NEC i bin sindaun toktok wantaim Papua Niugini Ragbi Football Lig (PNGRFL) long kamapim wanpela progrem long karim ol pilaia long ol ka long raunim siti taim ol i pundaun long ples balus long Fraide. Ol pilaia bai raunim siti long ol pipel i ken lukim ol na soim amamas long ol long gutpela pilai ol i bin kamapim long go kamap long kwata fainel.

Jenerel Menesa bilong PNGRFL Kevin Murphy i tok tenkyu go long NEC long go pas long dispela pereid na oganaisim welkam bilong ol Kumul.

Em i tok em i amamas long ol pipel bilong Papua Niugini long olgeta spot ol i givim long tim long taim ol i stap long trening hia long Pot Mosbi na long Yurop.

"Olgeta manmeri wantaim ol niusman meri bilong Papua Niugini i bin soim bikpela spot tru long ol PNG Gas Kumul i no olsem ol 16 arapela kantri husat i bin stap insait long dispela Wol

Kap resis," Murphy tok.

OI PNG Gas Kumul bai kamap long Jacksons Intanesenal ples balus long Friday we ol bikman na ol opisel bilong PNGRFL bai bungim ol wantaim siaman bilong PNGRFL John Numapo.

NEC Midia Kodineta Peter Aitsi i singaut long ol pablik long dres ap long ol nesenel kala bilong PNG, red, black na gol na go long ples balus long bungim ol pilaia.

Bihain long ol Kumul pilaia i raunim siti bai ka i karim ol i go long Sir John Guise Stadium long bungim Praisin Minista Sir Mekere

Morauta husat bai mekim opisal welkam.

Bai i gat ol sampela samting i stap insait long progrem bilong ol Kumul long mekim bihain long nait bipo ol pilaia i bruk na go bek long wanwan ples na femili bilong ol.

Long pilai bilong ol insait long pul, PNG Gas Kumul i bin winim Frans 23-20, Saut Afrika 16-0 na Tonga 30-22 long go insait long kwata fainel we ol i lus long Wels 22-8.

LUKIM MOA SPOT STORI INSAIT LONG PES 17-20

Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Umbeben

Pepa Bilong Helpim Ol Lida Bilong Ples Na Sios Insait Papua Niugini

No 5 SEPTEMBER/OKTOBA, 2000

INSAIT

Stori bilong Maiogaru

- pes 1-3

- Pasin bilong bagarapim ol meri - Reip

- pes 4-6

Yumi bin bihainim gut Mama Lo - Konstitusen

- pes 3-5

Yumi lainim wanem long Olimpik gems

- pes 6-8

Stori bilong Maiogaru

Wanpela meri Milen Be husat i wok olsem nes long taim

Long hap bilong ami bilong Austrelia i Samarai long Milen Be kam long hap bilong provins i gat wanpela Samarai long traime ples na nem bilong stopim ol ami bilong dispela ples em Japan long go kisim Divinai. I gat wanpela hap bilong Pot Mosbi. meri bilong dispela Planti balus bilong pait ples nem bilong em bilong Austrelia i flai i Maogaru Gimuleia. go bomim ol hap we ol Bipo long dispela Japan i stap. Ol ami bikpela pait o Wel Wo 2, Maogaru i yangpela meri yet na em i go skul long kamap wanpela nes long haussik long Kwato misin klostu long Samarai.

Long dispela taim bilong bikpela pait, ol Long dispela taim


Rabaul i stap hetkota pen bikos skin bilong bilong hap bilong em i bin paia nogut tru. Niugini.

Wanpela de ol Japan i bin sutim wanpela balus blong pait bilong Austrelia. Pailot bilong dispela balus i kalap long parasut taim balus bilong em i stat long paia. Dispela pailot i bin pundaun long wanpela liklik ailan klostu long ples Divinai. Nem bilong dispela yangpela pailot em Bill Whettters. Taim em i pundaun em i bin slip wantaim bikpela

Tupela de pailot Bill i bin slip long dispela hap em i pundaun long en. Tupela man bilong ples Divinai i bin go painim pis long rip na ol i lukim Bill i slip i stap. Tupela i kam bek hariap long ples na go painim Maogaru husat i mekim wok nes long ples bilong ol. Tupela man i toksave long Maogaru long dispela pailot i slip long dispela ailan. Maogaru i kriap hariap tru na kisim sampela man long go wantaim em long kisim Bill i kam long ples. Ol i mekim hariap bikos planti Japan soldia i raun klostu long dispela hap na sapos ol i painim Bill bai ol i kalabusim em na kilim em i dai.

Maogaru wantaim ol man bilong ples i bringim Bill i go haitim em long haus marasin bilong em. Maogaru i

i go long pes 2



Ol bung bilong ol balus bilong wol woa II. Dispela em long Popondetta ples balus.



Melanesian Institute

PO Box 571
Goroka 441,
Eastern Highlands Province,
PAPUA NEW GUINEA

Telephone: +675 732 1777
Facsimile: + 675 732 1214
Email: emmai@online.net.pg

Publishers also of:

CATALYST

- *Social Pastoral Journal for Melanesia.*

POINT

- *Book Series for Melanesia.*

SKELIM TOKTOK

Long mun Septemba i go pinis, i bin gat tupela bikpela samting i bin kamap long kantri bilong mipela. Nambawan bikpela samting em taim yumi i tingim kantri bilong mipela i stap 25 yia pinis olsem wanpela independent kantri. Dispela em i wanpela bikpela samting long mipela olgeta bikos em i taim mipela i lukluk bek na skelim kantri bilong mipela i stap olsem wanem. Planti bilong mipela i tok olsem mipela i bin stap gutpela tru na nogat hevi samting. Mipela i lukim planti bikpela senis na olkain nupela samting i kamap. Mipela i amamas long olgeta dispela samting. Tru i gat kain hevi olsem trabel long Bogenvil na bikpela solwara i kilim planti pipel long Aitape. Ol dispela i bringim planti hevi long yumi. Tasol antap long olgeta dispela hevi kantri bilong yumi i stap gut. Tasol, tru kantri bilong yumi i ran gut we bai yumi ken amamas long dispela? Ridim toktok long dispela Umben long mama lo bilong kantri na skelim sapos yumi inap long bringim planti moa senis long kantri bilong mipela.

Narapela bikpela samting i bin kamap long mun Septemba tu em bikpela pilai bilong Olimpik gems i bin kamap long Sidni long Austrelia. Planti bilong mipela i bin lukim dispela pilai long televisen na ridim long niuspepa na harim long redio tu. Bikpela samting long dispela gems em liklik tim bilong mipela tu i bin go traim resis tu. Tasol mipela i lukim olsem mipela i no inap yet long resis long dispela bikpela pilai olsem. Ridim dispela stori tu hia na skelim wanem tingting bilong yu. Yumi mas mekim wanem long kamapim strongpela tim.

Wanpela bikpela pasin nogut tru i wok long kamap bikpela moa long kantri em reip pasin o pasin bilong bagarapim ol meri. Planti toktok i kamap long redio na niuspepa long dispela pasin nogut. Klostu olgeta de dispela pasin nogut i wok long kamap. Tasol planti taim yumi no harim. Em i save kamap long ol ples, long ol skul na ples bilong wok, long taun na siti tu. Bai yumi mekim wanem long daunim na pinis dispela hevi. Bai yumi larim long han bilong lo na ol polis tasol o yumi gat wok tu long traim daunim dispela pasin nogut? Ridim stori long dispela na traim mekim wanem samting yu inap long daunim dispela pasin nogut.

Long taim bilong tingim 25 yia bilong independens bilong yumi, mipela i bin tingim tu ol manmeri bilong bipo husat i bin mekim olkain wok bilong kirapim kantri bilong yumi. Planti bilong ol dispela manmeri i no stap laip moa na planti bilong ol i stap laip yet. Sampela bilong ol em gavman bilong yumi i givim sampela kain biknem na namba long ol. I gat planti moa i mekim planti bikpela wok tasol planti bilong yumi nau i no save long ol. Nem bilong ol i no kamap bikpela inap long yumi ken save long ol. Wanpela bilong ol em Maiogaru em wanpela meri long hap bilong Milen Be provins. Ridim stori bilong em hia tu. Em i wanpela bilong ol dispela manmeri husat i mekim bikpela wok tru tasol planti bilong mipela i no save long stori bilong em.



Stori bilong Maiogaru

i kam long pes 1
 hariap long klinim na pasim ol sua bilong Bill em paia i bin kukim nogut tru. Bill i bin kisim planti pen tru long dispela. Olgeta de Maiogaru i klinim na pasin sua bilong Bill. Marasin i wok blong helpim Bill na em i kamap orait isi.

Bill i luksave olsem Maiogaru i lukautim em olsem wanela mama tru na em i kolim em imama. Taim Bill i laik slip long nait em i save askim Maiogaru long prea long em bipo long slip. Prea i helpim na strongim bilip bilong Bill.

Maiogaru i save olsem em i mas kisim Bill i go long wanpela haussik tru bai ol dokta i ken helpim em moa yet. Ol helpim em i givim i no inap stretim olgeta bagarap em Bill i bin kisim. Ol soldia bilong Japan i was planti na Maiogaru na ol pipel long ples i mas haitim gut Bill. Taim ol soldia bilong Japan i kam klostu long ples ol man i save hariap na karim Bill i go haitim long bus.

I no long taim Maiogaru i tokim Bill long raitim pas i go long Alfred Coleman, em wanpela wokman bilong gavman bilong Austrelia (ANGAU). Alfred i lukautim wanpela plantesin na somil long ples Labelabe. Maiogaru i givim dispela pas long wanpela strongpela yangpela


man long pul long kanu hariap i go long Labelabe na givim dispela pas long Alfred. Taim Alfred i kisim dispela pas em i salim toksave hariap i go long ami bilong Austrelia olsem dispela pailot Bill Whettters i no dai na em i stap long ples Divinai. Em i gat bikpela bagarap na ol mas go kwiktaim na kisim em i go long bikpela haussik.

Alfred Coleman i salim wanpela bikpela kanu wantaim ol strongpela man bilong

Long pul long kanu i go stret long Labelabe i longwe na i no gutpela long Bill, nogut sik bilong em i kamap bikpela. Maiogaru i tokim ol man long pul i go bihainim nambis tasol na i go long ples Watunou. Long Watunou, ol i ken pul stret i go long Labelabe. Taim ol i kamap long Watunou, solwara i bin rap nogut tru olsem na ol i no inap pul i go stret long Labelabe. Ol i go stap malolo long wanpela ailan. Nem bilong dispela ailan em Maniana long wetim solwara

haus bilong Alfred. Long narapela de wanpela sip i bringim Bill i go long Gurney we em i stap long haussik antap long wanpela sip. Nem bilong dispela sip em Manunda. Dokta na tu gutpela marasin i helpim Bill long kamap orait tru.

Maiogaru i lusim Bill pinis long han bilong ol dokta na em i wokabout i go long Duaba misin long lukim Cecil Abel long stori wantaim em long ol wok em i mekim long ples. Cecil Abel em i pikinini bilong nambawan



Mep bilong Milen Be provins soim Dobu Ailan insait long boks.

pul i go long Divinai long kisim Bill. Taim bikpela kanu i kamap long Divinai long kisim Bill, Maiogaru i tingting planti olsem na em yet i mas bringim Bill i go long Labelabe na putim em long han bilong ol dokta. Ol i karamapim em long ol lip na putim ol basket kaikai antap long haitim em. Ol i mekim olsem long haitim em nogut bai ol soldia bilong Japan i painim em.

Long kamap orait gen. Ol i stap wet i go inap tulait na solwara i orait gen. Long tulait solwara i orait gen na ol i stat pul i go stret long Labelabe. Taim ol i pul i go wanpela lain soldia bilong Japan i bin lukim ol tasol ol i ting ol manmeri bilong ples tasol i raun long lukim ol wantok bilong ol. Ol i kamap long Labelabe long apinun tru na ol i karim Bill i go long

misineri bipo tru i kam long dispela hap. Nem bilong dispela nambawan misineri em Charles Abel na em i bilong London Misineri Siosieti (LMS). (LMS nau i hap bilong Sios yumi kolim Yunaitet Sios.) Duaba misin i stap longwe long maunten na Maiogaru i wokabout olsem 30 kilomita long kamap long dispela hap.

Long 25 yia i go pinis, yumi bin bihainim gut Mama lo bilong kantri o nogat?

Konstitusen o mama lo i stap long helpim ol lida long kamap stretpela developmen long kantri. Tru yumi bihainim gut long bringim developmen long kantri olgeta?


Long mun Septemba yumi bin amamas long kantri bilong yumi stap independens long 25 yia pinis. Mipela i bin kisim independens long Septemba 16, 1975. Long dispela taim i kam inap nau mipela i bin stap wanpela kantri. Gavman bilong mipela i bin wok gut na kantri i stap gut tu. Mipela i amamas long dispela.

Long stap wanpela independen kantri, yumi gat kain kain lo i lukautim mipela. Wanpela bilong ol dispela lo yumi kolim konstitusen o mama lo bilong kantri. Konstitusen o mama lo em bikpela lo i lukautim kantri na mekim kantri i stap gut. Olgeta kantri long wel i gat kain lo olsem i save lukautim ol. Ol kantri i gat kain kain lo na tu kain kain gavman i save lukautim ol. Kain gavman yumi gat hia ol i kolim demokretik

gavman.

Klostu long taim yumi kisim self gavman na independens ol lida bilong yumi i bin bung wantaim, na raitim kamap dispela konstitusen o mama lo. Sampela bilong ol dispela lida em Se Maikel Somare, Jon Momis na ol narapela. Ol lida long dispela taim i bin kamapim wanpela komiti husat i bin sindaun na raitim kamap dispela lo. Bung bilong nambawan gavman long haus bilong asembli long dispela taim i oraitim dispela na i kamap lo bilong yumi.

Planti moa pipel bilong yumi i no save wanem kain toktok i stap insait long mama lo bilong mipela. I kam inap nau yet ol rait bilong mama lo i stap long tok inglis tasol. Ating ol planti lida bilong yumi tu i no save gut long wanem ol toktok



John Momis.

i stap insait long lo.

Hia bai yumi traim skelim tupela nambawan hap bilong konstitusen o mama lo na lukim sapos i tru mipela i bin bihainim gut ol dispela lo long 25 yia nau i go pinis. Yumi mas tingim tu olsem dispela mama lo i karamapim olgeta pipel bilong PNG. Ol lida, ol politisen na olgeta bikmanmeri tu i stap ananit long dispela lo. Tru em i wok bilong ol lida tu long lukim olsem ol toktok bilong mama lo i helpim tru ol pipel olgeta. Mama lo i stap long lukautim olgeta pipel bilong kantri na i no sam-

pela lain tasol. Ol lida i mas go pas long bihainim ol lo stret na bai ol pipel i luksave long ol na bihainim ol tu. Ol lida i no stap antap long lo. Long planti kantri ol lida i ting olsem ol i stap antap long lo, ating long PNG tu i gat sampela lida i laik mekim olsem tu.

Walking together, wokabout wantaim na raka hebou

Long taim bilong selebretim dispela silva jubili gavman i oraitim dispela ol hap tok olsem long makim dispela bikpela de bilong amamas. Dispela ol tok em i walking together, wokabout wantaim na raka hebou. Dispela ol tok i soim yumi olgeta i mas mekim dispela pasin em wokabout wantaim.

Bai yumi wokabout wantaim olsem wanem? Tru em i isi long yumi toktok olsem bai yumi wokabout wantaim. Tasol tru tru bai yumi wokabout wantaim olsem wanem?

Wanpela gutpela rot o mak bilong bihainim long wokabout wantaim em ñ konstitusen o mama lo bilong kantri bilong yumi. Narapela bikpela lo na nambawan lo tru em skul bilong Jisas long tok bilong Baibel.

Nau long dispela toktok bai mipela i skelim sapos mipela i bin wokabout gut long ol as toktok bilong konstitusen o mama lo bilong yumi.

1 Integral human developmen

Bai olgeta pipel i kisim stretpela developmen. Long sait bilong material ñ em ol samting bilong lukautim bodi na laip bilong olgeta pipel. Long sait bilong spiritual ñ em ol samting bilong strongim bilip na tingting bilong olgeta pipel. Bai ol pipel i stap fri long olkain samting i save bosim, kalabusim na daunim ol. Em i tru ol dispela hap

i go long pes 4

Stori bilong Maiogaru

i kam long pes 2

Bipo long Maiogaru i bin lusim Bill, Bill i askim em wanem samting em i laikim olsem pe bilong bikpela hatwok em i bin mekim long lukautim em. Maiogaru i tok em i laikim tasol ol dispela samting.

Hap laplap bilong wokim dres bilong ol nes.

Wanpela san glas bilong karamapim ai bilong em taim em i raun long san long mekim wok nes.

Wanpela ren kot bilong karamap long taim bilong ren.

Wanpela kol siot bilong karamap long kol win long nait.

Wanpela wilwil bilong ron hariap long helpim ol sikmanmeri.

Maiogaru i askim long ol dispela samting bikos ol dispela samting bai helpim em long wok nes bilong em. Em i no wari long pe o mani na biknem. Em i bilip tru long wok bilong em long helpim ol pipel long taim bilong sik. Bill i salim tok i go long Austrelia ami long askim bilong Maiogaru. Ol ami i redim dispela ol samting na bringim i kam long ples Divinai. Tasol ol i no bungim Maiogaru bikos em i no stap moa long dispela ples, em i bin go wok long narapela ples long

mekim wok nes bilong em. Tasol ol ami i go painim em yet na givim olgeta dispela samting em i laikim.

Maiogaru i bin mekim planti gutpela wok inap bikpela pait i pinis. Bihain long bikpela pait gavman bilong Austrelia i givim wanpela medal long tok tenkyu long wok bilong em. Maiogaru i bin helpim wanpela soldia tasol bilong Austrelia, tasol em yet i helpim planti moa manmeri na pikinini long ples bilong em Divinai na tu long ol arapela ples long Milen Be provins.



Charles Abel em nambawan LMS misinari long Papua.

Maiogaru i mekim olgeta dispela wok olsem wanpela disaipel bilong Jisas. Em oltaim i bilip tru olsem Jisas i bin singautim em long mekim dispela wok. Jisas i lukim bikpela wok bilong Maiogaru na em i blesim em.

Reip pasin em pasin bilong bagarapim ol meri i kamap bikpela sik long Papua Niugini tude

Long olgeta wik yumi save harim long radio na ridim long niuspepa pasin bilong reip o bagarapim meri i kamap long wanpela hap insait long kantri. Sapos yumi harim gut, ating dispela pasin i save kamap klostu olgeta de. Long siti olsem Pot Mosbi na Lae na Mt Hagen dispela pasin save kamap olgeta de. Long ol liklik taun na ol ples tu dispela pasin nogut i save na planti taim yumi no save harim bikos dispela stori i no go long niuspepa na radio.

Reip pasin i save kamap long ol liklik pikinini meri, ol yangpela meri, ol marit meri na tu long ol lapun meri. Olgeta meri nau i pret long raun fri ol yet bikos ol i pret

long ol man i holim ol na mekim dispela pasin long ol. Ol liklik meri long komyuniti skul na yangpela meri long ol haikul na ol kolis na ol Yunivesiti i save pret long raun fri. Ol meri i save wok long taun, ol mama i stap long haus na ol mama i wok long gaden, olgeta i gat dispela bikpela pret.

Planti taim i no wanpela man tasol i save mekim dispela pasin nogut. Nogat planti taim planti man i save bung na bagarapim wanpela meri. Dispela pasin ol i kolim pek reip. Dispela i pasin nogut tru.

Bilong wanem dispela pasin nogut i kamap bikpela

Taim yumi lukluk gut na skelim bai i gat planti as tru bilong dispela pasin nogut i kamap.

Pasin bilong mangal i kamap bikpela moa yet.

Pasin bilong gridi n pinisim laik bilong mi yet.

Pasin bilong mangal long bodi bilong meri

Kainkain samting i bagarapim ol tingting bilong ol man olsem piksa nogut na buk nogut, ol vidio nogut

Planti ol man i painim rot bilong autim wari na hevi i stap long bel bilong ol

Man i mekim long apim nem bilong em yet

Dispela em ol sampela samting i kamapim dispela pasin nogut.

Taim yumi skelim gut tu bai yumi lukim olsem as tingting bilong kristen laip na skul bilong laikim na respektim narapela i lus pinis long ol ples na komyuniti bilong yumi.

Dispela pasin i no kamap long ol yangpela man i nogat wok na ol dropaut tasol, nogat. Dispela pasin i stap long ol saveman, ol studen, ol wokman na tu planti lida i save mekim dispela pasin nogut.

Pasin bilong reip na bagarapim laip bilong ol meri i soim olsem gutpela pasin na kristen pasin i no moa stap strong long ol famili, ples, komyuniti na kantri olgeta.

i go long pes 5

i kam long pes 3

toktok bilong konstitusen i karim kaikai long laip bilong olgeta pipel bilong PNG long las 25 yia? I gutpela yumi skelim gut na luksave long dispela. Ating trupela na stretpela developmen i no kamap yet long olgeta pipel long 25 yia i go pinis.

2 Ikueliti na Patisipesin (stap wankain na wok bung wantaim)

Olgeta pipel i stap wankain (ikuel) na olgeta i skelim stret na serim ol gutpela kaikai bilong ol wok developmen bilong kantri. Em i tru yumi olgeta manmeri na pikinini i stap wankain (ikuel) na tu yumi skelim stret na serim olgeta gutpela kaikai bilong wok developmen long kantri? Bilong wanem sampela pipel i rits na i gat planti mani na kago na planti pipel tru i stap rabis yet. Bilong wanem na developmen wok i kamap long sampela hap bilong kantri tasol na sampela hap bilong kantri i nogut? Bai yumi kolim dispela stret-

Long 25 yia i go pinis, yumi bin bihainim gut Mama lo bilong

pela wok bilong skelim na serim stret ol gutpela kaikai bilong wok developmen? Ating mipela i pundaun tru long mekim kamap gut dispela mama lo.

3 Nesenel Soveniti na Self Relaiens

Stap independen na sanap long strong bilong yumi yet long wok politikis na tu long ikonoms o wok bisnis. Em i tru yumi ken tok olsem mipela i stap independen tru long 25 yia nau? Tru yumi lukautim gut kantri bilong yumi na tu sanap strong long lek bilong mipela yet. Tru olgeta samting mipela yet i wokim hia long kantri bilong mipela yet na mipela i no kisim helpim long ol narapela kantri. Planti samting mipela i kisim yet long narapela kantri, olsem ol kaikai, klos, ol masin na planti arapela tu. Planti arapela kantri i save helpim mipela yet long mani na

kain kain projek olsem rot, haussik, skul na plan-ti olsem.

4 Neseral Risoses na Environmen

Olgeta samting bilong yumi long bus, solwara, graun, aninit long graun na skai. Em i tru olsem mipela i lukautim gut olgeta dispela samting? Na long bihaintaim bai ol pikinini na tumbuna bilong mipela i ken yusim tu? Dispela em bikpela samting tru long yumi mas skelim gut na luksave. Nogut long bihaintaim bai ol pikinini na tumbuna i stap long ples na kantri em i bagarap pinis bikos ol papamama na tumbuna i no tingim ol.

5 Pasin bilong Papua Niugini

Kamapim developmen i bihainim pasin bilong yumi stret long sosel, politikel na wok ikonoms.

Em i tru yumi bihainim pasin bilong yumi yet long kamapim na strongim sosel laip, mekim wok politikis na strongim wok ekonomik na bisnis long kantri bilong yumi yet? Long ol dispela tu yumi no mekim stret. Politikis i kamap samting bilong resis, kros, pait na bringim moa hevi long komyuniti na kantri. Sosel laip bilong ol pipel bilong mipela i bagarap olgeta.

Ekonomik na wok bisnis i stap long han bilong ol mani man na liklik lain tasol. Bikpela lain manmeri bilong yumi i wok long kamap olsem ol rabis manmeri. Kantri bilong yumi i stap antap long lista wantaim ol arapela kantri husat i stap rabis. (poverty) Em i klia olsem long 25 yia i go pinis kantri bilong mipela i no go het long wok politikis na developmen. Nogat. Mipela i bin go bek o go bagarap moa yet. Yumi mas skelim na

tingting gut bai yumi mekim wanem long go het gut.

Nau wantaim dispela 5 pela bikpela toktok bilong mama lo o konsitutsen bilong yumi, ating i no gutpela tumas long paitim han na amamas long kantri bilong yumi i winim pinis 25 yia. Tru yumi laki olsem kantri bilong yumi i stap gut yet na i stap wanpela yet. Na yumi ken tok tenkyu long God na amamas olsem em i stiaim yumi gut long dispela 25 yia pinis. Tasol yumi gat bikpela wok i stap yet long mekim bai olgeta pipel long kantri i ken sindaun wantaim belisi na amamas.

Gavman bilong yumi nau i mas tingting gut long olgeta dispela samting. Maski long ol i mauswara na giamanim ol pipel. Ol lida tru i mas wok strong long mekim mama i helpim tru ol pipel. Taim yumi bihainim gut na stret ol mama lo ating bai kantri bilong mipela i kisim gutpela developmen

i go long pes 5

Reip pasin kamap bikpela long PNG



i kam long pes 4

Dispela i soim tu olsem kantri bilong mipela i bagarap moa yet. Ol lida bilong ples, komyuniti na kantri i mas sindaun gut na skelim dispela. Dispela em i piksa bilong pipel na kantri i bagarap long sik nogut na ol lida i mas lukluk long tra'im stretim dispela bikpela hevi.

Ol polis na kot na lo tasol i no inap long mekim olgeta wok bilong daunim dispela hevi. Nogat. Olgeta lida i mas bung na painim aut wanem rot bilong daunim dispela hevi. Ol lida em ol komyuniti lida, kaunsil, sios lida, memba bilong lokol level gavman na tu ol memba bilong palamen. Wok bilong strongim famili na komyuniti i nambawan samting long stretim ol kain hevi olsem. Taim famili na komyuniti i stap gut bai kantri olgeta i stap orait. Pasin bilong respekt na stap gut wantaim bai kamap strong namel long komyuniti.

Man na meri em piksa bilong God

Olsem kristen yumi save yumi manmeri em piksa

Reip pasin i bagarapim tingting, laip na bodi bilong meri, na meri ken kisim bel.

bilong God yet na yumi olgeta i gat wankain namba long ai bilong God. God i wokim man na bodi bilong man i gat wok bilong en. God i wokim meri na bodi bilong meri i gat wok bilong en. Man na meri i bung wantaim long kamapim nupela laip long dispela graun. Na nupela laip i kamap long laik tru bilong tupela. Dispela laik tru bilong tupela i soim tu laik tru bilong God.

Gridi pasin bilong man o meri i no save soim laik tru namel long tupela na tu laik em God yet i putim insait long tupela.

Pasin nogut bilong reip i save:

- daunim meri olsem man o meri i no inap daunim na bagarapim laip bilong narapela.
- nogat rispekt long meri Save tru olsem laip i no samting bilong mani, bilas na amamas tasol. Laip i gat bikpela moa mining. Laip na bodi em haus holi bilong Holi Spirit.
- yusim meri olsem samting nating, pipia
- givim sem long meri na mekim laip bilong em i bagarap olgeta

mekim meri i gat pret oltaim na laip bilong em i stap olsem kalabus

Reip pasin i bagarapim tingting, laip na bodi bilong meri, na meri ken kisim bel.

Na meri i ken kisim olsem STD, HIV na Aids. Nau luk olsem HIV na Aids i bikpela tru na planti man nogut i gat dispela na ol i ken givim long meri. Yumi mas mekim wanem long daunim dispela pasin bilong reip?

Sapos yumi ol papama-na na ol lida na olgeta manmeri insait long komyuniti na ples i:

Lainim ol pikinini bilong yumi long kristen pasin bilong rispektim ol yet na tu long rispektim ol arapela manmeri.

Ol yangpela i save olsem laip bilong wan wan manmeri na pikinini i gat namba long ai bilong God. Olgeta wan wan manmeri na pikinini i gat wankain namba. (ikweliti) Wanpela

bin lainim ol gutpela na stretpela pasin taim ol i liklik pikinini i kam inap ol i bikpela manmeri. Na taim dispela kain man na meri i bikpela na i marit na i gat pikinini bilong em yet, ol i nogat save long skulim pikinin bilong ol. Orait yumi lukim dispela hevi i gro na gro i go moa yet na i bagarap tru

Man i mas tingim olsem yumi olgeta i gat ol susa tu. Traim tingim susa bilong yu sapos ol arapela man i mekim olsem long em. Reip pasin i save mekim meri i pret na sem na i bagarapim laip bilong em olgeta. Sapos yu papa na brata bilong wanpela yangpela meri bai yu pilim olsem wanem?

Wok bilong Gavman na Lo

Gavman i tra'im daunim dispela hevi tasol luk olsem dispela i no kamap gut. Ol polis i painim ol man i mekim rong na kolim ol na ol i go kalabus tasol dispela i no daunim dispela pasin liklik. Dispela pasin i wok long kamap moa yet. Ating ol man i no pret long lo na kalabus.

Gavman na ol lida i mas lukluk strong na painim wanem kain we bai helpim long daunim dispela bikpela hevi. Nau yet i luk olsem gavman na ol lida i no mekim inap wok yet. Eksampel. Taim ol yangpela man i sanap wantaim gan long hailans haiwe na holim ol PMV na stilim ol samting na bagarapim ol meri, ol dispela yangpela man i bilong wanpela ples na komyuniti klostu long dispela hap. Ol lida bilong ples i stap we, ol kaunsil na memba bilong gavman i stap we? Bilong wanem ol i no inap mekim wok i go long pes 6

Bihainim mama lo bilong kantri

i kam long pes 4

na dispela bai helpim gut tru olgeta pipel. Taim yumi gat dispela olgeta fi bai yumi ken paitim han na singsing na danis.

Yu skelim:

Wanem ol lida nau i stap i save tingting na helpim gut ol pipel?

Wanem ol lida yu ting i save gut long mama lo na i save bihainim long laip bilong em yet?

I gat sampela lida yu save i tra'im tru long kamapim gutpela developmen bilong helpim ol pipel bilong ol? Hamas ol lida i save tingting long ol yet na i no save givim inap helpim long pipel bilong ol?

Lida husat i slip long hotel na ron long dakklas kar em wanpela lida tru o nogut?

Reip pasin i kamap bikpela long PNG

i kam long pes 5

bilong ol long daunim dispela hevi? Planti lida i sanap long palamen long toktok long dispela hevi. Em i gutpela tasol toktok nating i no inap daunim dispela hevi.

Ol lida i mas go sindaun wana-taim ol pipel long ples na painim aut wanem kain rot bai yumi helpim ol yangpela man long lusim dispela pasin nogut. I gat rot bilong daunim dispela ol hevi tasol ating yumi no mekim inap wok long dispela. Ol lida long ples i stap bilong helpim ol pipel, tasol ating wok bilong ol lida i no kamap stret yet.

Taim ol pipel long komyuniti i bung na mekim planti toktok long dispela ol hevi na painim aut husat ol yangpela i save mekim. Na bilong wanem as tru na ol i mekim dispela ol pasin. Dispela tu bai helpim ol yangpela meri long was gut long dispela ol pasin nogut. Wan wan komyuniti i gat bikpela wok long mekim insait long komyuniti bilong ol. Ol kaunsil, ol sios lida, ol yut grup na mama grup i mas bung wana-taim na toktok strong long painim rot long daunim dispela ol hevi.

Pasin nogut i soim ples, komyuniti na kantri bilong yumi i gat

bikpela sik. Tasol i gat rot bilong daunim dispela sik. Yu wanpela memba bilong palamen na dispela kain pasin nogut i kamap long provins bilong yu. Dispela i soim olsem yu no mekim inap wok olsem lida tru. I gutpela sapos yu sem long kain hevi olsem i kamap long ples na provins bilong yu. Yu yet yu papa bilong ol dispela pipel na yu yet i no inap helpim ol. Ating yu no fit long stap lida.

Wanpela hap tok bilong wanpela strongpela lida bilong kantri India em Mahatma Gandhi. Em i tok olsem. Iyu ken skelim wanpela lida long pasin bilong ol



Ledi Carol Kidu:

pipel bilong emi Tok bilong dispela man i tru. Sapos ol pipel i save stil na bagarapim ol samting, ating dispela i soim olsem lida bilong ol tu i save mekim dispela kain pasin.

Yumi lainim wanem long Olimpik gems?

Taim kantri bilong yumi i amamas long selebretim 25 yia silva jubili, long siti bilong Sidni long Austrelia bikpela pilai bilong Olimpik gems i kamap. Planti kantri long wel i bin kam long dispela gems. Mipela long PNG tu i bin salim wanpela liklik tim i go daun long dispela pilai.

Long olgeta dispela kantri husat i bin resis, sampela tasol i bin winim ol medal, olsem ol i kamap nambawan n gol medal, nambatu n silva medal na nambatri n brons medal. Ol bikpela kantri olsem USA na Saina na Rasia na Jemeni na Austrelia yet ol i winim planti medal moa. Planti kantri i bin winim liklik namba bilong medal tasol olsem wanpela na tupela.

Kas bilong kantri Aislan

Wanpela liklik kantri long hap bilong Yurop nem bilong en Aislan, dispela kantri i bin winim wanpela medal tasol. Wanpela meri bilong dispela kantri i bin resis long

kalap long stik ol i kolim pol wolt. Em i kamap nambatu long dispela resis. Dispela meri i bin amamas tru long win bilong em na tu ol pipel long kantri bilong em i bin amamas na mekim bikpela pati taim dispela meri i go bek long ples.

Kemarun i win long soka

Wanpela liklik kantri long hap bilong Afrika, nem bilong en Kemarun. Dispela kantri tu i bin winim wanpela medal tasol na ol i winim long pilai soka. Ol i kamap nambawan long pilai soka na ol i kisim gol medal. Yes ol i amamas tru long win long dispela pilai. Ating dispela tim bai gat sans long win long wel kap soka tu.

Olsem wanem long yumi PNG!

Tim bilong yumi i gat sans tu long win long dispela bikpela pilai? Planti kantri husat i bin kam pilai long dispela Olimpik gems i traim strong tru tasol ol i no win na kisim medal. Olgeta kantri

husat i kamap long Sidni Olimpik i kam long bung, amamas na pilai wantaim. Ol i save olsem em i bikpela resis tru long winim medal na i hat moa yet. Tasol ol i traim. Ol dispela lain bilong pilai i bin praktis hat tru na tu ol i praktis longpela taim tru long redim ol yet long kamap long dispela pilai. Tasol i no olgeta i win, nogat tripela tasol i save win na kisim medal. Taim dispela gem i pinis bai ol i go bek na praktis moa yet long taim long narapela Olimpik gems long yia 2004.

Tim bilong mipela tu i bin traim hat tru long dispela gem tasol sori tumas mipela i no inap yet long winim wanpela medal. Yumi no ken wari long dispela tasol ating yumi mas traim hat moa yet na bihaintaim bai mipela i ken winim tu. Taim tim bilong mipela i kam bek, planti pipel i bin raitim pas long niuspepa na autim wari bilong ol. Ol i no amamas long tim bilong mipela i no winim wanpela medal. Planti moa pipel tu i gat dispela

wari na long ples na komyuniti ol i autim dispela. Ol lain i lukautim spot insait long kantri i traim givim ol kain kain eksklus na hevi em mipela long PNG i gat long kamapim ol nambawan manmeri bilong pilai.

Yes, yumi wanwan manmeri long kantri i gat rait long autim wari bilong mipela. Dispela i soim bikpela laik bilong mipela long amamas long pilai spot na tu long amamas long kantri bilong mipela. Mipela i laik mipela i mas gat nem tu long olkain pilai.

Pilai em samting bilong bung na amamas

Nambawan astingting bilong Olimpik gems em samting bilong bungim ol manmeri bilong olgeta kantri long pasin bilong bung wantaim na amamas long pilai spot. Olimpik gem i no samting bilong pilai resis long win tasol. Nogat. Bipo bipo tru bung bilong pilai Olimpik i samting bilong ol pipel bilong kantri Gris o Grik.

Ol i pilai long pasin bilong lotu long wanpela god bilong ol nem bilong em Jus. Ol i pilai bilong amamas dispela god bilong ol. Em i samting bilong lotu long dispela god bilong ol. Dispela nem Olimpik i nem bilong wanpela taun bilong dispela kantri Gris. Dispela pilai bilong ol Grik i bin kamap oltaim inap long yia 394 na dispela pilai i pinis olgeta.

Planti hundred yia bihain sampela saveman o sientis i bin go mekim wok long digim na painimaut dispela olupela siti bilong Olimpik. Na ol i painimaut long planti ol samting ol Grik i yusim bilong pilai bipo. Ol i painim ol bikpela haus na ples bilong pilai ol i wokim long ston. Wankain olsem ol stedium bilong pilai nau i gat long planti kantri. Wanpela man bilong kantri Frans long Yurop i bin ritim ol stori bilong ol Grik na em i ting i gutpela long kirapim bek dispela bikpela pilai ol Grik i save mekim bipo.

i go long pes 7

Yumi lainim wanem long Olimpik gems?

i kam long pes 6


Em i laik bai olgeta kantri long wel i mas kamap long dispela bikpela pilai resis. Orait long yia 1896 nambawan Olimpik gems i kamap long siti Athen long kantri Grik yet. Long dispela yia i kam inap nau long olgeta 4 pela yia dispela bikpela pilai i save kamap. Taim yumi kauntim i kam inap yia 2000 em i namba 27 taim olimpik gem i kamap pinis. Long dispela yia moa long 10 000 manmeri i bin kamap long dispela pilai long Sidni. Long yia 2004 bai Olimpik gems i kamap gen long kantri Gris. Em asples tru bilong Olimpik gem long bipo bipo tru.

Resis long win

Tru yumi ken tok olsem pilai em samting bilong bung na amamas tasol bikpela tingting tu em long win. Ol manmeri i no kam long pilai nating nogat, ol i laik win tu. Long dispela tingting ol i save praktis hat tru. Ol i gat program bilong trening. Ol i mas kisim kaikai i save helpim bodi bilong ol long pilai strong. Em i bikpela wok tru long mekim ol wan wan i redi tru long resis long pilai. Bodi na tingting bilong ol i mas kamap strong tru long winim wanem pilai ol i mekim. Taim ol i win ol i save olsem hatwok bilong ol i karim kaikai pinis. Taim ol i no win ol i save ol i mas hatwok moa yet long praktis na trening na traim gen long bihaintaim.

Nupela kain save

Nau i gat kain kain nupela save long helpim bodi long trening. Ol saveman o saientis i stadi na kamapim kain kain rot bilong trening long mekim ol manmeri i win tru long pilai. I gat ol masin bilong mekim eksasais long helpim ol bun na masol bilong bodi i kamap strong. Ol dokta tu i sekim wanem kain kaikai i gutpela bilong strongim bodi long pilai. I gat kain kain we o teknik bilong pilai tu i save mekim wanpela tim i win. Pilai spot i kamap tu samting bilong saiens we ol saveman i traim stadi na kamap ol nupela rot bilong win. Eksampel. Ol saveman i wokim



Ol pilai bilong Kamerun i amamas bihain long Pierre Wome (kela) i kikim gol long winim fes medal bilong ol long Olimpik gem.

wanpela kain klos bai ol lain i resis long swim i werim na dispela i mekim ol i spit moa yet taim ol i resis long swim. Dispela kain ol nupela samting i save mekim ol spot kamap samting bilong resis tru. I gat ol nupela teknik bilong pilai basket bal na soka na volibal na klostu olgeta spot. Taim wanpela kantri i laik resis long olgeta kain spot ol i mas save gut long ol nupela rot o teknik bilong pilai. Bai ol i ken pilai wankain olsem ol narapela husat i save win. Nogut bai ol arapela lain i winim ol nogut tru.

Mani na Pilai

Taim yumi skelim olgeta samting bilong mekim pilai bilong yumi i kamap wankain long ol arapela kantri, yumi ken luksave olsem olgeta dispela samting bai kos bikpela mani tru. Eksampel. Em i kos bikpela mani tru long trenim wanpela tim bilong pilai. Traim tingim wan wan man bilong pilai long USA basketbal tim i kos moa long 1 milien kina long trening wan wan bilong ol. Olgeta kantri i save tromoi bikpela man tru long redim ol manmeri bilong pilai long ol bikpela pilai. Taim ol i tromoi

bikpela mani olsem ol i save olsem dispela tim bilong ol i mas win. I no gutpela long tromoi mani nating na ol i no win.

PNG na Olimpik gems

Olsem wanpela independen kantri yumi laik pilai tu long Olimpik gems. Dispela i gutpela samting. PNG tu i memba bilong olgeta kantri i stap insait long Olimpik komyuniti na olgeta dispela kantri i mas salim tim bilong pilai long olgeta Olimpik gem. Olimpik komiti i save helpim olgeta kantri long sampela mani bilong salim tim i go resis long dispela pilai. Kantri bilong yumi i save kisim dispela helpim mani tu.

Taim yumi laik salim tim long Olimpik gems yumi mas tingting gut na kamapim gutpela plen bilong dispela. Yumi no ken wet inap las minit, o olsem 10 pela mun tasol i stap na yumi hariap long painim husat man o meri yumi ting i ken resis gut o pilai gut. Dispela kain em i no stret. Long kantri yumi gat ol lain i lukautim ol spot na i gat ministri bilong sport tu i stap. Olgeta i mas sindaun na kamapim gutpela

plen bilong olgeta kain sport. Dispela plen i mas bilong 10 i go 20 yia na moa yet. Wantaim dispela plen kantri i ken kirapim ol trening program bilong developim spot. Stat wantaim ol liklik pikinini long komyuniti skul na i go antap long hai skul na moa yet. Dispela bai helpim ol pikinini long kamap strong long pilai spot. Ol i ken pilai gut tru taim ol i liklik yet bai bihain taim ol i bikpela manmeri ating bai ol i win tru. Em nau ating long dispela taim bai yumi ken winim ol medal long Olimpik gems. Nau yet bai i hat tru. Nau yet yumi nogat gutpela plen, gutpela program na yumi no helpim long kamap gut ol pilai spot long ol skul. Nau yumi westim taim, westim mani, na bai yumi no inap kamap wankain olsem ol arapela kantri long win long ol bikpela pilai.

Lukluk na skelim

Kantri bilong yumi i gat planti manmeri i gat bikpela save bilong lukluk, stadi na skelim. Wanem kain spot mipela inap long pilai gut na win long en. Eksampel n̄ kantri Kenya na


Yumi lainim wanem long Olimpik gems?

i kam long pes 7

Itiopia long hap bilong Afrika i save olsem ron em spot ol i gat bikpela strong long en. So dispela tupela kantri i strong tru long mekim dispela spot i kamap gut long kantri bilong ol. Ol i putim mani na gutpela trening long dispela spot. Long dispela ol i winim ol medal long Olimpik gems. Ol i no wari tumas long ol narapela spot. Ol i save olsem ron em spot ol i strong tru na i ken win long en. Dispela tupela kantri i wankain olsem kantri bilong mipela. Ol i no gat planti mani tasol ol i gat gutpela tingting na save long wanem spot ol inap winim medal. Ol arapela kantri i no inap winim ol long ol dispela ol resis. Bikos gutpela tingting na program bilong ol i katim kaikai. Inap yumi long PNG mekim olsem tu. Yu yet i skelim!

Wanem spot em i gutpela long yumi

Ating swim na resis long ron i no pilai em yumi long PNG i strong long en yet. Mak bilong yumi long ron na swim i daunbilo yet. Ating ol pilai olsem



Ol disebel spotman i resis long wilsia long T54 10,000 mitas long Paralimpik gems long Sidni. Aninit: Sempion rana bilong Amerika Marion Jones i bin winim foapela gol medal long Olimpik gem.



long opis bilong spot i mas kamapim gutpela program bilong en. Wantaim dispela ol i mas skelim tu hamas mani bilong yusim long dispela program. Gavman i ken skelim mani bilong kamapim dispela program na tu ol kampani i ken helpim. Dispela program i mas go moa long 10 yia i go 20 yia samting. Dispela bai helpim tru ol yangpela long kamap gutpela manmeri bilong spot bikos ol bai gro insait long program na dispela bai helpim ol long kamap strong long win.

boksing na apim ain (weight lifting) na Tae Kwando i gutpela long yumi. Yumi mas skelim gut ol dispela na kamapim gutpela program bilong trening. Tru long ol arapela spot tu yumi mas wok strong long ol. Tasol ol dispela arapela spot yumi mas skelim longpela taim moa long kamapim ol gutpela manmeri long win long ol.

Program na mani

Taim yumi luksave long wanem spot i gutpela long yumi orait ol lain i go pas

Dispela pasin bilong luksave olsem Olimpik gems bai kamap na yumi guria na mekim ol samting long las minit em pasin bilong ol longlong lain. Yumi ol lain i gat inap save na yumi mas mekim ol samting stret wantaim gutpela save. Yumi no ken salim ol lain bilong mipela long go raun na traim tasol long Olimpik gems. Taim yumi salim ol yumi mas save ol i gat gutpela sans long win. Nau yumi ken sanap na tok: em nau kas bilong mipela.

Melanesian Institute husat i save redim dispela liklik pepa Umben i save raitim tu ol arapela buk long tok Inglis. Ol dispela buk em: **Catalyst na Point.**

Catalyst i save kamap tupela taim long wan wan yia. Na Point i save kamap wanpela taim long wan wan yia. Insait long dispela tupela buk i gat kain kain toktok em ol manmeri i gat gutpela save na tingting i raitim. Olgeta dispela manmeri i bilong kantri bilong mipela yet. Sampela bilong ol dispela lain em ol tisa long bikpela skul olsem yunivesiti na ol arapela bikpela skul. Sampela bilong ol i misinari husat i gat planti ekspeiens long wok hia long PNG. Ol dispela lain i rait long planti samting i save kamap insait long kantri. Ol i toktok long politiks na developmen. I gat gutpela toktok long kalsa na pasin tumbuna bilong yumi. I no lain long PNG tasol i save baim Catalyst na Point, nogat. Ol bikpela skul na yunivesiti long narapela kantri tu i save yusim Catalyst na Point long skul bilong ol.

Sapos yu wanpela tisa o skul studen husat i gat bikpela interes long ol samting i kamap insait long kantri na yu laik raitim ol gutpela skul ol i raitim, yu ken rait long mipela long save long dispela buk bilong mipela.



CATALYST

Social Pastoral Magazine for Melanesia

point

Religion and Development

(1)

No.1, 1979

CONTENTS

Measuring a Melanesian	3
Responses to Tribal Fighting in Papua Morgan W. Fauna	7
Notes on Karua Island Karel M. Boven	27
Completion 15 years of Publication Year of Change and Exchange Bernard Johnson	42
Learning from the Bible: Joseph Konedel	43
ALERT - An Agent of Inculturation Ernest Maitavani	48
Young Melanesians Look Mark Maitavani	51
Notes on Melanesian Education Gerald Paganini	55

ISSN 0890-2222

Printed by the Melanesian Institute at P.O. Box 5, Port Moresby, Papua New Guinea

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.